

अथ सप्तमोऽष्टकः

प्रथमोऽध्यायः

। व० १-४१ ।

(१) प्रथमं सूक्तम्

(१-६) षडृचस्यास्य सूक्तस्याङ्गिरस अयास्य ऋषिः । पवमानः सोमो देवता ।

गायत्री छन्दः

प्र णं इन्दो म॒हे तन॑ ऊ॒र्मि न बिभ्र॑दर्षसि । अ॒भि दे॒वाँ अ॒यास्यः॑ १
म॒ती जुष्टो॑ धि॒या हितः॑ सोमो॑ हिन्वे प॒राव॑ति । वि॒प्रस्य॑ धार॑या क॒विः २
अ॒यं दे॒वेषु॑ जा॒गृविः॑ सु॒त ए॑ति प॒वित्र॑ आ । सोमो॑ याति॒ विच॑र्षणिः ३
स नः॑ पव॒स्व वा॒ज्यु॒श्चक्रा॑णश्चारु॑मध्व॒रम् । ब॒र्हिष्माँ॑ आ वि॒वास॑ति ४
स नो॑ भगा॒य वा॒यवे॑ वि॒प्रवीरः॑ स॒दावृ॑धः । सोमो॑ दे॒वेष्व॑ य॒मत् ५
स नो॑ अ॒द्य वसु॑त्तये क्र॒तुवि॑द्गा॒तुवि॑त्तमः । वा॒जं जे॒षि श्र॑वो॑ बृ॒हत् ६

(२) द्वितीयं सूक्तम्

(१-६) षडृचस्यास्य सूक्तस्याङ्गिरस अयास्य ऋषिः । पवमानः सोमो देवता ।

गायत्री छन्दः

स प॑वस्व॒ मदा॑य॒ कं नृ॒चक्षा॑ दे॒ववी॑तये । इ॒न्दुवि॒न्द्राय॑ पी॒तये॑ १
स नो॑ अ॒र्षाभि॑ दू॒त्यंश् त्व॑मिन्द्राय॒ तोश॑से । दे॒वान् त्स॑खि॒भ्य आ॑ व॒रम् २
उ॒त त्वा॑म॒रुणं॑ व॒यं गो॑भि॒रञ्ज॑मो मदा॑य॒ कम् । वि॒ नो रा॑ये दुरो॑ वृ॒धि ३
अ॒त्यू प॒वित्र॑म॒क्रमी॑द् वा॒जी धु॑रं न या॒मनि॑ । इ॒न्दुर्दे॒वेषु॑ प॒त्यते॑ ४
समी॑ सखा॒यो अ॒स्वर॑न् वने॒ क्रीळ॑न्त॒मत्य॑विम् । इ॒न्दु॑ ना॒वा अ॒नूष॑त ५
तया॑ पव॒स्व धार॑या॒ यया॑ पी॒तो वि॒चक्षा॑से । इ॒न्दो॑ स्तो॒त्रे सु॑वीर्यम् ६

(३) तृतीयं सूक्तम्

(१-६) षडृचस्यास्य सूक्तस्याङ्गिरस अयास्य ऋषिः । पवमानः सोमो देवता ।

गायत्री छन्दः

अ॒सृग्र॑न् दे॒ववी॑तये॒ ऽत्या॑सः कृ॒त्या इ॒व । क्षर॑न्तः प॒र्वता॑वृ॒धः १
परि॑ष्कृ॒तास॑ इ॒न्दवो॑ योषे॒व पि॒त्र्या॑वती । वा॒युं सो॑मा॒ असृ॑क्षत २
ए॒ते सो॑मा॒स इ॒न्दवः॑ प्र॒यस्व॑न्तश्च॒मू सु॑ताः । इ॒न्द्रं वर्ध॑न्ति॒ कर्म॑भिः ३

आ धावता सुहस्त्यः शूक्रा गृभ्णीत मन्थिना । गोभिः श्रीणीत मत्सरम् ४
स पवस्व धनंजय प्रयन्ता राधसो महः । अस्मभ्यं सोम गातुवित् ५
एतं मृजन्ति मर्ज्यं पवमानं दश क्षिपः । इन्द्राय मत्सरं मदम् ६

(४) चतुर्थं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।
गायत्री छन्दः

अया सोमः सुकृत्यया महश्चिदभ्यवर्धत । मन्दान उद्वषायते १
कृतानीदस्य कर्त्वा चेतन्ते दस्युतर्हणा । ऋणा च धृष्णुश्चयते २
आत् सोम इन्द्रियो रसो वज्रः सहस्रसा भुवत् । उक्थं यदस्य जायते ३
स्वयं कविर्विधर्तरि विप्राय रत्नमिच्छति । यदी मर्मज्यते धियः ४
सिषासतू रयीणां वाजेष्वर्वतामिव । भरेषु जिग्युषामसि ५

(५) पञ्चमं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।
गायत्री छन्दः

तं त्वा नृम्णानि बिभ्रतं सधस्थेषु महो दिवः । चारुं सुकृत्ययैमहे १
संवृक्तधृष्णुमुक्थ्यं महामहिव्रतं मदम् । शतं पुरो रुरुक्षणिम् २
अतस्त्वा रयिमभि राजानं सुक्रतो दिवः । सुपर्णो अव्यथिर्भरत् ३
विश्वस्मा इत् स्वर्दृशे साधारणं रजस्तुरम् । गोपामृतस्य विर्भरत् ४
अधा हिन्वान इन्द्रियं ज्यायो महित्वमानशे । अभिष्टिकृद्विचर्षणिः ५

(६) षष्ठं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।
गायत्री छन्दः

पवस्व वृष्टिमा सु नो ऽपामूर्मि दिवस्परि । अयुद्धमा बृहतीरिषः १
तया पवस्व धारया यया गाव इहागमन् । जन्यास उप नो गृहम् २
घृतं पवस्व धारया युज्ञेषु देववीतमः । अस्मभ्यं वृष्टिमा पव ३
स न ऊर्जे व्यश्व्ययं पवित्रं धाव धारया । देवासः शृणवन् हि कम् ४
पवमानो असिष्यद् दक्षास्यपजङ्घनत् । प्रत्नवद्रोचयन् रुचः ५

(७) सप्तमं सूक्तम्

(१-५) पञ्चर्चस्यास्य सूक्तस्याङ्गिरस उचथ्य ऋषिः । पवमानः सोमो देवता ।

गायत्री छन्दः

उत् ते शुष्मास ईरते सिन्धौरूर्मेरिव स्वनः । वाणस्य चोदया पविम् १
प्रसवे त उदीरते तिस्रो वाचो मखस्युर्वः । यदव्य एषि सानवि २
अव्यो वारे परि प्रियं हरिं हिन्वन्त्यद्रिभिः । पवमानं मधुश्चुतम् ३
आ पवस्व मदिन्तम पवित्रं धारया कवे । अर्कस्य योर्निमासदम् ४
स पवस्व मदिन्तम् गोभिरञ्जानो अक्तुभिः । इन्द्रविन्द्राय पीतये ५

(८) अष्टमं सूक्तम्

(१-५) पञ्चर्चस्यास्य सूक्तस्याङ्गिरस उचथ्य ऋषिः । पवमानः सोमो देवता ।

गायत्री छन्दः

अध्वर्यो अद्रिभिः सुतं सोमं पवित्रं आ सृज । पुनीहीन्द्राय पातवे १
दिवः पीयूषमुत्तमं सोममिन्द्राय वज्रिणैः । सुनोता मधुमत्तमम् २
तव त्य इन्द्रो अन्धसो देवा मधोर्व्यश्नते । पवमानस्य मरुतः ३
त्वं हि सोम वर्धयन् त्सुतो मदाय भूणये । वृषन् त्तोतारमूतये ४
अभ्यर्ष विचक्षण पवित्रं धारया सुतः । अभि वाजमुत श्रवः ५

(९) नवमं सूक्तम्

(१-५) पञ्चर्चस्यास्य सूक्तस्याङ्गिरस उचथ्य ऋषिः । पवमानः सोमो देवता ।

गायत्री छन्दः

परि द्युक्षः सनद्रयिर्भरद्वाजं नो अन्धसा । सुवानो अर्ष पवित्रं आ १
तव प्रत्नेभिरध्वभि रव्यो वारे परि प्रियः । सहस्रधारो यात् तना २
चरुर्न यस्तमीङ्खये न्दो न दानमीङ्खय । वधैर्वधस्त्रवीङ्खय ३
नि शुष्मामिन्दवेषां पुरुहूत जनानाम् । यो अस्माँ आदिदैशति ४
शतं न इन्द्र ऊतिभिः सहस्रं वा शुचीनाम् । पवस्व मंहयद्रयिः ५

(१०) दशमं सूक्तम्

(१-४) चतुर्चस्यास्य सूक्तस्य काश्यपोऽवत्सार ऋषिः । पवमानः सोमो देवता

। गायत्री छन्दः

उत् ते शुष्मासो अस्थू रक्षो भिन्दन्तौ अद्रिवः । नुदस्व याः परिस्पृधः १

अया निजघ्नोरोजसा रथसङ्गे धने हिते । स्तवा अर्बिभ्युषा हृदा २
 अस्य वृतानि नाधृषे पर्वमानस्य दूढया । रुज यस्त्वा पृतन्यति ३
 तं हिन्वन्ति मदच्युतं हरिं नदीषु वाजिनम् । इन्दुमिन्द्राय मत्सरम् ४

(११) एकादशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
 । गायत्री छन्दः

अस्य प्रत्नामनु द्युतं शक्रं दुदुहे अहयः । पर्यः सहस्रसामृषिम् १
 अयं सूर्य इवोपदृ गयं सरांसि धावति । सप्त प्रवत आ दिवम् २
 अयं विश्वानि तिष्ठति पुनानो भुवनोपरि । सोमो देवो न सूर्यः ३
 परि णो देववीतये वाजाँ अर्षसि गोमतः । पुनान इन्दविन्द्रयुः ४

(१२) द्वादशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
 । गायत्री छन्दः

यवयवं नो अन्धसा पुष्टंपुष्टं परि स्रव । सोम विश्वा च सौभगा १
 इन्दो यथा तव स्तवो यथा ते जातमन्धसः । नि बर्हिषि प्रिये संदः २
 उत नो गोविदश्चवित् पवस्व सोमान्धसा । मद्भूतमेभिरहभिः ३
 यो जिनाति न जीर्यते हन्ति शत्रुमभीत्य । स पवस्व सहस्रजित् ४

(१३) त्रयोदशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
 । गायत्री छन्दः

परि सोमं ऋतं बृहदाशुः पवित्रै अर्षति । विघ्नन् रक्षांसि देवयुः १
 यत् सोमो वाजमर्षति शतं धारा अपस्युर्वः । इन्द्रस्य सख्यमाविशन् २
 अभि त्वा योषणो दशं जारं न कन्यानूषत । मृज्यसै सोम सातयै ३
 त्वमिन्द्राय विष्णावे स्वादुरिन्दो परि स्रव । नृचफढन् स्तोतृन् पाह्यंहंसः ४

(१४) चतुर्दशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
 । गायत्री छन्दः

प्र ते धारा असञ्चतौ दिवो न यन्ति वृष्टयः । अच्छा वाजं सहस्त्रिणम् १
अभि प्रियाणि काव्या विश्वा चक्षारो अर्षति । हरिस्तुञ्जान आयुधा २
स मर्मृजान आयुभि रिभो राजैव सुव्रतः । श्येनो न वंसु षीदति ३
स नो विश्वा दिवो वसू तो पृथिव्या अर्धि । पुनान इन्द्रवा भर ४

(१५) पञ्चदशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
। गायत्री छन्दः

तरत् स मन्दी धावति धारा सुतस्यान्धसः । तरत् स मन्दी धावति १
उस्रा वेद वसूनां मर्तस्य देव्यवसः । तरत् स मन्दी धावति २
ध्वस्त्रयोः पुरुषन्त्यो रा सहस्राणि दद्यहे । तरत् स मन्दी धावति ३
आ ययौस्त्रिंशत् तना सहस्राणि च दद्यहे । तरत् स मन्दी धावति ४

(१६) षोडशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
। गायत्री छन्दः

पवस्व गोजिदंश्चजि द्विश्चजित् सौम रणयजित् । प्रजावद्रत्तमा भर १
पवस्वाद्भ्यो अदाभ्यः पवस्वौषधीभ्यः । पवस्व धिषणाभ्यः २
त्वं सौम पवमानो विश्वानि दुरिता तर । कविः सीद नि बर्हिषि ३
पवमान स्वर्विदो जायमानोऽभवो महान् । इन्द्रो विश्वा अभीदसि ४

(१७) सप्तदशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
। (१-२, ४) प्रथमाद्वितीययोर्ऋचोश्चतुर्थ्याश्च गायत्री, (३) तृतीयायाश्च पुर
उष्णिक छन्दसी

प्र गायत्रेण गायत् पवमानं विचर्षणिम् । इन्दुं सहस्रचक्षसम् १
तं त्वा सहस्रचक्षस मथो सहस्रभर्णसम् । अति वारमपाविषुः २
अति वारान् पवमानो असिष्यदत् कलशां अभि धावति । इन्द्रस्य
हाद्यां विशन् ३

इन्द्रस्य सोम राधसे शं पवस्व विचर्षणे । प्रजावद्रेत् आ भर ४

(१८) अष्टादशं सूक्तम्

(१-३०) त्रिंशदृचस्यास्य सूक्तस्याङ्गिरसोऽमहीयुर्ऋषिः । पवमानः सोमो देवता ।

गायत्री छन्दः

अया वीती परिं स्रव यस्त इन्दो मदेष्वा । अवाहन् नवतीर्नव १
 पुरः सद्य इत्थाधिये दिवोदासाय शम्बरम् । अध त्यं तुर्वशं यदुम् २
 परिं शो अश्वमश्ववि द्रोमदिन्दो हिरण्यवत् । क्षरा सहस्त्रिणीरिषः ३
 पवमानस्य ते वयं पवित्रमभ्युन्दतः । सखित्वमा वृणीमहे ४
 ये तै पवित्रमूर्मयो ऽभिक्षरन्ति धारया । तेभिर्नः सोम मृळ्य ५
 स नः पुनान आ भर रयिं वीरवतीमिषम् । ईशानः सोम विश्वतः ६
 एतमु त्यं दश क्षिपौ मृजन्ति सिन्धुमातरम् । समादित्येभिरख्यत ७
 समिन्द्रैणोत वायुना सुत एति पवित्र आ । सं सूर्यस्य रश्मिभिः ८
 स नो भगाय वायवे पूषणे पवस्व मधुमान् । चारुमित्रे वरुणे च ९
 उच्चा तै जातमन्धसो दिवि षड्म्या ददे । उग्रं शर्म महि श्रवः १०
 एना विश्वान्यर्य आ द्युम्नानि मानुषाणाम् । सिषासन्तो वनामहे ११
 स न इन्द्राय यज्यवे वरुणाय मरुद्भ्यः । वरिवोवित् परिं स्रव १२
 उपो षु जातममुरं गोभिर्भङ्गं परिष्कृतम् । इन्दु देवा अयासिषुः १३
 तमिद्वर्धन्तु नो गिरौ वत्सं संशिश्वरीरिव । य इन्द्रस्य हदंसनिः १४
 अर्षा णः सोम शं गवे धुक्षस्व पिप्युषीमिषम् । वर्धा समुद्रमुक्थ्यम् १५
 पवमानो अजीजनद्विवश्चित्रं न तन्यतुम् । ज्योतिर्वैश्वानरं बृहत् १६
 पवमानस्य ते रसो मदौ राजन्नदुच्छुनः । वि वारमव्यमर्षति १७
 पवमान् रसस्तव दक्षो वि राजति द्युमान् । ज्योतिर्विश्वं स्वर्दृशे १८
 यस्ते मदो वरैण्य स्तेना पवस्वान्धसा । देवावीरघशंसहा १९
 जघ्निर्वृत्रममित्रियं सस्त्रिर्वाजं दिवेदिवे । गोषा उ अश्वसा असि २०
 संमिश्लो अरुषो भव सूपस्थाभिर्न धेनुभिः । सीदञ्छयेनो न योनिमा २१
 स पवस्व य आविथे न्द्रं वृत्राय हन्तवे । वृत्रिवांसं महीरपः २२
 सुवीरासो वयं धना जयैम सोम मीद्वः । पुनानो वर्ध नो गिरः २३
 त्वोतासस्तवारवसा स्याम वन्वन्त आमुरः । सोम वृतेषु जागृहि २४
 अपघ्नन् पवते मृधो ऽप सोमो अराव्णः । गच्छन्निन्द्रस्य निष्कृतम् २५
 महो नो राय आ भर पवमान जही मृधः । रास्वेन्दो वीरवृद्यशः २६
 न त्वा शतं चन हुतो राधो दित्सन्तमा मिनन् । यत् पुनानो मखस्यसै २७
 पवस्वेन्दो वृषा सुतः कृधी नो यशसो जनै । विश्वा अप द्विषौ जहि २८

अस्य ते सख्ये वयं तवेन्दो द्युम्न उत्तमे । सासह्यामं पृतन्यतः २६
या ते भीमान्यायुधा तिग्मानि सन्ति धूर्वणे । रक्षा समस्य नो निदः ३०

(१६) एकोनविंशं सूक्तम्

(१-३०) त्रिंशदृचस्यास्य सूक्तस्य भार्गवो जमदग्निर्ऋषिः । पवमानः सोमो देवता
। गायत्री छन्दः

एते असृग्रमिन्दव स्तिरः पवित्रमाश्वः । विश्वान्यभि सौभगा १
विघ्नन्तो दुरिता पुरु सुगा तोकार्य वाजिनः । तना कृणवन्तो अर्वते २
कृणवन्तो वरिवो गवे ऽभ्यर्षन्ति सुष्टुतिम् । इळामस्मभ्यं संयतम् ३
असाव्यंशुर्मदाया ऽप्सु दक्षौ गिरिष्ठाः । श्येनो न योनिमासदत् ४
शुभ्रमन्धो देववात मप्सु धूतो नृभिः सुतः । स्वदन्ति गावः पयोभिः ५
आदीमश्वं न हेतारो ऽशूशुभन्नमृताय । मध्वो रसं सधमादे ६
यास्ते धारा मधुश्चुतो ऽसृग्रमिन्द ऊतये । ताभिः पवित्रमासदः ७
सो अर्षेन्द्राय पीतये तिरो रोमाण्यव्यया । सीदन् योना वनेष्वा ८
त्वमिन्दो परि स्रव स्वादिष्ठो अङ्गिरोभ्यः । वरिवोविद्घृतं पयः ९
अयं विचर्षणिर्हितः पवमानः स चैतति । हिन्वान आप्यं बृहत् १०
एष वृषा वृषव्रतः पवमानो अशस्तिहा । करद्वसूनि दाशुर्षे ११
आ पवस्व सहस्त्रिणं रयिं गोमन्तमश्विनम् । पुरुश्चन्द्रं पुरुस्पृहम् १२
एष स्य परि षिच्यते मर्मृज्यमान आयुभिः । उरुगायः कविक्रतुः १३
सहस्रौतिः शतामघो विमानो रजसः कविः । इन्द्राय पवते मर्दः १४
गिरा जात इह स्तुत इन्दुरिन्द्राय धीयते । वियोना वसताविव १५
पवमानः सुतो नृभिः सोमो वाजमिवासरत् । चमूषु शक्मनासदम् १६
तं त्रिपृष्ठे त्रिवन्धुरे रथे युञ्जन्ति यातवे । ऋषीणां सप्त धीतिभिः १७
तं सीतारो धनुस्पृत माशं वाजाय यातवे । हरिं हिनोत वाजिनम् १८
आविशन् कलशं सुतो विश्वा अर्षन्नभि श्रियः । शूरो न गोषु तिष्ठति १९
आ त इन्दो मदाय कं पयो दुहन्त्यायवः । देवा देवेभ्यो मधु २०
आ नः सोमं पवित्र आ सृजता मधुमत्तमम् । देवेभ्यो देवश्रुत्तमम् २१
एते सोमा असृक्षत गृणानाः श्रवसे महे । मदिन्तमस्य धारया २२
अभि गव्यानि वीतये नृम्णा पुनानो अर्षसि । सनद्वाजः परि स्रव २३
उत नो गोमतीरिषो विश्वा अर्ष परिष्टुभिः । गृणानो जमदग्निना २४

पवस्व वाचो अग्रियः सोमं चित्राभिरूतिभिः । अभि विश्वानि काव्या २५
 त्वं समुद्रिया अपौ ऽग्रियो वाच ईरयन् । पवस्व विश्वमेजय २६
 तुभ्येमा भुवना कवे महिम्ने सोम तस्थिरे । तुभ्यमर्षन्ति सिन्धवः २७
 प्र ते दिवो न वृष्टयो धारा यन्त्यसश्चतः । अभि शक्रामुपस्तिरम् २८
 इन्द्रायेन्दु पुनीतनो ग्रं दक्षायु साधनम् । ईशानं वीतिराधसम् २९
 पवमान ऋतः कविः सोमः पवित्रमासदत् । दधत् स्तोत्रे सुवीर्यम् ३०

(२०) विंशं सूक्तम्

(१-३०) त्रिंशदृचस्यास्य सूक्तस्य काश्यपो निधुविर्ऋषिः । पवमानः सोमो देवता
 । गायत्री छन्दः

आ पवस्व सहस्त्रिणं रयिं सोम सुवीर्यम् । अस्मे श्रवांसि धारय १
 इषमूर्जं च पिन्वस इन्द्राय मत्सरिन्तमः । चमूष्वा नि षीदसि २
 सुत इन्द्राय विष्णावे सोमः कलशे अक्षरत् । मधुमाँ अस्तु वायवे ३
 एते असृग्रमाशवो ऽति हरांसि बभ्रवः । सोमा ऋतस्य धारया ४
 इन्द्रं वर्धन्तो अमुरः कृगवन्तो विश्वमार्यम् । अपघ्नन्तो अराव्णः ५
 सुता अनु स्वमा रजो ऽभ्यर्षन्ति बभ्रवः । इन्द्रं गच्छन्त इन्दवः ६
 अया पवस्व धारया यया सूर्यमरौचयः । हिन्वानो मानुषीरपः ७
 अयुक्त सूर एतंशं पवमानो मनावधि । अन्तरिक्षेण यातवे ८
 उत त्या हरितो दश सूरौ अयुक्त यातवे । इन्दुरिन्द्र इति ब्रुवन् ९
 परीतो वायवे सुतं गिर इन्द्राय मत्सरम् । अव्यो वारेषु सिञ्चत १०
 पवमान विदा रयि मस्मभ्यं सोम दुष्टरम् । यो दूणाशौ वनुष्यता ११
 अभ्यर्ष सहस्त्रिणं रयिं गोमन्तमश्विनम् । अभि वाजमुत श्रवः १२
 सोमो देवो न सूर्यो ऽद्रिभिः पवते सुतः । दधानः कलशे रसम् १३
 एते धामान्यार्या शक्रा ऋतस्य धारया । वाजं गोमन्तमक्षरन् १४
 सुता इन्द्राय वज्रिणे सोमासो दध्याशिरः । पवित्रमत्यक्षरन् १५
 प्र सौम मधुमत्तमो राये अर्ष पवित्र आ । मदो यो देववीतमः १६
 तमी मृजन्त्यायवो हरि नदीषु वाजिनम् । इन्दुमिन्द्राय मत्सरम् १७
 आ पवस्व हिरण्यव दक्षावत् सोम वीरवत् । वाजं गोमन्तमा भर १८
 परि वाजे न वाजयु मव्यो वारेषु सिञ्चत । इन्द्राय मधुमत्तमम् १९
 कविं मृजन्ति मर्ज्य धीभिर्विप्रा अवस्यवः । वृषा कनिक्रदर्षति २०

वृषणं धीभिरसुरं सोममृतस्य धारया । मती विप्राः समस्वरन् २१
 पवस्व देवायुष गिन्द्रं गच्छतु ते मदः । वायुमा रोह धर्मणा २२
 पवमान् नि तौशसे रयिं सौम श्रवाय्यम् । प्रियः समुद्रमा विश २३
 अपघ्नन् पवसे मृधः क्रतुवित् सौम मत्सरः । नुदस्वादवयुं जनम् २४
 पवमाना असृक्षत सोमोः शक्रास इन्दवः । अभि विश्वानि काव्या २५
 पवमानास आशर्वः शभ्रा असृग्रमिन्दवः । घन्तो विश्वा अप द्विषः २६
 पवमाना दिवस्प र्यन्तरिक्षादसृक्षत । पृथिव्या अधि सानवि २७
 पुनानः सौम धारयेन्दो विश्वा अप स्त्रिधः । जहि रक्षांसि सुक्रतो २८
 अपघ्नन् त्सौम रक्षसो ऽभ्यर्ष कर्निक्रदत् । द्युमन्तं शुष्ममुत्तमम् २९
 अस्मे वसूनि धारय सोम दिव्यानि पार्थिवा । इन्दो विश्वानि वार्या ३०

(२१) एकविंशं सूक्तम्

(१-३०) त्रिंशदृचस्यास्य सूक्तस्य मारीचः कश्यप ऋषिः । पवमानः सोमो देवता
 । गायत्री छन्दः

वृषा सोम द्युमाँ असि वृषा देव वृषव्रतः । वृषा धर्माणि दधिषे १
 वृषास्ते वृषयं शवो वृषा वनं वृषा मदः । सत्यं वृषन् वृषेदसि २
 अश्वो न चक्रदो वृषा सं गा इन्दो समर्वतः । वि नो राये दुरो वृधि ३
 असृक्षत प्र वाजिनो गव्या सोमासो अश्वया । शक्रासौ वीरयाशर्वः ४
 शम्भमाना ऋतायुभि मृज्यमाना गभस्त्योः । पवन्ते वारो अव्यये ५
 ते विश्वा दाशुषे वसु सौमा दिव्यानि पार्थिवा । पवन्तामान्तरिक्ष्या ६
 पवमानस्य विश्ववित् प्र ते सर्गा असृक्षत । सूर्यस्येव न रश्मयः ७
 केतुं कृणवन् दिवस्प रि विश्वा रूपाभ्यर्षसि । समुद्रः सौम पिन्वसे ८
 हिन्वानो वार्चमिष्यसि पवमान् विधर्मणि । अक्रान् देवो न सूर्यः ९
 इन्दुः पविष्ट चेतनः प्रियः कवीनां मती । सृजदश्च रथीरिव १०
 ऊर्मिर्यस्तै पवित्र आ देवावीः पर्यक्षरत् । सीदन्नृतस्य योनिमा ११
 स नो अर्ष पवित्र आ मदो यो देववीतमः । इन्द्रविन्द्राय पीतये १२
 इषे पवस्व धारया मृज्यमानो मनीषिभिः । इन्दो रुचाभि गा इहि १३
 पुनानो वरिवस्कृध्यूर्ज जनाय गिर्वणः । हरे सृजान आशिरम् १४
 पुनानो देववीतय इन्द्रस्य याहि निष्कृतम् । द्युतानो वाजिभिर्यतः १५
 प्र हिन्वानास इन्द्रो ऽच्छा समुद्रमाशर्वः । धिया जूता असृक्षत १६

म॒र्म॒जा॒नासं॑ आ॒यवो॑ वृ॒था॑ स॒मुद्र॑मिन्द॒वः । अ॒ग्म॑न्वृ॒तस्य॑ यो॒नि॒मा १७
 परि॑ णो या॒ह्यस्म॑यु॒र्विश्वा॑ व॒सू॒न्योर्ज॑सा । पा॒हि नः॑ श॒र्म वी॑रवत् १८
 मि॒मा॒ति व॒ह्निरे॑त॒शः प॒दं यु॑जा॒न ऋ॒क्व॒भिः । प्र यत् स॑मु॒द्र आ॒हितः १९
 आ यद्यो॑निं हि॒र॒ण्यय॑ मा॒शु॒र्भृ॒तस्य॑ सी॒दति॑ । ज॒हा॒त्यप्र॑चे॒तसः २०
 अ॒भि वे॒ना अ॒नूष॑ते य॒क्षन्ति॑ प्र॒चे॒तसः॑ । म॒ज्ज॒न्त्यवि॑चे॒तसः २१
 इन्द्रा॑ये॒न्दो म॒रु॒त्व॒ते प॑र्वस्व॒ मधु॑मत्त॒मः । ऋ॒तस्य॑ यो॒नि॒मा॒सद॑म् २२
 तं त्वा॑ वि॒प्रा व॒चो॒विदः॑ परि॒ष्कृ॒णव॑न्ति वे॒धसः॑ । सं त्वा॑ मृ॒ज॒न्त्या॒यवः॑ २३
 रसं॑ ते मि॒त्रो अ॒र्य॑मा पि॒बन्ति॑ व॒रु॒णः क॒वे । प॑र्व॒मान॑स्य म॒रुतः॑ २४
 त्वं सो॑म वि॒पश्चि॑तं पु॒नानो॑ वा॒चमि॑ष्यसि । इ॒न्दो स॒हस्र॑भ॒र्णस॑म् २५
 उ॒तो स॒हस्र॑भ॒र्णसं॑ वा॒चं सो॑म म॒ख॒स्यु॒वम् । पु॒नान॑ इ॒न्द्रवा॑ भ॒र २६
 पु॒नान॑ इ॒न्द्रवे॑षां पु॒रु॒हूत॑ ज॒ना॒नाम् । प्रि॒यः स॑मु॒द्रमा॑ वि॒श २७
 द॒वि॒द्यु॒तत्या॑ रु॒चा परि॑ष्टो॒भ॒न्त्या॑ कृ॒पा । सो॒माः श॒क्रा ग॒वा॒शिरः॑ २८
 हि॒न्वा॒नो हे॒तृभि॑र्य॒त आ॑ वा॒जं वा॒ज्य॑क॒मीत् । सी॒द॒न्तो व॒नुषो॑ यथा २९
 ऋ॒धक् सो॑म स्व॒स्तये॑ संज॒ग्मानो॑ दि॒वः क॒विः । प॑र्वस्व॒ सूर्यो॑ दृ॒शे ३०
 द्वि॒तीयोऽध्यायः

। व० १-३३ ।

(२२) द्वाविंशं सूक्तम्

(१-३०) त्रिंशद्दृचस्यास्य सूक्तस्य वारुणिर्भृगुर्भार्गवो जमदग्निर्वा ऋषिः । पवमानः
सोमो देवता । गायत्री छन्दः

हि॒न्वन्ति॑ सू॒रमु॑स्र॒यः स्व॑सारो जा॒मय॑स्पति॒म् । म॒हा॒मि॒न्दुं म॒ही॒युवः॑ १
 प॑र्व॒मान॑ रु॒चारु॑चा दे॒वो दे॒वेभ्य॑स्परि॑ । वि॒श्वा व॒सू॒न्या वि॑श २
 आ प॑व॒मान॑ सु॒ष्टुतिं॑ वृ॒ष्टिं दे॒वेभ्यो॑ दु॒वः । इ॒षे प॑र्वस्व॒ संय॑तम् ३
 वृ॒षा ह्य॑सि॒ भानु॑ना॒ द्यु॒मन्तं॑ त्वा ह॒वाम॑हे । प॑र्व॒मान॑ स्वा॒र्ध्यः ४
 आ प॑र्वस्व॒ सु॒वीर्यं॑ म॒न्द॒मानः॑ स्वा॒युध॑ । इ॒हो ष्वि॑न्द्र॒वा ग॑हि ५
 यद॒द्भिः॑ परि॒षि॒च्यसे॑ मृ॒ज्य॒मानो॑ ग॒र्भ॒स्त्योः॑ । दु॒र्णा स॒ध॒स्थम॑श्नुषे ६
 प्र सो॑मा॒य व्य॑श्व॒वत् प॑र्व॒मानाय॑ गायत । म॒हे स॒हस्र॑च॒क्षसे॑ ७
 यस्य॑ वर्णं॒ मधु॑क्षु॒तं हरि॑ हि॒न्वन्त्य॑द्रि॒भिः । इ॒न्दु॒मि॒न्द्राय॑ पी॒तये॑ ८
 तस्य॑ ते वा॒जिनो॑ व॒यं वि॑श्वा॒ धना॑नि जि॒ग्युषः॑ । स॒खि॒त्वमा॑ वृ॒णीम॑हे ९
 वृ॒षा प॑वस्व॒ धार॑या म॒रु॒त्व॒ते च॑ मत्स॒रः । वि॑श्वा॒ दधा॑न॒ ओर्ज॑सा १०

तं त्वा धर्तारिमोणयोर्ः पर्वमान स्वर्दृशम् । हिन्वे वाजेषु वाजिनम् ११
 अया चित्तो विपानया हरिः पवस्व धारया । युजं वाजेषु चोदय १२
 आ न इन्दो महीमिषं पवस्व विश्वदर्शतः । अस्मभ्यं सोम गातुवित् १३
 आ कलशा अनूषतेन्दो धाराभिरोजसा । एन्द्रस्य पीतये विश १४
 यस्य ते मद्यं रसं तीव्रं दुहन्त्यद्रिभिः । स पवस्वाभिमातिहा १५
 राजा मेधाभिरीयते पर्वमानो मनावधि । अन्तरिक्षेण यातवे १६
 आ न इन्दो शतग्विनं गवां पोषं स्वश्वघम् । वह्वा भर्गत्तिमूतये १७
 आ नः सोम सहो जुवौ रूपं न वर्चसे भर । सुष्वानो देववीतये १८
 अर्षा सोम द्युमत्तमो ऽभि द्रोणानि रोर्वत् । सीदञ्छयेनो न योनिमा १९
 अप्सा इन्द्राय वायवे वरुणाय मरुद्भ्यः । सोमो अर्षति विष्णावे २०
 इषं तोकार्यं नो दधे दस्मभ्यं सोम विश्वतः । आ पवस्व सहस्रिणाम् २१
 ये सोमासः परावति ये अर्वावति सुन्विरे । ये वादः शर्यणावति २२
 य अर्जीकेषु कृत्वसु ये मध्ये पस्त्यानाम् । ये वा जनैषु पञ्चसु २३
 ते नो वृष्टिं दिवस्परि पवन्तामा सुवीर्यम् । सुवाना देवास इन्द्रवः २४
 पवते हर्यतो हरिं गृणानो जमदग्निना । हिन्वानो गोरधि त्वचि २५
 प्र शक्रासौ वयोजुवौ हिन्वानासो न सप्तयः । श्रीणाना अप्सु मृञ्जत २६
 तं त्वा सुतेष्वाभुवौ हिन्विरे देवतातये । स पवस्वानया रुचा २७
 आ ते दक्षं मयोभुवं वह्निमद्या वृणीमहे । पान्तमा पुरुस्पृहम् २८
 आ मन्द्रमा वरेण्यमा विप्रमा मनीषिणाम् । पान्तमा पुरुस्पृहम् २९
 आ रयिमा सुचेतुन मा सुक्रतो तनूष्वा । पान्तमा पुरुस्पृहम् ३०

(२३) त्रयोविंशं सूक्तम्

(१-३०) त्रिंशदृचस्यास्य सूक्तस्य शतं वैखानसा ऋषयः । (१-१८, २२-३०)

प्रथमाद्यष्टादशर्चा द्वाविंश्यादिनवानाञ्च पवमानः सोमः, (१९-२१)

एकोनविंश्यादितृचस्य च पवमानोऽग्निर्देवते । (१-१७, १९-३०)

प्रथमादिसप्तदशर्चामेकोनविंश्यादिद्वादशानाञ्च गायत्री,

(१८) अष्टादश्याश्चानुष्टुप् छन्दसी

पवस्व विश्वचर्षणे ऽभि विश्वानि काव्या । सखा सखिभ्य ईड्यः १
 ताभ्यां विश्वस्य राजसि ये पवमान धामनी । प्रतीची सौम तस्थतुः २
 परि धामानि यानिते त्वं सौमासि विश्वतः । पवमान ऋतुभिः कवे ३

पवस्व ज॒नय॒न्निषो ऽभि विश्वा॑नि॒ वार्या॑ । सखा॒ सखि॑भ्य ऊ॒तयै ४
 तव॑ श॒क्रासौ अ॒र्चयौ॑ दि॒वस्पृ॑ष्ठे वि त॑न्वते । प॒वित्रं॑ सोम॒ धाम॑भिः ५
 तवे॒मे स॒प्त सि॒न्धवः॑ प्र॒शिषं॑ सोम॒ सिस्त्र॑ते । तु॒भ्यं धा॑वन्ति धे॒नवः॑ ६
 प्र सौ॑म याहि धार॑या सु॒त इन्द्रा॑य मत्स॒रः । दधा॑नो अ॒क्षिति॑ श्रवः ७
 समु॑ त्वा धी॒भिर॑स्वरन् हि॒न्वतीः॑ स॒प्त जा॑मयः । विप्र॑मा॒जा वि॒वस्व॑तः ८
 मृ॒जन्ति॑ त्वा॒ सम॒गुवो॑ ऽव्यै जी॒रावधि॑ ष्वणि॑ । रे॒भो यद॑ज्यसे॒ वने॑ ९
 पव॑मानस्य ते कवे॒ वाजि॑न् त्सर्गा॑ असृ॒क्षत॑ । अ॒र्वन्तो॑ न श्र॑व॒स्यवः॑ १०
 अ॒च्छा को॑शं मधु॒श्चुत॑ मसृ॒ग्रं वारै॑ अ॒व्ययै॑ । अ॒वाव॑शन्त धी॒तयः॑ ११
 अ॒च्छा समु॑द्रमि॒न्दवो॑ ऽस्तं गा॒वो न धे॑नवः । अ॒गम॑नृ॒तस्य॑ यो॒निमा॑ १२
 प्र णा॑ इ॒न्दो म॒हे र॒ण आपौ॑ अ॒र्षन्ति॑ सि॒न्धवः॑ । यद्गो॑भिर्वासयिष्यसे १३
 अस्य॑ ते स॒ख्ये व॒य मिय॑क्षन्त॒स्त्वोत॑यः । इ॒न्दौ सखि॑त्वमु॒श्मसि॑ १४
 आ प॑वस्व ग॒र्विष्ट॑ये म॒हे सौ॑म नृ॒चक्ष॑से । ए॒न्द्रस्य॑ ज॒ठरै॑ विश १५
 म॒हाँ अ॒सि सोम॑ ज्येष्ठं उ॒ग्राणा॑मि॒न्द ओजि॑ष्ठः । यु॒ध्वा स॒ञ्चश्चि॑ज्जिगेथ १६
 य उ॒ग्रेभ्य॑श्चिदो॒जीया॑ ज्छू॒रैभ्य॑श्चि॒च्छूर॑तरः । भूरि॑दाभ्यश्चिन्म॒हीयान् १७
 त्वं सौ॑म सूर॒ एष॑ स्तो॒कस्य॑ सा॒ता त॒नूना॑म् । वृ॒णीम॑हे स॒ख्याय॑ वृ॒णीम॑हे
 यु॒ज्याय॑ १८

अ॒ग्न आ॒रूषि॑ पव॒स आ सु॑वो॒र्जमि॑षं च नः । आ॒रे बा॑धस्व दु॒च्छुना॑म् १९
 अ॒ग्निर्ऋ॑षिः पव॑मानः पाञ्च॑जन्यः पु॒रोहि॑तः । तमी॑महे महा॒गय॑म् २०
 अ॒ग्ने प॑वस्व स्व॒पा अ॒स्मे व॑र्चः सु॒वीर्य॑म् । दध॑द्रु॒यिं मयि॑ पोष॑म् २१
 पव॑मानो अ॒ति स्त्रि॑धो ऽभ्य॑र्षति सु॒ष्टति॑म् । सू॒रो न वि॒श्वदर्श॑तः २२
 स म॑र्म॒जान॑ आ॒युभिः॑ प्र॒यस्वा॑न् प्र॒यसे॑ हि॒तः । इ॒न्दुर॑त्यौ वि॒चक्ष॑णः २३
 पव॑मान अ॒तं बृ॒ह च्छु॑क्रं ज्योति॑रजी॒जनत् । कृ॒ष्णा तमा॑सि॒ जङ्घ॑नत् २४
 पव॑मानस्य जङ्घ॑न॒तो ह॑रैश्चन्द्रा असृ॒क्षत॑ । जी॒रा अ॒जिर॑शौचिषः २५
 पव॑मानो र॒थीत॑मः श॒भ्रेभिः॑ श॒भ्रश॑स्तमः । ह॒रिश्चन्द्रो॑ म॒रुद्ग॑णः २६
 पव॑मानो व्य॑श्नव द्रु॒श्मिभि॑र्वा॒जसा॑तमः । दध॑त् स्तो॒त्रे सु॒वीर्य॑म् २७
 प्र सु॑वा॒न इ॒न्दुर॑क्षाः प॒वित्र॑मत्य॒व्यय॑म् । पु॒नान॑ इ॒न्दुरि॒न्द्रमा॑ २८
 ए॒ष सोमो॑ अ॒धि त्व॑चि ग॒वां क्री॑ळत्य॒द्रिभिः॑ । इ॒न्द्रं मदा॑य॒ जोहु॑वत् २९
 यस्य॑ ते द्यु॒म्वव॑त् प॒यः प॑व॒माना॑भृतं दि॒वः । तेन॑ नो मृ॒ळ जी॒वसै॑ ३०

(२४) चतुर्विंशं सूक्तम्

(१-३२) द्वात्रिंशदृचस्यास्य सूक्तस्य सप्तर्षयः-(१-३) प्रथमादितृचस्य बार्हस्पत्यो भरद्वाजः, (४-६) चतुर्थ्यादितृचस्य मारीचः कश्यपः, (७-९) सप्तम्यादितृचस्य राहूगणो गोतमः, (१०-१२) दशम्यादितृचस्य भौमोऽग्निः, (१३-१५) त्रयोदश्यादितृचस्य गाथिनो विश्वामित्रः, (१६-१८) षोडश्यादितृचस्य भार्गवो जमदग्निः, (१९-२१) एकोनविंश्यादितृचस्य मैत्रावरुणिर्वसिष्ठः, (२२-३२) द्वाविंश्याद्येकादशर्चाञ्जाङ्गिरसः पवित्रो वसिष्ठो वोभौ वा ऋषयः । (१-९, १३-२२, २८-३०) प्रथमादिनवर्चा त्रयोदश्यादिदशानामष्टाविंश्यादितृचस्य च पवमानः सोमः, (१०-१२) दशम्यादितृचस्य पवमानः पूषा सोमो वा, (२३-२४) त्रयोविंशीचतुर्विंशयोः पवमानोऽग्निः, (२५) पञ्चविंश्याः पवमानोऽग्निः सविता वा, (२६) षड्विंश्याः पवमानोऽग्निः पवमानाग्निसवितारो वा, (२७) सप्तविंश्याः पवमानोऽग्निर्विश्वे देवा वा, (३१-३२) एकत्रिंशीद्वात्रिंशयोश्च पावमान्यध्येतृस्तुतिर्देवताः । (१-१५, १९-२६, २८-२९) प्रथमादिपञ्चदशर्चामेकोनविंश्याद्यष्टानामष्टाविंशयेकोनत्रिंशयोश्च गायत्री, (१६-१८) षोडश्यादितृचस्य द्विपदा गायत्री, (२७, ३१-३२)

सप्तविंशयेकत्रिंशीद्वात्रिंशीनामनुष्टुप्, (३०) त्रिंश्याश्च पुर उष्णिक् छन्दांसि त्वं सौमासि धारयु मन्द्र ओजिष्ठो अध्वरे । पर्वस्व मंहयद्रयिः १ त्वं सुतो नृमादनो दधन्वान् मत्सरिन्तमः । इन्द्राय सूरिन्धसा २ त्वं सुष्वाणो अद्रिभि र्भ्यर्ष कर्निक्रदत् । द्युमन्तं शुष्ममुत्तमम् ३ इन्दुर्हिन्वानो अर्षति तिरो वाराणयव्यया । हरिर्वाजमचिक्रदत् ४ इन्दो व्यव्यमर्षसि वि श्रवांसि वि सौभगा । वि वाजान् त्सोम गोमंतः ५ आ न इन्दो शतग्विनं रयिं गोमन्तमश्विनम् । भरां सोम सहस्त्रिणम् ६ पर्वमानास इन्दव स्तिरः पवित्रमाशर्वः । इन्द्रं यामैभिराशत ७ ककुहः सोम्यो रस इन्दुरिन्द्राय पूर्व्यः । आयुः पवत आयवे ८ हिन्वन्ति सूरमुस्रयः पर्वमानं मधुश्रुतम् । अभि गिरा समस्वरन् ९ अविता नौ अजाश्वः पूषा यामनियामनि । आ भक्षत् कन्यासु नः १० अयं सोमः कपर्दिने घृतं न पवते मधु । आ भक्षत् कन्यासु नः ११ अयं त आघृणे सुतो घृतं न पवते शुचि । आ भक्षत् कन्यासु नः १२ वाचो जन्तुः कवीनां पर्वस्व सोम धारया । देवेषु रत्नधा असि १३ आ कलशेषु धावति श्येनो वर्म वि गाहते । अभि द्रोणा कर्निक्रदत् १४ परि प्र सौम ते रसो ऽसर्जि कलशे सुतः । श्येनो न त्तो अर्षति १५

पवस्व सोम मन्दय त्रिन्द्राय मधुमत्तमः १६
 असृग्रन् देववीतये वाजयन्तो रथा इव १७
 ते सुतासौ मदिन्तमाः शक्रा वायुमसृजत १८
 ग्राव्णा तुन्नो अभिष्टुतः पवित्रं सोम गच्छसि । दधत् स्तोत्रे सुवीर्यम् १९
 एष तुन्नो अभिष्टुतः पवित्रमति गाहते । रक्षोहा वारमव्ययम् २०
 यदन्ति यच्च दूरके भयं विन्दति मामिह । पवमानु वि तज्जहि २१
 पवमानुः सो अद्य नः पवित्रेण विचर्षणिः । यः पोता स पुनातु नः २२
 यत् तै पवित्रमर्चिष्यग्ने विततमन्तरा । ब्रह्म तेन पुनीहि नः २३
 यत् तै पवित्रमर्चिव दग्ने तेन पुनीहि नः । ब्रह्मसवैः पुनीहि नः २४
 उभाभ्यां देव सवितः पवित्रेण सवेन च । मां पुनीहि विश्वतः २५
 त्रिभिष्टुं देव सवितुर्वर्षिष्ठैः सोम धामभिः । अग्ने दक्षैः पुनीहि नः २६
 पुनन्तु मां देवजनाः पुनन्तु वसवो धिया । विश्वे देवाः पुनीत मा जातवेदः
 पुनीहि मां २७
 प्र प्यायस्व प्र स्यन्दस्व सोम विश्वेभिरंशुभिः । देवेभ्य उक्तमं हविः २८
 उप प्रियं पनिप्रतं युवानमाहुतीवृधम् । अगन्म बिभ्रतो नमः २९
 अलाय्यस्य परशुर्ननाश त मा पवस्व देव सोम । आखुं चिदेव देव सोम
 ३०
 यः पावमानीरुध्ये त्यृषिभिः संभृतं रसम् । सर्वं स पूतमश्नाति स्वदितं
 मातरिश्चना ३१
 पावमानीर्यो अध्ये त्यृषिभिः संभृतं रसम् । तस्मै सरस्वती दुहे क्षीरं
 सर्पिर्मधूदकम् ३२

(२५) पञ्चविंशं सूक्तम्

(१-१०) दशर्चस्यास्य सूक्तस्य भालन्दनो वत्सप्रिर्ऋषिः । पवमानः सोमो देवता ।

(१-६) प्रथमादिनवर्चा जगती, (१०) दशम्याश्च त्रिष्टुप् छन्दसी

प्र देवमच्छा मधुमन्त इन्द्रवो ऽसिष्यदन्त गाव आ न धेनवः ।
 बर्हिषदौ वचनावन्त ऊर्धभिः परिस्त्रुतमुस्त्रिया निर्णिजं धिरे १
 स रोरुवदुभि पूर्वा अचिक्रद दुपारुहः श्रथयन् त्स्वादते हरिः ।
 तिरः पवित्रं परियन्नुरु ज्ञयो नि शर्याणि दधते देव आ वरम् २
 वि यो ममे यम्या संयती मदः साकंवृधा पर्यसा पिन्वदक्षिता ।

म॒ही अ॒पारे रज॑सी वि॒वेवि॑द द॒भिव्र॑जन्न॒क्षितं॑ पा॒ज आ द॑दे ३
स मा॒तरां वि॒चर॑न् वा॒जय॑न्नपः प्र मे॒धिरः॑ स्व॒धया॑ पि॒न्वते॑ पु॒दम् ।
अंशु॑र्यवे॒न पि॒पिशे॑ य॒तो नृ॒भिः सं जा॒मिभि॑र्नस॒ते रक्ष॑ते शि॒रः ४
सं दक्षे॑ण॒ मन॑सा जायते क॒वि ऋ॑तस्य॒ गर्भो॑ नि॒हितो॑ य॒मा पु॑रः ।
यूना॑ ह॒ सन्ता॑ प्रथ॒मं वि ज॑ज्ञतु॒र्गुहा॑ हितं॒ जनि॑म् ने॒ममु॑द्यतम् ५
म॒न्द्रस्य॑ रू॒पं वि॒विदु॑र्मनी॒षिणाः॑ श्ये॒नो यद॑न्धो॒ अभ॑रत् प॒राव॑तः ।
त म॑र्जयन्त सु॒वृधं॑ न॒दीष्वाँ उ॒शन्त॑मंशुं प॒रिय॑न्त॒मृग्म॑र्यम् ६
त्वां मृ॑जन्ति दश॒ योष॑णः सु॒तं सो॒म ऋ॑षिभि॒र्मति॑भिर्धो॒तिभि॑र्हितम् ।
अ॒व्यो वा॑रै॒भिरु॑त दे॒वहू॑तिभि॒र्नृभि॑र्यतो वा॒जमा॑ द॒र्षि सा॑तयै ७
प॒रिप्र॑यन्त॒ व॒र्यं सु॑षंसदं सोमं मनी॒षा अ॒भ्यनू॑षत् स्तु॒भः ।
यो धा॑र॒या म॑धु॒माँ ऊ॒र्मिणा॑ दि॒व इ॒यर्ति॑ वाचं र॒यिषा॑ळम॒र्त्यः ८
अ॒यं दि॒व इ॒यर्ति॑ विश्व॒मा र॒जः सो॑मः पु॒नानः॑ क॒लशै॑षु सीदति ।
अ॒द्भिर्गो॑भिर्मृ॒ज्यते॑ अ॒द्रिभिः॑ सु॒तः पु॒नान॑ इ॒न्दुर्व॑रिवो वि॒दत् प्रि॒यम् ९
ए॒वा नः॑ सोम॒ परि॑षि॒च्यमा॑नो॒ वयो॑ दध॒च्चित्र॑तमं पवस्व ।
अ॒द्वेषे॑ द्यावा॒पृथि॒वी हु॑वे॒म दे॒वा ध॒त्त र॒यिम॑स्मे सु॒वीर॑म् १०

(२६) षड्विंशं सूक्तम्

(१-१०) दशर्चस्यास्य सूक्तस्याङ्गिरसो हिरण्यस्तूप ऋषिः । पवमानः सोमो देवता
। (१-८) प्रथमाद्यष्टर्चा जगती, (९-१०) नवमीदशम्योश्च त्रिष्टुप् छन्दसी
इषु॒र्न ध॑न्वन् प्रति॑ धीयते म॒ति॒र्वत्सो॑ न मा॒तुरु॑प॒ स॒र्ज्यू॑र्धनि ।
उ॒रुध॑रिव दुहे॒ अग्र॑ आय॒त्यस्य॑ वृ॒तेष्व॑पि॒ सोमं॑ इष्यते १
उ॒पो म॒तिः पृ॑च्यते॒ सि॒च्यते॑ म॒धु म॒न्द्राज॑नी चोदते अ॒न्तरा॑सनि ।
प॒वमा॑नः सं॒तनिः॑ प्र॒घ्नता॑मि॒व म॑धु॒मान् द्र॒प्सः प॒रि वा॑र॒मर्ष॑ति २
अ॒व्यै व॒धूयुः॑ प॒वते॑ प॒रि त्व॑चि श्र॒थ्नी॑ते न॒प्तीर॑दि॒तेऋ॑तं य॒ते ।
ह॒रि॑रक्रान् य॒जतः॑ सं॒यतो॑ म॒दो नृ॑णा शि॒शानो॑ म॒हिषो॑ न शौ॒भते ३
उ॒क्षा मि॑माति॒ प्रति॑ यन्ति धे॒नवो॑ दे॒वस्य॑ दे॒वीरु॑प॒ यन्ति॑ निष्कृ॒तम् ।
अ॒त्य॑क॒मीद॑र्जु॒नं वा॑र॒मव्य॑ य॒मत्कं॑ न नि॒क्तं प॒रि सो॒मो अ॒व्यत ४
अ॒मृ॑क्ते॒न रु॑शा॒ता वा॑स॒सा ह॒रि र॑म॒त्यो नि॑र्णि॒जानः॑ प॒रि व्य॑त ।
दि॒वस्पृ॑ष्ठं ब॒र्हणा॑ नि॒र्णिजे॑ कृ॒तो प॒स्तर॑णं च॒म्वोर्न॑भ॒स्मर्य॑म् ५
सूर्य॑स्ये॒व र॒श्मयो॑ द्राव॒यि॒त्वो म॑त्स॒रासः॑ प्र॒सुपः॑ सा॒कमी॑रते ।

तन्तुं ततं परि सर्गास आशवो नेन्द्रादृते पवते धाम किं चन ६
 सिन्धौरिव प्रवणे निम्न आशवो वर्षच्युता मदासो गातुमाशत ।
 शं नो निवेशे द्विपदे चतुष्पदे ऽस्मे वाजाः सोम तिष्ठन्तु कृष्टयः ७
 आ नः पवस्व वसुमद्विरंगयव दक्षावद्गोमद्यवमत् सुवीर्यम् ।
 यूयं हि सोम पितरो मम स्थन दिवो मूर्धानः प्रस्थिता वयस्कृतः ८
 एते सोमाः पवमानास इन्द्रं रथा इव प्र ययुः सातिमच्छ ।
 सुताः पवित्रमति यन्त्यव्यं हित्वी वृत्रिं हरितौ वृष्टिमच्छ ९
 इन्द्रविन्द्राय बृहते पवस्व समृच्छीको अनवद्यो रिशादाः ।
 भरा चन्द्राणि गृणते वसूनि देवैर्द्यावापृथिवी प्रावतं नः १०

(२७) सप्तविंशं सूक्तम्

(१-१०) दशर्चस्यास्य सूक्तस्य वैश्वामित्रो रेणुर्ऋषिः । पवमानः सोमो देवता ।

(१-९) प्रथमादिनवर्चा जगती, (१०) दशम्याश्च त्रिष्टुप् छन्दसी
 त्रिरस्मै सप्त धेनवो दुदुहे सत्यामाशिरं पूर्वे व्योमनि ।
 चत्वार्यन्या भुवनानि निर्गिजे चारुणि चक्रे यदृतेरवर्धत १
 स भिक्षमाणो अमृतस्य चारुण उभे द्यावा काव्येना वि शश्रथे ।
 तेजिष्ठा अपो मंहना परि व्यत यदी देवस्य श्रवसा सदो विदुः २
 ते अस्य सन्तु केतवो ऽमृत्यवो ऽदाभ्यासो जनुषी उभे अनु ।
 येभिर्नृम्णा च देव्या च पुनत आदिद्राजानं मनना अगृभ्णत ३
 स मृज्यमानो दशभिः सुकर्मभिः प्र मध्यमासु मातृषु प्रमे सचा ।
 वृतानि पानो अमृतस्य चारुण उभे नृचक्षा अनु पश्यते विशौ ४
 स मर्मजान इन्द्रियाय धायस ओभे अन्ता रोदसी हर्षते हितः ।
 वृषा शुष्मैण बाधते वि दुर्मती रादेदिशानः शर्यहेव शरुधः ५
 स मातरा न ददृशान उस्त्रियो नानददेति मरुतामिव स्वनः ।
 जानन्नृतं प्रथमं यत् स्वर्णरं प्रशस्तये कर्मवृणीत सुक्रतुः ६
 रुवति भीमो वृषभस्तविष्यया शृङ्गे शिशानो हरिणी विचक्षणः ।
 आ योनिं सोमः सुक्रतं नि षीदति गव्ययी त्वग्भवति निर्गिगव्ययी ७
 शुचिः पुनानस्तन्वमरेपस मव्ये हरिन्यधाविष्ट सानवि ।
 जुष्टो मित्राय वरुणाय वायवे त्रिधातु मधु क्रियते सुकर्मभिः ८
 पवस्व सोम देववीतये वृषेन्द्रस्य हार्दि सोमधानमा विश ।

पुरा नो ब्राधादुरिताति पारय क्षेत्रविद्धि दिश आहा विपृच्छते ६
हितो न सप्तिरभि वाजर्मर्षेन द्रस्येन्दो जठरमा पवस्व ।
नावा न सिन्धुमति पर्षि विद्वा ज्छूरो न युध्यन्नव नो निद स्पः १०

(२८) अष्टाविंशं सूक्तम्

(१-६) नवर्चस्यास्य सूक्तस्य वैश्वामित्र ऋभव ऋषिः । पवमानः सोमो देवता ।

(१-८) प्रथमाद्यष्टर्चा जगती, (६) नवम्याश्च त्रिष्टुप् छन्दसी
आ दक्षिणा सृज्यते शष्म्याऽसदं वेति द्रुहो रक्षसः पाति जागृविः ।
हरिरोपशं कृणुते नभस्पय उपस्तिरै चम्बोऽर्ब्रह्म निर्णिजे १
प्र कृष्टिहेव शूष एति रोख्व दसुर्यं वर्णं नि रिणीते अस्य तम् ।
जहाति वृत्रं पितुरेति निष्कृत मुपुप्रतं कृणुते निर्णिजं तना २
अद्रिभिः सुतः पवते गर्भस्त्यो वृषायते नभसा वेपते मती ।
स मोदते नसते साधते गिरा नैनिक्ते अप्सु यजते परीमणि ३
परि द्युक्षं सहसः पर्वतावृधं मध्वः सिञ्चन्ति हर्म्यस्य सक्षणिम् ।
आ यस्मिन् गावः सुहुताद् ऊर्धनि मूर्धञ्छ्वचफढीणन्त्यग्रियं वरीमभिः ४
समी रथं न भुरिजौरहेषत् दश स्वसोरो अदितेरुपस्थ आ ।
जिगादुपे जयति गोरपीच्यं पदं यदस्य मत्तुथा अजीजनन् ५
श्येनो न योनिं सदं धिया कृतं हिरण्ययमासदं देव एषति ।
ए रिणन्ति बर्हिषि प्रियं गिरा ऽश्वो न देवाँ अप्येति यज्ञियः ६
परा व्यक्तो अरुषो दिवः क्वि वर्षा त्रिपृष्ठो अनविष्ट गा अभि ।
सहस्रणीतिर्यतिः परायती रेभो न पूर्वीरुषसो वि राजति ७
त्वेषं रूपं कृणुते वर्णो अस्य स यत्राशयत् समृता सेधति स्त्रिधः ।
अप्सा याति स्वधया दैव्यं जनं सं सुष्टुती नसते सं गोअग्रया ८
उक्षेव युथा परियन्नरावी दधि त्विर्षीरधित् सूर्यस्य ।
दिव्यः सुपर्णोऽव चक्षत् चां सोमः परि क्रतुना पश्यते जाः ९

(२९) एकोनत्रिंशं सूक्तम्

(१-६) नवर्चस्यास्य सूक्तस्याङ्गिरसो हरिमन्त ऋषिः । पवमानः सोमो देवता ।

जगती छन्दः

हरिं मृजन्त्यरुषो न युज्यते सं धेनुभिः कलशे सोमो अज्यते ।

उद्वाचमीरयति हिन्वते मृती पुरुष्टुतस्य कति चित् परिप्रियः १
 साकं वदन्ति ब्रह्मवो मनीषिण इन्द्रस्य सोमं जठरे यदादुहः ।
 यदी मृजन्ति सुगभस्तयो नरः सनीळाभिर्दशभिः काम्यं मधु २
 अरममाणो अत्यैति गा अभि सूर्यस्य प्रियं दुहितुस्तिरो रवम् ।
 अन्वस्मै जोषमभरद्विनंगुसः सं द्वयीभिः स्वसृभिः क्षेति जामिभिः ३
 नृधूतो अद्रिषुतो बर्हिषि प्रियः पतिर्गवां प्रदिव इन्दुर्भृत्वियः ।
 पुरन्धिवान् मनुषो यज्ञसाधनः शुचिर्धिया पवते सोमं इन्द्र ते ४
 नृबाहुभ्यां चोदितो धारया सुतो ऽनुष्वधं पवते सोमं इन्द्र ते ।
 आप्राः क्रतून् त्समजैरध्वरे मृती वेनं द्रुषच्चम्बोऽरासदद्धरिः ५
 अंशं दुहन्ति स्तनयन्तमक्षितं कविं कवयोऽपसो मनीषिणः ।
 समी गावो मृतयो यन्ति संयतं ऋतस्य योना सदने पुनर्भुवः ६
 नाभां पृथिव्या धरुणो महो दिवोऽपामूर्मो सिन्धुष्वन्तरुक्षितः ।
 इन्द्रस्य वज्रो वृषभो विभूवसुः सोमो हृदे पवते चारु मत्सरः ७
 स तू पवस्व परि पार्थिवं रजेः स्तोत्रे शिक्नान्नाधून्वते च सुक्रतो ।
 मा नो निर्भागवसुनः सादनस्पृशो रयिं पिशङ्गं बहुलं वसीमहि ८
 आ तू न इन्दो शतदात्वश्वयं सहस्रदातु पशमद्विरणयवत् ।
 उप मास्व बृहती रेवतीरिषो ऽधि स्तोत्रस्य पवमान नो गहि ९

(३०) त्रिंशं सूक्तम्

(१-९) नवर्चस्यास्य सूक्तस्याङ्गिरसः पवित्र ऋषिः । पवमानः सोमो देवता ।

जगती छन्दः

स्रक्वे द्रुप्सस्य धर्मतुः समस्वर नृतस्य योना समरन्त नाभयः ।
 त्रीन् त्स मूर्ध्नो असुरश्चक्र आरभै सत्यस्य नावः सुकृतमपीपरन् १
 सम्यक् सम्यञ्चौ महिषा अहेषतु सिन्धौरूर्मावधि वेना अवीविपन् ।
 मधोर्धाराभिर्जनयन्तो अर्कमित् प्रियामिन्द्रस्य तन्वमवीवृधन् २
 पवित्रवन्तः परि वाचमासते पितैषां प्रतो अभि रक्षति व्रतम् ।
 महः समुद्रं वरुणस्तिरो दधे धीरा इच्छेकुर्धरुणेष्वारभम् ३
 सहस्रधारेऽव ते समस्वरन् दिवो नाके मधुजिह्वा असञ्चतः ।
 अस्य स्पशो न नि मिषन्ति भूर्णयः पदेपदे पाशिनः सन्ति सेतवः ४
 पितुर्मातुरध्या ये समस्वर नृचा शोचन्तः संदहन्तो अव्रतान् ।

इन्द्रद्विष्टामप धमन्ति मायया त्वचमसिक्नीं भूमनो दिवस्परि ५
 प्रत्नान्मानादध्या ये समस्वरं ऋलोकयनत्रासो रभसस्य मन्तवः ।
 अपानक्षासौ बधिरा अहासत ऋतस्य पनथां न तरन्ति दुष्कृतः ६
 सहस्रधारे वितते पवित्र आ वाचं पुनन्ति कवयो मनीषिणः ।
 रुद्रासं एषामिषिरासौ अद्रुहः स्पशः स्वञ्चः सुदृशो नृचक्षसः ७
 ऋतस्य गोपा न दभाय सुक्रतु स्त्री ष पवित्रो हृद्यन्तरा दधे ।
 विद्वान् त्स विश्वा भुवनाभि पश्य त्यवाजुष्टान् विध्यति कर्ते अवृतान् ८
 ऋतस्य तन्तुर्विततः पवित्र आ जिहाया अग्रे वरुणस्य मायया ।
 धीराश्चित् तत् समिनक्षन्त आशता ऽत्रा कर्तमव पदात्यप्रभुः ९

(३१) एकत्रिंशं सूक्तम्

(१-९) नवर्चस्यास्य सूक्तस्य दैर्घतमसः कक्षीवान् ऋषिः । पवमानः सोमो देवता
 । (१-७, ९) प्रथमादिसप्तर्चा नवम्याश्च जगती, (८) अष्टम्याश्च त्रिष्टुप् छन्दसी
 शिशर्न जातोऽव चक्रददने स्वर्श्यद्वाज्यरुषः सिषासति ।
 दिवो रेतसा सचते पयोवृधा तमीमहे सुमती शर्म सप्रथः १
 दिवो यः स्कम्भो धरुणः स्वातत आपूर्णो अंशुः पर्येति विश्वतः ।
 सेमे मही रोदसी यक्षदावृता समीचीने दाधार समिषः कविः २
 महि प्सरः सुकृतं सोम्यं मधू र्वी गव्यूतिरदितेऋतं यते ।
 ईशे यो वृष्टेरित उस्त्रियो वृषा ऽपां नेता य इतऊतिऋग्मियः ३
 आत्मन्वन्नभौ दुह्यते घृतं पर्य ऋतस्य नाभिरमृतं वि जायते ।
 समीचीनाः सुदानवः प्रीणन्ति तं नरो हितमव मेहन्ति पेरवः ४
 अरावीदंशः सचमान ऊर्मिणा देवाव्यंशं मनुषे पिन्वति त्वचम् ।
 दधाति गर्भमदितेरुपस्थ आ येन लोकं च तनयं च धामहे ५
 सहस्रधारेऽव ता असश्चत स्तृतीयै सन्तु रजसि प्रजावतीः ।
 चतस्रो नाभो निहिता अवो दिवो हविर्भरन्त्यमृतं घृतश्चुतः ६
 श्वेतं रूपं कृणुते यत् सिषासति सोमो मीढ्वाँ असुरो वेद् भूमनः ।
 धिया शमी सचते सेमभि प्रवद् दिवस्कर्वन्धमव दर्षदुद्रिणाम् ७
 अर्धं श्वेतं कलशं गोभिरक्तं कार्ष्णना वाज्यक्रमीत् ससवान् ।
 आ हिन्विरे मनसा देवयन्तः कक्षीवते शतहिमाय गोनाम् ८
 अद्भिः सोम पपृचानस्य ते रसो ऽव्यो वारं वि पवमान धावति ।

स मृज्यमानः कविभिर्मदिन्तम् स्वदस्वेन्द्राय पवमान पीतये ६

(३२) द्वात्रिंशं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

अभि प्रियाणि पवते चनोहितो नामानि यद्बो अधि येषु वर्धते ।
आ सूर्यस्य बृहतो बृहन्नधि रथं विष्वञ्चमरुहद्विचक्षणः १
ऋतस्य जिह्वा पवते मधु प्रियं वक्ता पतिर्धियो अस्या अदाभ्यः ।
दधाति पुत्रः पित्रोरपीच्यं नाम तृतीयमधि रोचने दिवः २
अव द्युतानः कलशाँ अचिक्रद् नृभिर्येमानः कोश आ हिरण्यये ।
अभीमृतस्य दोहना अनूषता ऽधि त्रिपृष्ठ उषसो वि रजति ३
अद्रिभिः सुतो मतिभिश्चनोहितः प्रोचयन् रोदसी मात्रा शुचिः ।
रोमाण्यव्यां समया वि धावति मधोर्धारा पिन्वमाना दिवेदिवे ४
परि सोम प्र धन्वा स्वस्तये नृभिः पुनानो अभि वासयाशिरम् ।
ये ते मदा आहनसो विहायस स्तेभिरिन्द्र चोदय दातवे मघम् ५

तृतीयोऽध्यायः

व० १-२६ ।

(३३) त्रयस्त्रिंशं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

धर्ता दिवः पवते कृत्वो रसो दक्षो देवानामनुमाद्यो नृभिः ।
हरिः सृजानो अत्यो न सत्वभिर्वृथा पाजांसि कृणुते नदीष्वा १
शूरो न धत्त आयुधा गभस्त्योः स्वः सिषासन् रथिरो गर्विष्टिषु ।
इन्द्रस्य शुष्ममीरयन्नपस्युभि रिन्दुर्हिन्वानो अज्यते मनीषिभिः २
इन्द्रस्य सोम पवमान ऊर्मिणां तविष्यमाणो जठरेष्वा विश ।
प्र णाः पिन्व विद्युदध्रेव रोदसी धिया न वाजाँ उप मासि शश्वतः ३
विश्वस्य राजा पवते स्वर्दृश ऋतस्य धीतिमृषिषाळवीवशत् ।
यः सूर्यस्यासिरेण मृज्यते पिता मतीनामसमष्टकाव्यः ४
वृषेव यूथा परि कोशमर्ष स्यपामुपस्थे वृषभः कनिक्रदत् ।

स इन्द्राय पवसे मत्सरिन्ती यथा जेषाम समिथे त्वोतयः ५

(३४) चतुस्त्रिंशं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

एष प्र कोशे मधुमाँ अचिक्रद् दिन्द्रस्य वज्रो वपुषो वपुष्टरः ।
अभीमृतस्य सुदुघा घृतश्रुतो वाश्रा अर्षन्ति पर्यसेव धेनवः १
स पूर्व्यः पवते यं दिवस्परि श्येनो मथायदिषितस्तिरो रजः ।
स मध्व आ युवते वेर्विजान इत् कृशानोरस्तुर्मनसाह बिभ्युषा २
ते नः पूर्वास उपरास इन्दवो महे वाजाय धन्वन्तु गोमते ।
ईक्षेण्यासो अह्योर् न चारवो ब्रह्मब्रह्म ये जुजुषुर्हविर्विः ३
अयं नो विद्वान् वेनवद्वनुष्यत इन्दुः सत्राचा मनसा पुरुष्टतः ।
इनस्य यः सदेने गर्भमादधे गवामुरुब्जमभ्यर्षति वृजम् ४
चक्रिर्दिवः पवते कृत्वो रसो महां अदब्धो वरुणो हरुग्यते ।
असावि मित्रो वृजनैषु यज्ञियो ऽत्यो न यूथे वृषयुः कर्निक्रदत् ५

(३५) पञ्चत्रिंशं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

प्र राजा वाचं जनयन्नसिष्यद दपो वसानो अभि गा इयक्षति ।
गृष्णाति रिप्रमविरस्य तान्वा शद्धो देवानामुप याति निष्कृतम् १
इन्द्राय सोम परि षिच्यसे नृभिर् नृचक्षा ऊर्मिः कविरज्यसे वने ।
पूर्वीर्हि ते स्तुतयुः सन्ति यातवे सहस्रमश्वा हरयश्चमूषदः २
समुद्रिया अप्सरसो मनीषिणा मासीना अन्तरभि सोममक्षरन् ।
ता ई हिन्वन्ति हर्म्यस्य सक्षणिं याचन्ते सुम्नं पवमानमक्षितम् ३
गोजिन्नः सोमो रथजिद्धिरणयजित् स्वर्जिद्विजित् पवते सहस्रजित् ।
यं देवासश्चक्रिरे पीतये मदं स्वादिष्टं द्रप्समरुणं मयोभुवम् ४
एतानि सोम पवमानो अस्मयुः सत्यानि कृणवन् द्रविणान्यर्षसि ।
जहि शत्रुमन्तिके दूरके च य उर्वी गव्यूतिमभयं च नस्कृधि ५

(३६) षट्त्रिंशं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

अचोदसौ नो धन्वन्त्वन्देवः प्र सुवानासौ बृहद्विवेषु हरयः ।
 वि च नशन् न इषो अरातयो ऽर्यो नशन्त सनिषन्त नो धियः १
 प्र णौ धन्वन्त्वन्देवो मदच्युतो धना वा येभिरर्वतो जुनीमसि ।
 तिरो मर्तस्य कस्य चित् परिहृति वयं धनानि विश्वधा भरेमहि २
 उत स्वस्या अरात्या अरिर्हि ष उतान्यस्या अरात्या वृको हि षः ।
 धन्वन् न तृष्णा समरीत तां अभि सोम जहि पवमान दुराध्यः ३
 दिवि ते नाभा परमो य आददे पृथिव्यास्तै रुरुहुः सानवि क्षिप ।
 अद्रयस्त्वा बप्सति गोरधि त्व च्येप्सु त्वा हस्तैर्दुदुहर्मनीषिणः ४
 एवा त इन्दो सुभ्वं सुपेशसं रसं तुञ्जन्ति प्रथमा अभिश्रियः ।
 निदनिदं पवमान नि तारिष आविस्ते शुष्मो भवतु प्रियो मदः ५

(३७) सप्तत्रिंशं सूक्तम्

(१-५) पञ्चर्चस्यास्य सूक्तस्य भारद्वाजो वसुर्ऋषिः । पवमानः सोमो देवता ।

जगती छन्दः

सोमस्य धारा पवते नृचक्षस ऋतेन देवान् हवते दिवस्परि ।
 बृहस्पते र्वथेना वि दिद्युते समुद्रासो न सर्वनानि विव्यचुः १
 यं त्वा वाजिन्नघ्या अभ्यनूषता ऽयौहतं योनिमा रोहसि द्युमान् ।
 मघोनामार्युः प्रतिरन् महि श्रव इन्द्राय सोम पवसे वृषा मदः २
 एन्द्रस्य कुक्षा पवते मुदिन्तम् ऊर्जं वसानः श्रवसे सुमङ्गलः ।
 प्रत्यङ् स विश्वा भुवनाभि पप्रथे क्रीळन् हरित्यः स्यन्दते वृषा ३
 तं त्वा देवेभ्यो मधुमत्तमं नरः सहस्रधारं दुहते दश क्षिपः ।
 नृभिः सोम प्रच्युतो गार्वाभिः सुतो विश्वान् देवाँ आ पवस्वा सहस्रजित् ४
 तं त्वा हस्तिनो मधुमन्तमद्रिभिर्दुहन्त्यप्सु वृषभं दश क्षिपः ।
 इन्द्रं सोम मादयन् दैव्यं जनं सिन्धौरिवोर्मिः पवमानो अर्षसि ५

(३८) अष्टात्रिंशं सूक्तम्

(१-५) पञ्चर्चस्यास्य सूक्तस्य भारद्वाजो वसुर्ऋषिः । पवमानः सोमो देवता ।

(१-४) प्रथमादिचतुर्ऋचां जगती, (५) पञ्चम्याश्च त्रिष्टुप् छन्दसी
प्र सोमस्य पवमानस्योर्मय इन्द्रस्य यन्ति जठरं सुपेशसः ।
दध्ना यदीमुर्नीता यशसा गवां दानाय शूरमुदमन्दिषुः सुताः १
अच्छा हि सोमः कलशाँ असिष्यद् दत्यो न वोळ्हा रघुवर्तनिर्वृषा ।
अथा देवानामुभयस्य जन्मनो विद्वाँ अश्नोत्यमुत इतश्च यत् २
आ नः सोम पवमानः किरा वस्विन्दो भव मघवा राधसो महः ।
शिक्षा वयोधो वसवे सु चेतुना मा नो गर्यमारे अस्मत् परा सिचः ३
आ नः पूषा पवमानः सुरातयो मित्रो गच्छन्तु वरुणः सजोषसः ।
बृहस्पतिर्मरुतो वायुरश्विना त्वष्टा सविता सुयमा सरस्वती ४
उभे द्यावापृथिवी विश्वमिन्वे अर्यमा देवो अदितिर्विधाता ।
भगो नृशंस उर्वरन्तरिक्षं विश्वे देवाः पवमानं जुषन्त ५

(३६) एकोनचत्वारिंशं सूक्तम्

(१-५) पञ्चर्चस्यास्य सूक्तस्य भारद्वाजो वसुर्ऋषिः । पवमानः सोमो देवता ।

(१-४) प्रथमादिचतुर्ऋचां जगती, (५) पञ्चम्याश्च त्रिष्टुप् छन्दसी
असावि सोमो अरुषो वृषा हरी राजैव दस्मो अभि गा अचिक्रदत् ।
पुनानो वारं पर्येत्यव्ययं श्येनो न योनिं घृतवन्तमासदम् १
कविर्वेधस्या पर्येषि माहिनु मत्यो न मृष्टो अभि वाजमर्षसि ।
अपसेधन् दुरिता सौम मृळय घृतं वसानः परि यासि निर्णिजम् २
पर्जन्यः पिता महिषस्य पर्णिनो नाभा पृथिव्या गिरिषु क्षयं दधे ।
स्वसार आपो अभि गा उतासरन् त्सं ग्रावभिर्नसते वीते अध्वरे ३
जायेव पत्यावधि शेवं मंहसे पज्जाया गर्भं शृणुहि ब्रवीमि ते ।
अन्तर्वाणीषु प्र चरा सु जीवसे ऽनिनद्यो वृजनै सोम जागृहि ४
यथा पूर्वेभ्यः शतसा अर्मध्रः सहस्रसाः पर्यया वाजमिन्दो ।
एवा पवस्व सुविताय नव्यसे तव व्रतमन्वापः सचन्ते ५

(४०) चत्वारिंशं सूक्तम्

(१-५) पञ्चर्चस्यास्य सूक्तस्याङ्गिरसः पवित्र ऋषिः । पवमानः सोमो देवता ।

जगती छन्दः

पवित्रं ते विततं ब्रह्मणस्पते प्रभुर्गात्राणि पर्येषि विश्वतः ।

अतप्ततनूर्न तदामो अश्नुते शृतास इद्वहन्तस्तत् समाशत १
 तपोष्पवित्रं विततं दिवस्पदे शोचन्तो अस्य तन्तवो व्यस्थिरन् ।
 अर्वन्त्यस्य पवीतारमाशवो दिवस्पृष्ठमधि तिष्ठन्ति चेतसा २
 अरूरुचदुषसः पृश्नरग्रिय उक्षा बिभर्ति भुवनानि वाजयुः ।
 मायाविनो ममिरे अस्य मायया नृचक्षसः पितरो गर्भमा दधुः ३
 गन्धर्व इत्था पदमस्य रक्षति पाति देवानां जनिमान्यद्भुतः ।
 गृष्णार्ति रिपुं निधया निधापतिः सुकृत्तमा मधुनो भक्षमाशत ४
 हविर्हविष्मो महि सद्य दैव्यं नभो वसानः परि यास्यध्वरम् ।
 राजा पवित्ररथो वाजमारुहः सहस्रभृष्टिर्जयसि श्रवो बृहत् ५

(४१) एकचत्वारिंशं सूक्तम्

(१-५) पञ्चर्चस्यास्य सूक्तस्य वाच्यः प्रजापतिर्ऋषिः । पवमानः सोमो देवता ।
 जगती छन्दः

पवस्व देवमादनो विचर्षणि रप्सा इन्द्राय वरुणाय वायवे ।
 कृधी नो अद्य वरिवः स्वस्तिम दुरुक्षितौ गृणीहि दैव्यं जनम् १
 आ यस्तस्थौ भुवनान्यमर्त्यो विश्वानि सोमः परि तान्यर्षति ।
 कृणवन् त्संचर्त विचर्तमभिष्टय इन्दुः सिषक्त्युषसं न सूर्यः २
 आ यो गोभिः सृज्यत ओषधीष्वा देवानां सुम्न इषयन्नुपावसुः ।
 आ विद्युता पवते धारया सुत इन्द्रं सोमो मादयन् दैव्यं जनम् ३
 एष स्य सोमः पवते सहस्रजि द्विन्वानो वाचमिषिरामुषुर्बुधम् ।
 इन्दुः समुद्रमुदियति वायुभि रेन्द्रस्य हार्दि कलशेषु सीदति ४
 अभि त्यं गावः पर्यसा पयोवृधं सोमं श्रीणन्ति मतिभिः स्वर्विदम् ।
 धनंजयः पवते कृत्वयो रसो विप्रः कविः काव्येना स्वर्चनाः ५

(४२) द्विचत्वारिंशं सूक्तम्

(१-१२) द्वादशर्चस्यास्य सूक्तस्य भार्गवो वेन ऋषिः । पवमानः सोमो देवता ।
 (१-१०) प्रथमादिदशर्चा जगती, (११-१२) एकादशीद्वादशयोश्च त्रिष्टुप् छन्दसी
 इन्द्राय सोम सुषुतः परि स्रवाऽपामीवा भवतु रक्षसा सह ।
 मा ते रसस्य मत्सत द्वयाविनो द्रविणस्वन्त इह सन्त्विन्दवः १
 अस्मान् त्समुर्ये पवमान चोदयु दक्षो देवानामसि हि प्रियो मर्दः ।

जहि शत्रूँभ्या भन्दनायतः पिबेन्द्र सोममव नो मृधौ जहि २
अदध इन्दो पवसे मदिन्तम आत्मेन्द्रस्य भवसि धासिरुत्तमः ।
अभि स्वरन्ति बृहवो मनीषिणो राजानमस्य भुवनस्य निंसते ३
सहस्रणीथः शतधारो अद्भुत इन्द्रायेन्दुः पवते काम्यं मधु ।
जयन् क्षेत्रमर्ष्या जयन्नप उरुं नो गातुं कृणु सोम मीद्वः ४
कनिक्रदत् कलशे गोभिरज्यसे व्यश्वयस्य समया वारमर्षसि ।
मृज्यमानो अत्यो न सानसि रिन्द्रस्य सोम जठरे समक्षरः ५
स्वादुः पवस्व दिव्याय जन्मने स्वादुरिन्द्राय सुहवीतुनाम्ने ।
स्वादुर्मित्राय वरुणाय वायवे बृहस्पतये मधुमा अदाभ्यः ६
अत्यं मृजन्ति कलशे दश क्षिपुः प्र विप्राणां मतयो वाच ईरते ।
पवमाना अभ्यर्षन्ति सुष्टति मेन्द्रं विशन्ति मदिरास इन्दवः ७
पवमानो अभ्यर्षा सुवीर्यं मुर्वीं गव्यूतिं महि शर्म सप्रथः ।
मार्किर्नो अस्य परिषूतिरीशते इन्दो जयम त्वया धनधनम् ८
अधि घामस्थादृषभो विचक्ष्णो ऽरुरुचद्वि दिवो रौचना कविः ।
राजा पवित्रमत्येति रोरुवद् दिवः पीयूषं दुहते नृचक्षसः ९
दिवो नाके मधुजिह्वा असश्चतौ वेना दुहन्त्युक्ष्णं गिरिष्ठाम् ।
अप्सु द्रुप्सं वावृधानं समुद्र आ सिन्धौरूमा मधुमन्तं पवित्र आ १०
नाके सुपर्णमुपपत्तिवासं गिरो वेनानामकृपन्त पूर्वीः ।
शिशुं रिहन्ति मतयः पनिप्रतं हिरण्ययं शकुनं क्षामणि स्थाम् ११
ऊर्ध्वो गन्धर्वो अधि नाके अस्थाद् विश्वा रूपा प्रतिचक्ष्णो अस्य ।
भानुः शक्रेण शोचिषा व्यद्यौत् प्रारुरुचद्रोदसी मातरा शुचिः १२

(४३) त्रिचत्वारिंशं सूक्तम्

(१-४८) अष्टचत्वारिंशदृचस्यास्य सूक्तस्य (१-१०) प्रथमादिदशर्चामकृष्टा
माषाः, (११-२०) एकादश्यादिदशानां सिकता निवावरी, (२१-३०)
एकविंश्यादिदशानां पृश्नयोऽजाः, (३१-४०) एकत्रिंश्यादिदशानामत्रेयः, (४१-
४५) एकचत्वारिंश्यादिपञ्चानां भौमोऽत्रिः, (४६-४८) षट्चत्वारिंश्यादितृचस्य च
भार्गवः शौनको गृत्समद ऋषयः । पवमानः सोमो देवता । जगती छन्दः
प्र त आशर्वः पवमान धीजवो मदा अर्षन्ति रघुजा इव त्मना ।
दिव्याः सुपर्णा मधुमन्त इन्दवो मदिन्तमासः परि कोशमासते १

प्र ते मदांसो मदिरास आशवो ऽसृक्षत रथ्यांसो यथा पृथक् ।
 धेनुर्न वृत्सं पर्यसाभि वृज्जिण मिन्द्रमिन्द्रवो मधुमन्त ऊर्मयः २
 अत्यो न हियानो अभि वाजमर्ष स्वर्वित् कोशं दिवो अद्रिमातरम् ।
 वृषां पवित्रे अधि सानो अव्यये सोमः पुनान इन्द्रियाय धार्यसे ३
 प्र त आश्विनीः पवमान धीजुवो दिव्या असृग्रन् पर्यसा धरीमणि ।
 प्रान्तर्षयः स्थाविरीरसृक्षत ये त्वा मृजन्त्यृषिषाण वेधसः ४
 विश्वा धामानि विश्वचक्ष ऋभ्वंसः प्रभोस्ते सतः परि यन्ति केतवः ।
 व्यानशिः पवसे सोम धर्मभिः पतिर्विश्वस्य भुवनस्य राजसि ५
 उभयतः पवमानस्य रश्मयो ध्रुवस्य सतः परि यन्ति केतवः ।
 यदी पवित्रे अधि मृज्यते हरिः सत्ता नि योना कलशेषु सीदति ६
 यज्ञस्य केतुः पवते स्वध्वरः सोमो देवानामुप याति निष्कृतम् ।
 सहस्रधारः परि कोशमर्षति वृषां पवित्रमत्यैति रोरुवत् ७
 राजा समुद्रं नद्योर्इ वि गाहते ऽपामूर्मि संचते सिन्धुषु श्रितः ।
 अर्ध्यस्थात् सानु पवमानो अव्ययं नाभा पृथिव्या धरुणो महो दिवः ८
 दिवो न सानु स्तनयन्नचिक्रद्द द्यौश्च यस्य पृथिवी च धर्मभिः ।
 इन्द्रस्य सख्यं पवते विवेविदत् सोमः पुनानः कलशेषु सीदति ९
 ज्योतिर्यज्ञस्य पवते मधु प्रियं पिता देवानां जनिता विभूर्वसुः ।
 दधाति रत्नं स्वधयौरपीच्यं मदिन्तमो मत्सर इन्द्रियो रसः १०
 अभिक्रन्दन् कलशं वाज्यर्षति पतिर्दिवः शतधारो विचक्षणः ।
 हरिर्मित्रस्य सदानेषु सीदति मर्मज्ञानोऽविभिः सिन्धुभिर्वृषां ११
 अग्रे सिन्धूनां पवमानो अर्ष त्यग्रे वाचो अग्रियो गोषु गच्छति ।
 अग्रे वाजस्य भजते महाधनं स्वायुधः सोतृभिः पूयते वृषां १२
 अयं मतवाञ्छकुनो यथा हितो ऽव्यै ससार पवमान ऊर्मिणां ।
 तव क्रत्वा रोदसी अन्तरा कवे शुचिर्धिया पवते सोम इन्द्र ते १३
 द्रापिं वसानो यजतो दिविस्पृशं मन्तरिद्वप्रा भुवनेष्वर्पितः ।
 स्वर्जज्ञानो नभसाभ्यक्रमीत् प्रत्नमस्य पितरमा विवासति १४
 सो अस्य विशे महि शर्म यच्छति यो अस्य धामं प्रथमं व्यानशे ।
 पदं यदस्य परमे व्योमन् यतो विश्वा अभि सं याति संयतः १५
 प्रो अयासीदिन्दुरिन्द्रस्य निष्कृतं सखा सख्युर्न प्र मिनाति संगिरम् ।
 मर्य इव युवतिभिः समर्षति सोमः कलशे शतयाम्ना पृथा १६

प्र वो धियो मन्द्रयुवो विपन्युवः पनस्युवः संवसनेष्वक्रमुः ।
 सोमं मनीषा अभ्यनूषत स्तुभो ऽभि धेनवः पर्यसेमशिश्रयुः १७
 आ नः सोम संयतं पिप्युषीमिष मिन्दो पर्वस्व पर्वमानो अस्त्रिधम् ।
 या नो दोहते त्रिरहन्नसंश्रुषी क्षुमद्वाजवन्मधुमत् सुवीर्यम् १८
 वर्षा मतीनां पवते विचक्षणः सोमो अहः प्रतरीतोषसो दिवः ।
 क्राणा सिन्धूनां कलशां अवीवश दिन्द्रस्य हाद्याविशन् मनीषिभिः १९
 मनीषिभिः पवते पूर्यः कवि नृभिर्यतः परि कोशां अचिक्रदत् ।
 त्रितस्य नाम जनयन् मधु क्षरदिन्द्रस्य वायोः सख्याय कर्तवे २०
 अयं पुनान उषसो वि रोचय द्यं सिन्धुभ्यो अभवदु लोककृत् ।
 अयं त्रिः सप्त दुदुहान आशिरं सोमो हृदे पवते चारु मत्सरः २१
 पर्वस्व सोम दिव्येषु धामसु सृजान इन्दो कलशै पवित्र आ ।
 सीदन्नन्द्रस्य जठरे कनिक्रद नृभिर्यतः सूर्यमारोहयो दिवि २२
 अद्रिभिः सुतः पवसे पवित्र आ इन्द्रविन्द्रस्य जठरैष्वाविशन् ।
 त्वं नृचक्षा अभवो विचक्षण सोमं गोत्रमङ्गिरोभ्योऽवृणोरप २३
 त्वां सोम पर्वमानं स्वाध्यो ऽनु विप्रासो अमदन्नवस्यवः ।
 त्वां सुपर्ण आभरद् दिवस्परीन्दो विश्वाभिर्मतिभिः परिष्कृतम् २४
 अव्यै पुनानं परि वारं ऊर्मिणा हरिं नवन्ते अभि सप्त धेनवः ।
 अपामुपस्थे अध्यायवः कवि मृतस्य योनां महिषा अहेषत २५
 इन्दुः पुनानो अति गाहते मृधो विश्वानि कृणवन् त्सुपथानि यज्यवे ।
 गाः कृणवानो निर्णिजं हर्यतः कवि रत्यो न क्रीळन् परि वारंमर्षति २६
 असञ्चतः शतधारा अभिश्रियो हरिं नवन्तेऽव ता उदन्युवः ।
 क्षिपौ मृजन्ति परि गोभिरावृतं तृतीयै पृष्ठे अर्धि रोचने दिवः २७
 तवेमाः प्रजा दिव्यस्य रेतस स्त्वं विश्वस्य भुवनस्य राजसि ।
 अथेदं विश्वं पवमान ते वशे त्वमिन्दो प्रथमो धाम्धा असि २८
 त्वं समुद्रो असि विश्ववित् कवे तवेमाः पञ्च प्रदिशो विधर्मणि ।
 त्वं द्यां च पृथिवीं चाति जभिषे तव ज्योतीषि पवमान सूर्यः २९
 त्वं पवित्रे रजसो विधर्मणि देवेभ्यः सोम पवमान पूयसे ।
 त्वामुशिजः प्रथमा अगृभ्णात् तुभ्येमा विश्वा भुवनानि येमिरे ३०
 प्र रेभ एत्यति वारंमव्ययं वृषा वनेष्वव चक्रदद्धरिः ।
 सं धीतयो वावशाना अनूषत शिशुं रिहन्ति मतयः पनिप्रतम् ३१

स सूर्यस्य रश्मिभिः परि व्यत तन्तुं तन्वानस्त्रिवृतं यथा विदे ।
नयन्नृतस्य प्रशिषो नवीयसीः पतिर्जनीनामुप याति निष्कृतम् ३२
राजा सिन्धूनां पवते पतिर्दिव ऋतस्य याति पृथिभिः कनिक्रदत् ।
सहस्रधारः परि षिच्यते हरिः पुनानो वाचं जनयन्नुपावसुः ३३
पवमान मह्यर्णो वि धावसि सूरु न चित्रो अव्ययानि पव्यया ।
गर्भस्तिपूतो नृभिरद्रिभिः सुतो महे वाजाय धन्याय धन्वसि ३४
इषमूर्जं पवमानाभ्यर्षसि श्येनो न वंसु कलशेषु सीदसि ।
इन्द्राय मद्वा मद्यो मदः सुतो दिवो विष्टम्भ उपमो विचक्षणः ३५
सप्त स्वसारो अभि मातरः शिशं नवं जज्ञानं जेन्यं विपश्चितम् ।
अपां गन्धर्वं दिव्यं नृचक्षसं सोमं विश्वस्य भुवनस्य राजसे ३६
ईशान इमा भुवनानि वीर्यसे युजान इन्दो हरितः सुपर्यः ।
तास्तै चरन्तु मधुमद्घृतं पयस्तव वृते सोम तिष्ठन्तु कृष्टयः ३७
त्वं नृचक्षा असि सोम विश्वतः पवमान वृषभ ता वि धावसि ।
स नः पवस्व वसुमद्धिरण्यवद् वयं स्याम भुवनेषु जीवसे ३८
गोवित् पवस्व वसुविद्धिरण्यविद् रेतोधा इन्दो भुवनेष्वर्षितः ।
त्वं सुवीरो असि सोम विश्ववित् तं त्वा विप्रा उप गिरेम आसते ३९
उन्मध्वं ऊर्मिर्वनना अतिष्ठिप दपो वसानो महिषो वि गाहते ।
राजा पवत्ररथो वाजमारुहत् सहस्रभृष्टिर्जयति श्रवो बृहत् ४०
स भन्दना उदियति प्रजावती विश्वायुर्विश्वाः सुभरा अर्हदिवि ।
ब्रह्म प्रजावद्रयिमश्वपस्त्यं पीत इन्द्रविन्द्रमस्मभ्ये याचतात् ४१
सो अग्रे अहां हरिर्हर्यतो मदः प्र चेतसा चेतयते अनु द्युभिः ।
द्वा जना यातयन्नन्तरीयते नरा च शंसं दैव्यं च धर्तरि ४२
अञ्जते व्यञ्जते समञ्जते क्रतुं रिहन्ति मधुनाभ्यञ्जते ।
सिन्धौरुच्छ्रवासे पुतयन्तमुक्षणं हिरण्यपावाः पशुमासु गृभ्णते ४३
विपश्चिते पवमानाय गायत मही न धारात्यन्धौ अर्षति ।
अहिर्न जूर्णामति सर्पति त्वच मत्यो न क्रीळन्नसरदूषा हरिः ४४
अग्रेगो राजाप्यस्तविष्यते विमानो अहां भुवनेष्वर्षितः ।
हरिर्घृतस्रुः सुदृशीको अर्णवो ज्योतीरथः पवते राय ओक्यः ४५
असर्जि स्कम्भो दिव उद्यतो मदः परि त्रिधातुर्भुवनान्यर्षति ।
अंशं रिहन्ति मतयः पनिप्रतं गिरा यदि निर्णिजमृग्मिणौ ययुः ४६

प्र ते धारा अत्यश्वानि मेष्यः पुनानस्य संयतौ यन्ति रंहयः ।
यद्गोभिर्इन्दो चम्बोः समज्यस आ सुवानः सोम कलशेषु सीदसि ४७
पर्वस्व सोम क्रतुविन्न उक्थ्यो ऽव्यो वारे परि धावु मधु प्रियम् ।
जहि विश्वान् रक्षस इन्दो अत्रिणौ बृहद्वदेम विदथे सुवीराः ४८

(४४) चतुश्चत्वारिंशं सूक्तम्

(१-६) नवर्चस्यास्य सूक्तस्य काव्य उशना ऋषिः । पवमानः सोमो देवता ।

त्रिष्टुप् छन्दः

प्र तु द्रवु परि कोशं नि षीदु नृभिः पुनानो अभि वाजमर्ष ।
अश्वं न त्वा वाजिनं मर्जयन्तो ऽच्छा बर्ही रशनाभिर्नयन्ति १
स्वायुधः पवते देव इन्दु रशस्तिहा वृजनं रक्षमाणः ।
पिता देवानां जनिता सुदक्षो विष्टम्भो दिवो धरुणः पृथिव्याः २
ऋषिर्विप्रः पुरेता जनानां मृभुर्धीरे उशना काव्येन ।
स चिद्विवेदु निहितं यदासा मपीच्यं गुह्यं नाम गोनाम् ३
एष स्य ते मधुमां इन्द्र सोमो वृषा वृष्णे परि पवित्रे अक्षाः ।
सहस्रसाः शतसा भूरिदावा शश्वत्तमं बर्हिरा वाज्यस्थात् ४
एते सोमां अभि गव्या सहस्रां महे वाजायामृताय श्रवांसि ।
पवित्रेभिः पवमाना असृग्र ऋवस्यवो न पृतनाजो अत्याः ५
परि हि ष्मां पुरुहूतो जनानां विश्वासरद्भोजना पूयमानः ।
अथा भर श्येनभृत प्रयांसि रयिं तुञ्जानो अभि वाजमर्ष ६
एष सुवानः परि सोमः पवित्रे सर्गो न सृष्टो अदधावदवा ।
तिग्मे शिशानो महिषो न शृङ्गे गा गव्यन्नभि शूरो न सत्वा ७
एषा ययौ परमादन्तरद्रेः कूर्चित् सतीरूर्वे गा विवेद ।
दिवो न विद्युत् स्तनयन्त्रैः सोमस्य ते पवत इन्द्र धारा ८
उत स्म राशिं परि यासि गोना मिन्द्रेण सोम सरथं पुनानः ।
पूर्वीरिषो बृहतीर्जीरदानो शिक्षा शचीवस्तव ता उपृष्टत् ९

(४५) पञ्चचत्वारिंशं सूक्तम्

(१-८) अष्टर्चस्यास्य सूक्तस्य काव्य उशना ऋषिः । पवमानः सोमो देवता ।

त्रिष्टुप् छन्दः

अयं सोमं इन्द्र तुभ्यं सुन्वे तुभ्यं पवते त्वमस्य पाहि ।
 त्वं ह यं चकृषे त्वं ववृष इन्दुं मदाय युज्याय सोमम् १
 स ईं रथो न भुरिषाळयोजि महः पुरुणि सातये वसूनि ।
 आदीं विश्वा नहुष्याणि जाता स्वर्षाता वन ऊर्ध्वा नवन्त २
 वायुर्न यो नियुत्वाँ इष्ट्यामा नासत्येव हव आ शंभविष्ठः ।
 विश्ववारो द्रविणोदा इव त्मन् पूषेव धीजर्वनोऽसि सोम ३
 इन्द्रो न यो महा कर्माणि चक्रि हन्ता वृत्राणामसि सोम पूर्भित् ।
 पैद्वो न हि त्वमहिनाम्नां हन्ता विश्वस्यासि सोम दस्योः ४
 अग्निर्न यो वन आ सृज्यमानो वृथा पाजासि कृणुते नदीषु ।
 जनो न युध्वा महत उपब्दि रियर्ति सोमः पर्वमान ऊर्मिम् ५
 एते सोमा अति वाराण्यव्या दिव्या न कोशासो अभ्रवर्षाः ।
 वृथा समुद्रं सिन्ध्वो न नीचीः सुतासो अभि कलशाँ असृग्रन् ६
 शष्मी शर्धो न मारुतं पवस्वाऽनभिशस्ता दिव्या यथा विट् ।
 आपो न मद्भू सुमतिर्भवा नः सहस्राप्साः पृतनाषारन यज्ञः ७
 राज्ञो नु ते वरुणस्य वृतानि बृहद्भीरं तव सोम धाम ।
 शुचिष्ट्वमसि प्रियो न मित्रो दक्षाय्यो अर्यमेवासि सोम ८

(४६) षट्चत्वारिंशं सूक्तम्

(१-७) सप्तर्चस्यास्य सूक्तस्य काव्य उशना ऋषिः । पवमानः सोमो देवता ।

त्रिष्टुप् छन्दः

प्रो स्य वह्निः पृथ्याभिरस्यान् दिवो न वृष्टिः पर्वमानो अक्षाः ।
 सहस्रधारो असदनन्यश्स्मे मातुरुपस्थे वन आ च सोमः १
 राजा सिन्धूनामवसिष्टे वासं ऋतस्य नावमारुहद्रजिष्ठाम् ।
 अप्सु द्रप्सो वावृधे श्येनजूतो दुह ईं इंपता दुह ईं इंपतुर्जाम् २
 सिंहं नसन्त मध्वो अयासं हरिमरुषं दिवो अस्य पतिम् ।
 शूरौ युत्सु प्रथमः पृच्छते गा अस्य चक्षसा परि पात्युक्षा ३
 मधुपृष्ठं घोरमयासमश्वं रथे युञ्जन्त्युरुचक्र ऋष्वम् ।
 स्वसार ईं जामयो मर्जयन्ति सनाभयो वाजिनमूर्जयन्ति ४
 चतस्र ईं घृतदुहः सचन्ते समाने अन्तर्धरुणे निषत्ताः ।
 ता ईमर्षन्ति नमसा पुनानास्ता ईं विश्वतः परि षन्ति पूर्वीः ५

विष्टुम्भो दिवो धरुणः पृथिव्या विश्वा उत क्षितयो हस्तै अस्य ।
असत् त उत्सौ गूणते नियुत्वान् मध्वौ अंशुः पवत इन्द्रियाय ६
वृन्वन्नवातो अभि देववीति मिन्द्राय सोम वृत्रहा पवस्व ।
शग्धि महः पुरुश्चन्द्रस्य रायः सुवीर्यस्य पतयः स्याम ७

(४७) सप्तचत्वारिंशं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । पवमानः सोमो देवता ।

त्रिष्टुप् छन्दः

प्र हिन्वानो जनिता रोदस्यो रथो न वाजं सनिष्यन्नयासीत् ।
इन्द्रं गच्छन्नायुधा संशिशानो विश्वा वसु हस्तयोरादधानः १
अभि त्रिपृष्ठं वृषणं वयोधा माङ्गूषाणामवावशन्त वाणीः ।
वना वसानो वरुणो न सिन्धून् वि रब्धधा दयते वार्याणि २
शूरग्रामः सर्ववीरः सहावा ज्ञेता पवस्व सनिता धनानि ।
तिग्मायुधः क्षिप्रधन्वा समत्स्व षाळहः साह्वान् पृतनासु शत्रून् ३
उरुगव्यूतिरभयानि कृणवन् त्समीचीने आ पवस्वा पुरंधी ।
अपः सिषासन्नुषसः स्वर्गाः सं चिक्रदो महो अस्मभ्यं वाजान् ४
मत्सि सोम वरुणं मत्सि मित्रं मत्सीन्द्रमिन्दो पवमान विष्णुम् ।
मत्सि शर्धो मारुतं मत्सि देवान् मत्सि महामिन्द्रमिन्दो मदाय ५
एवा राजैव क्रतुमाँ अमैन् विश्वा घनिघ्नदुरिता पवस्व ।
इन्दो सूक्ताय वचसे वयो धा यूयं पात स्वस्तिभिः सदा नः ६

चतुर्थोऽध्यायः

व० १-२८ ।

(४८) अष्टचत्वारिंशं सूक्तम्

(१-६) षडृचस्यास्य सूक्तस्य मारीचः कश्यप ऋषिः । पवमानः सोमो देवता ।

त्रिष्टुप् छन्दः

असर्जि वक्त्वा रथ्ये यथाजौ धिया मनोता प्रथमो मनीषी ।
दश स्वसारो अधि सानो अव्ये ऽजन्ति वह्निं सदानान्यच्छ १
वीती जनस्य दिव्यस्य कव्यै रधि सुवानो नहुष्येभिरिन्दुः ।
प्र यो नृभिरमृतो मर्त्येभिर्मर्मृजानोऽविभिर्गोभिरद्भिः २

वृषा वृष्णे रोरुवदंशुरस्मै पवमानो रुशदीर्ते पयो गोः ।
 सहस्रमृक्वा पृथिभिर्वचोवि दध्वस्मभिः सूरु अरवं वि याति ३
 रुजा दृव्हा चिद्रक्षसः सदांसि पुनान इन्द ऊर्णुहि वि वाजान् ।
 वृश्चोपरिष्ठात् तुजता वृधेन ये अन्ति दूरादुपनायमेषाम् ४
 स प्रब्रवन्नव्यसे विश्ववार सूक्ताय पृथः कृणुहि प्राचः ।
 ये दुष्वहांसो वनुषा बृहन्त स्ताँस्तै अश्याम पुरुकृत् पुरुक्षो ५
 एवा पुनानो अपः स्वर्गा अस्मभ्यं तोका तनयानि भूरि ।
 शं नः क्षेत्रमुरु ज्योतीषि सोम ज्योङ्गनः सूर्यं दृशये रिरीहि ६

(४६) एकोनपञ्चाशं सूक्तम्

(१-६) षडृचस्यास्य सूक्तस्य मारीचः कश्यप ऋषिः । पवमानः सोमो देवता ।

त्रिष्टुप् छन्दः

परि सुवानो हरिरंशुः पवित्रे रथो न सर्जि सनये हियानः ।
 आपृच्छलोकमिन्द्रियं पूयमानः प्रति देवाँ अजुषत् प्रयोभिः १
 अच्छा नृचक्षा असरत् पवित्रे नाम दधानः क्विरस्य योनौ ।
 सीदन् होतैव सदाने चमूषू पैमगमनृषयः सप्त विप्राः २
 प्र सुमेधा गातुविद्विश्वदेवः सोमः पुनानः सद एति नित्यम् ।
 भुवद्विश्वेषु काव्येषु रन्ता ऽनु जनान् यतते पञ्च धीरः ३
 तव त्वे सोम पवमान निशये विश्वे देवास्त्रय एकादशासः ।
 दश स्वधाभिरधि सानो अव्यै मृजन्ति त्वा नृद्यः सप्त यहीः ४
 तन्न सत्यं पवमानस्यास्तु यत्र विश्वे कारवः संनसन्त ।
 ज्योतिर्यदहे अकृणोदु लोकं प्रावन्मनुं दस्यवे करभीकम् ५
 परि सद्यैव पशमान्ति होता राजा न सत्यः समितीरियानः ।
 सोमः पुनानः कलशाँ अयासीत् सीदन् मृगो न महिषो वनेषु ६

(५०) पञ्चाशं सूक्तम्

(१-५) पञ्चर्चस्यास्य सूक्तस्य गौतमो नोधा ऋषिः । पवमानः सोमो देवता ।

त्रिष्टुप् छन्दः

साकमुक्षो मर्जयन्त स्वसारो दश धीरस्य धीतयो धनुत्रीः ।
 हरिः पर्यद्रवजाः सूर्यस्य द्रोणं ननक्षे अत्यो न वाजी १

सं मा॒तृभि॒र्न शि॒शुर्वा॒वशा॒नो वृ॒षा दध॑न्वे पु॒रुवा॒रो अ॒द्भिः ।
म॒र्यो न यो॒षाम॒भि नि॑ष्कृतं यन् त्सं गच्छते क॒लशं उ॒स्त्रिया॑भिः २
उ॒त प्र पि॑प्य ऊ॒धर॑घ्न्याया इ॒न्दुर्धा॑राभिः स॒चते सु॑मे॒धाः ।
मू॒र्धानं॑ गा॒वः प॒र्यसा च॒मूष्व॒भि श्री॑णन्ति वसु॒भिर्न नि॒क्तैः ३
स नो॑ दे॒वेभिः॑ प॒वमान॑ र॒देन्दो॑ र॒यिम॑श्चि॒र्न वा॒वशा॑नः ।
र॒थिरा॑यता॒मुश॑ती पु॒रधि॑ र॒स्मद्र॑य॒गा दा॒वने॑ वसू॒नाम् ४
नू नो॑ र॒यिमु॑प॒ मास्व॑ नृ॒वन्त॑ पु॒नानो॑ वा॒ताप्य॑ विश्व॒श्चन्द्र॑म् ।
प्र व॑न्दि॒तुरि॑न्दो ता॒र्यायुः॑ प्रा॒तर्म॑न्नु॒ धिया॑व॒सुर्जग॑म्यात् ५

(५१) एकपञ्चाशं सूक्तम्

(१-५) पञ्चर्चस्यास्य सूक्तस्याङ्गिरसः कण्व ऋषिः । पवमानः सोमो देवता ।

त्रिष्टुप् छन्दः

अधि॑ यद॒स्मिन् वा॒जिनी॑व॒ शुभः॑ स्पर्ध॒न्ते धि॒यः सूर्ये॑ न विशः ।
अ॒पो वृ॑णानः प॒वते॑ क॒वीयन् वृ॒जं न प॑शव॒र्धना॑य॒ मन्म॑ १
द्वि॒ता व्यू॑र्वा॒न्नमृ॑तस्य॒ धाम॑ स्व॒र्विदे॑ भु॒र्वनानि॑ प्रथन्त ।
धि॒यः पि॒न्वा॒नाः स्व॒सरे॑ न गा॒व ऋ॒ताय॑न्ती॒रभि॑ वा॒वश्च॒ इन्दु॑म् २
प॒रि यत् क॒विः का॒व्या भ॑रते॒ शूरो॑ न रथो॒ भुर्व॑नानि॒ विश्वा॑ ।
दे॒वेषु॑ यशो॒ मर्ता॑य॒ भूष॑न् दक्षा॒य रा॒यः पु॑रु॒भूषु॑ नव्यः ३
श्रि॒ये जा॒तः श्रि॒य आ नि॑रियाय॒ श्रियं॑ व॒र्यो ज॑रि॒तृभ्यो॑ दधाति ।
श्रि॒यं व॑सा॒ना अ॒मृत॑त्वमा॒यन् भ॑वन्ति स॒त्या सं॑मि॒था मि॒तद्रौ॑ ४
इ॒षमूर्ज॑म॒भ्यर्षा॑श्चं गा॒ मुरु॑ ज्योतिः॒ कृणु॑हि॒ मत्सि॑ दे॒वान् ।
वि॒श्वानि॑ हि सु॒षहा॑ तानि॒ तुभ्यं॑ प॒वमान॑ बा॒र्धसे॑ सोम॒ शत्रू॑न् ५

(५२) द्विपञ्चाशं सूक्तम्

(१-५) पञ्चर्चस्यास्य सूक्तस्य काण्वः प्रस्कण्व ऋषिः । पवमानः सोमो देवता ।

त्रिष्टुप् छन्दः

क॒निक्र॑न्ति॒ हरि॑रा सृ॒ज्यमा॑नः॒ सीद॑न् व॒नस्य॑ ज॒ठरै॑ पु॒नानः॑ ।
नृ॒भिर्द्यु॑तः॒ कृणु॑ते नि॒र्णिजं॑ गा॒ अतो॑ म॒तीर्जन॑यत स्व॒धाभिः॑ १
ह॒रिः सृ॑जानः प॒थ्यामृ॑तस्ये॒ यति॑ वा॒चम॑रि॒तेव॑ ना॒वम् ।
दे॒वो दे॒वानां॑ गु॒ह्यानि॑ नामा॒ऽऽवि॑ष्कृ॒णोति॑ ब॒र्हिषि॑ प्र॒वाचै॑ २

अपामिवेदूर्मयस्तर्तुराणाः प्र मनीषा ईरते सोममच्छ ।
 नमस्यन्तीरुप च यन्ति सं चा ऽऽ च विशन्त्युशतीरुशन्तम् ३
 तं मर्मजानं महिषं न साना वंशं दुहन्त्युक्षणं गिरिष्ठाम् ।
 तं वावशानं मतयः सचन्ते त्रितो बिभर्ति वरुणं समुद्रे ४
 इष्यन् वाचमुपवक्तेव होतुः पुनान इन्दो वि ष्या मनीषाम् ।
 इन्द्रश्च यत् क्षयथः सौभगाय सुवीर्यस्य पतयः स्याम ५

(५३) त्रिपञ्चाशं सूक्तम्

(१-२४) चतुर्विंशत्यृचस्यास्य सूक्तस्य दैवोदासिः प्रतर्दन ऋषिः । पवमानः सोमो
 देवता । त्रिष्टुप् छन्दः

प्र सेनानीः शूरो अग्रे रथानां गव्यत्रैति हर्षते अस्य सेना ।
 भद्रान् कृणवन्निन्द्रहवान् त्सखिभ्य आ सोमो वस्त्रा रभसानि दत्ते १
 समस्य हरिं हरयो मृजन्त्य श्वह्यैरनिशितं नमोभिः ।
 आ तिष्ठति रथमिन्द्रस्य सखा विद्वाँ एना सुमतिं यात्यच्छ २
 स नो देव देवताते पवस्व महे सोम प्सरस इन्द्रपानः ।
 कृणवन्नपो वर्षयन् द्यामुतेमा मुरोरा नो वरिवस्या पुनानः ३
 अजीतयेऽहतये पवस्व स्वस्तये सर्वतातये बृहते ।
 तदुशन्ति विश्व इमे सखायु स्तदहं वंशिम पवमान सोम ४
 सोमः पवते जनिता मतीनां जनिता दिवो जनिता पृथिव्याः ।
 जनिताग्नेर्जनिता सूर्यस्य जनितेन्द्रस्य जनितोत विष्णोः ५
 ब्रह्मा देवानां पदवीः कवीना मृषिर्विप्राणां महिषो मृगाणाम् ।
 श्येनो गृध्राणां स्वर्धित्तिर्वनानां सोमः पवित्रमत्यैति रेभन् ६
 प्रावीविपद्वाच ऊर्मि न सिन्धु गिरः सोमः पवमानो मनीषाः ।
 अन्तः पश्यन् वृजनेमावरा रथा तिष्ठति वृषभो गोषु जानन् ७
 स मत्सरः पृत्सु वन्वन्नवातः सहस्ररेता अभि वाजमर्ष ।
 इन्द्रायेन्दो पवमानो मनी ष्यंशोरूमिमीरय गा इष्ययन् ८
 परि प्रियः क्लशै देववात इन्द्राय सोमो रणयो मदाय ।
 सहस्रधारः शतवाज इन्दु वाजी न सप्तिः समना जिगाति ९
 स पूव्यो वसुविजायमानो मृजानो अप्सु दुदुहानो अद्रौ ।
 अभिशस्तिपा भुवनस्य राजा विदद्वातुं ब्रह्मणे पूयमानः १०

त्वया हि नः पितरः सोम पूर्वे कर्माणि चक्रुः पवमान धीराः ।
 वन्वन्नवातः परिधीरपौरु वीरेभिरश्वैर्मघवा भवा नः ११
 यथापवथा मनवे वयोधा अमित्रहा वरिवोविद्धविष्मान् ।
 एवा पवस्व द्रविणं दधान इन्द्रे सं तिष्ठ जनयार्युधानि १२
 पवस्व सोम मधुमाँ ऋतावा ऽपो वसानो अधि सानो अव्यै ।
 अव द्रोणानि घृतवान्ति सीद मदिन्तमो मत्सर इन्द्रपानः १३
 वृष्टिं दिवः शतधारः पवस्व सहस्रसा वाजयुर्देववीतौ ।
 सं सिन्धुभिः कलशै वावशानः समुस्त्रियाभिः प्रतिरन् न आर्युः १४
 एष स्य सोमो मतिभिः पुनानो ऽत्यो न वाजी तरीदरातीः ।
 पयो न दुग्धमदितेरिषिर मुर्विव गातुः सुयमो न वोळहा १५
 स्वायुधः सोतृभिः पूयमानो ऽभ्यर्ष गुह्यं चारु नाम ।
 अभि वाजं सप्तिरिव श्रवस्या ऽभि वायुमभि गा देव सोम १६
 शिशुं जज्ञानं हर्यतं मृजन्ति शम्भन्ति वह्नि मरुतो गणेन ।
 कविर्गीर्भिः काव्येना कविः सन् त्सोमः पवित्रमत्यैति रेभन् १७
 ऋषिमना य ऋषिकृत् स्वर्षाः सहस्रणीथः पदवीः कवीनाम् ।
 तृतीयं धाम महिषः सिषासन् त्सोमो विराजमनु राजति ष्टुप् १८
 चमूषच्छयेनः शकुनो विभृत्वा गोविन्दुर्द्रप्स आर्युधानि बिभ्रत् ।
 अपामूर्मि सचमानः समुद्रं तुरीयं धाम महिषो विवक्ति १९
 मर्यो न शभ्रस्तन्व मृजानो ऽत्यो न सृत्वा सनये धर्नानाम् ।
 वृषैव यूथा परि कोशमर्षन् कनिक्रदञ्चम्बोऽरा विवेश २०
 पवस्वेन्दो पवमानो महौभिः कनिक्रदत् परि वाराण्यर्ष ।
 क्रीळञ्चम्बोऽरा विश पूयमान इन्द्रं ते रसो मदिरो ममत्तु २१
 प्रास्य धारा बृहतीरसृग्र न्तो गोभिः कलशाँ आ विवेश ।
 साम कृणवन् त्सामन्यो विपश्चित् क्रन्दन्नेत्यभि सख्युर्न जामिम् २२
 अपघ्नन्नेषि पवमान शत्रून् प्रियां न जारो अभिगीत् इन्दुः ।
 सीदन् वनेषु शकुनो न पत्वा सोमः पुनानः कलशेषु सता २३
 आ ते रुचः पवमानस्य सोम योषैव यन्ति सुदुघाः सुधाराः ।
 हरिरानीतः पुरुवारो अप्स्व चिक्रदत् कलशै देवयूनाम् २४

(५४) चतुःपञ्चाशं सूक्तम्

(१-५८) अष्टपञ्चाशदृचस्यास्य सूक्तस्य (१-३) प्रथमादितृचस्य
 मैत्रावरुणिवसिष्ठः, (४-६) चतुर्थ्यादितृचस्य वासिष्ठ इन्द्रप्रमतिः, (७-९)
 सप्तम्यादितृचस्य वासिष्ठो वृषगणः, (१०-१२) दशम्यादितृचस्य वासिष्ठो मन्युः,
 (१३-१५) त्रयोदश्यादितृचस्य वासिष्ठ उपमन्युः, (१६-१८) षोडश्यादितृचस्य
 वासिष्ठो व्याघ्रपात्, (१९-२१) एकोनविंश्यादितृचस्य वासिष्ठः शक्तिः, (२२-
 २४) द्वाविंश्यादितृचस्य वासिष्ठः कर्णश्रुत्, (२५-२७) पञ्चविंश्यादितृचस्य
 वासिष्ठो मृळीकः, (२८-३०) अष्टाविंश्यादितृचस्य वासिष्ठो वसुक्रः, (३१-४४)
 एकत्रिंश्यादिचतुर्दशर्चा शाक्त्यः पराशरः, (४५-५८)
 पञ्चचत्वारिंश्यादिचतुर्दशानाञ्चाङ्गिरसः कुत्स ऋषयः । पवमानः सोमो देवता ।

त्रिष्टुप् छन्दः

अस्य प्रेषा हेमना पूयमानो देवो देवेभिः समपृक्त रसम् ।
 सुतः पवित्रं पर्येति रेभन् मितेव सद्यं पशमान्ति होता १
 भद्रा वस्त्रा समन्याः वसानो महान् कविर्निवचनानि शंसन् ।
 आ वच्यस्व चम्बोः पूयमानो विचक्षणो जागृविर्देववीतौ २
 समु प्रियो मृज्यते सानो अव्यै यशस्तरो यशसां चैतौ अस्मे ।
 अभि स्वरं धन्वा पूयमानो यूयं पात स्वस्तिभिः सदा नः ३
 प्र गायताभ्यर्चाम देवान् त्सोमं हिनोत महते धनाय ।
 स्वादुः पवाते अति वारमव्य मा सीदाति कलशं देवयुर्नः ४
 इन्दुर्देवानामुप सख्यमायन् त्सहस्रधारः पवते मदाय ।
 नृभिः स्तवानो अनु धाम् पूर्व मगन्निन्द्रं महते सौभगाय ५
 स्तोत्रे राये हरिरर्षा पुनान इन्द्रं मदी गच्छतु ते भराय ।
 देवैर्याहि सरथं राधो अच्छा यूयं पात स्वस्तिभिः सदा नः ६
 प्र काव्यमुशनैव ब्रुवाणो देवो देवानां जनिमा विवक्ति ।
 महिब्रतः शुचिबन्धुः पावकः पदा वराहो अभ्येति रेभन् ७
 प्र हंसासस्तृपलं मन्युमच्छा मादस्तं वृषगणा अयासुः ।
 आङ्गूष्यश्च पवमानं सखायो दुर्मर्षं साकं प्र वदन्ति वाणम् ८
 स रंहत उरुगायस्य जूतिं वृथा क्रीळन्तं मिमते न गार्वः ।
 परीणसं कृणुते तिग्मशृङ्गो दिवा हरिर्ददृशे नक्तमृजः ९
 इन्दुर्वाजी पवते गोन्यौघा इन्द्रे सोमः सह इन्वन् मदाय ।
 हन्ति रक्षो बाधते पर्यराती वरिवः कृणवन् वृजनस्य राजा १०

अध धारया मध्वा पृचान स्तिरो रोमं पवते अद्रिदुग्धः ।
 इन्दुरिन्द्रस्य सख्यं जुषाणो देवो देवस्य मत्सरो मदाय ११
 अभि प्रियाणि पवते पुनानो देवो देवान् त्वेन रसेन पृञ्चन् ।
 इन्दुर्धर्माणयतुथा वसानो दश क्षिपो अव्यत सानो अव्यै १२
 वृषा शोणो अभिकनिक्रद्द्वा नदयन्नेति पृथिवीमुत द्याम् ।
 इन्द्रस्येव वगुरा शृणव आजौ प्रचेतयन्नर्षति वाचमेमाम् १३
 रसाय्यः पर्यसा पिन्वमान ईरयन्नेषि मधुमन्तमंशुम् ।
 पवमानः संतनिमेषि कृणवन्निन्द्राय सोम परिषिच्यमानः १४
 एवा पवस्व मदिरो मदायो दग्राभस्य नमयन् वधस्त्रैः ।
 परि वर्णं भरमाणो रुशन्तं गव्युनो अर्ष परि सोम सिक्तः १५
 जुष्टी न इन्दो सुपथा सुगान्युरौ पवस्व वरिवांसि कृणवन् ।
 घनेव विष्वग्दुरितानि विघ्नन्नधि ष्णुना धन्व सानो अव्यै १६
 वृष्टिं नो अर्ष दिव्यां जिगुत्तु मिळावतीं शंगयीं जीरदानुम् ।
 स्तुकेव वीता धन्वा विचिन्वन् बन्धूरिमाँ अवरान् इन्दो वायून् १७
 ग्रन्थिं न वि ष्यं ग्रथितं पुनान ऋजुं च गातुं वृजिनं च सोम ।
 अत्यो न क्रदो हरिरा सृजानो मर्यो देव धन्व पुस्त्यावान् १८
 जुष्टो मदाय देवतात इन्दो परि ष्णुना धन्व सानो अव्यै ।
 सहस्रंधारः सुरभिरदब्धः परि स्रव वाजसातौ नृषह्यै १९
 अरश्मानो यैऽरथा अरुक्ता अत्यासो न संसृजानास आजौ ।
 एते शक्रासो धन्वन्ति सोमा देवासस्ताँ उप याता पिबन्ध्वै २०
 एवा न इन्दो अभि देववीतिं परि स्रव नभो अर्णश्चमूर्षु ।
 सोमो अस्मभ्यं काम्यं बृहन्तं रयिं ददातु वीरवन्तमुग्रम् २१
 तक्षद्यदी मनसो वेनतो वाग ज्येष्ठस्य वा धर्मणि क्षोरनीके ।
 आदीमायन् वरमा वावशाना जुष्टं पतिं कलशे गाव इन्दुम् २२
 प्र दानुदो दिव्यो दानुपिन्व ऋतमृताय पवते सुमेधाः ।
 धर्मा भुवद्भुजन्त्यस्य राजा प्र रश्मिभिर्दशभिर्भारि भूम २३
 पवित्रैभिः पवमानो नृचक्षा राजा देवानामुत मत्यानाम् ।
 द्विता भुवद्रयिपती रयीणा मृतं भरत् सुभृतं चार्विन्दुः २४
 अवाँ इव श्रवसे सातिमच्छेन्द्रस्य वायोरभि वीतिमर्ष ।
 स नः सहस्रा बृहतीरिषोदा भवाँ सोम द्रविणोवित् पुनानः २५

देवाव्यो नः परिषिच्यमानाः क्षयं सुवीरं धन्वन्तु सोमाः ।
 आयुज्यवः सुमतिं विश्ववारा होतारो न दिवियजो मन्द्रतमाः २६
 एवा देव देवताते पवस्व महे सोम प्सरसे देवपानः ।
 महश्चिद्धि ष्मसि हिताः समर्थे कृधि सुष्ठाने रोदसी पुनानः २७
 अश्वो न क्रदो वर्षभिर्युजानः सिंहो न भीमो मनसो जवीयान् ।
 अर्वाचीनैः पृथिभिर्ये रजिष्ठा आ पवस्व सोमनुसं न इन्दो २८
 शतं धारा देवजाता असृग्रन् त्सहस्रमेनाः कवयो मृजन्ति ।
 इन्दो सनित्रं दिव आ पवस्व पुरएतासि महतो धनस्य २९
 दिवो न सर्गा अससृग्रमहान् राजा न मित्रं प्र मिनाति धीरः ।
 पितुर्न पुत्रः क्रतुभिर्यतान आ पवस्व विशे अस्या अर्जीतिम् ३०
 प्र ते धारा मधुमतीरसृग्रन् वारान् यत् पूतो अत्येष्यव्यान् ।
 पर्वमान् पर्वसे धाम् गोनां जज्ञानः सूर्यमपिन्वो अर्केः ३१
 कनिक्रददनु पनथामृतस्य शक्रो वि भास्यमृतस्य धाम् ।
 स इन्द्राय पवसे मत्सरवान् हिन्वानो वाचं मतिभिः कवीनाम् ३२
 दिव्यः सुपर्णोऽव चक्षि सोम पिन्वन् धाराः कर्मणा देववीतौ ।
 एन्दो विश कलशं सोमधानं क्रन्दन्निहि सूर्यस्योप रश्मिम् ३३
 तिस्रो वाचं ईरयति प्र वह्निं ऋतस्य धीतिं ब्रह्मणो मनीषाम् ।
 गावो यन्ति गोपतिं पृच्छमानाः सोमं यन्ति मृतयो वावशानाः ३४
 सोमं गावो धेनवो वावशानाः सोमं विप्रा मतिभिः पृच्छमानाः ।
 सोमः सुतः पूयते अज्यमानः सोमै अर्कास्त्रिष्टुभः सं नवन्ते ३५
 एवा नः सोम परिषिच्यमान् आ पवस्व पूयमानः स्वस्ति ।
 इन्द्रमा विश बृहता रवेण वर्धया वाचं जनया पुरंधिम् ३६
 आ जागृविर्विप्रं ऋता मतीनां सोमः पुनानो असदच्चमूषु ।
 सपन्ति यं मिथुनासो निकामा अध्वर्यवो रथिरासः सुहस्ताः ३७
 स पुनान उपसूरे न धातो भे अप्रा रोदसी वि ष अविः ।
 प्रिया चिद्यस्य प्रियसासं ऊती स तू धनं कारिणे न प्र यंसत् ३८
 स वर्धिता वर्धनः पूयमानः सोमो मीढ्वाँ अभि नो ज्योतिषावीत् ।
 येना नः पूर्वे पितरः पदज्ञाः स्वर्विदो अभि गा अद्रिमुष्णन् ३९
 अक्रान् त्समुद्रः प्रथमे विधर्मं ज्ञनयन् प्रजा भुवनस्य राजा ।
 वृषा पवित्रे अधि सानो अव्ये बृहत् सोमो वावृधे सुवान् इन्दुः ४०

म॒हत् तत् सोमो॑ महिषश्च॑कारा॒ऽपां यद्गर्भो॑ऽवृ॒णीत दे॒वान् ।
अद॑धादिन्द्रे पर्व॑मान् ओजो॑ ऽर्जनय॑त् सूर्ये॑ ज्योतिरिन्दुः ४१
मत्सि॑ वा॒युमिष्ट॑ये राध॑से च॒ मत्सि॑ मि॒त्रावरु॑णा पू॒यमा॑नः ।
मत्सि॑ श॒र्धो मारु॑तं मत्सि॑ दे॒वान् मत्सि॑ द्यावा॑पृथि॒वी दे॒व सोम ४२
ऋ॒जुः प॑वस्व वृ॒जिन॑स्य॒ ह॒न्ता ऽपा॑मी॒वां बा॑ध॒मानो॑ मृ॒धश्च॑ ।
अ॒भि॒श्री॒णन् प॑यः प॒र्यसा॑भि गो॒नामिन्द्र॑स्य॒ त्वं तव॑ व॒यं सखा॑यः ४३
मध्वः॑ सू॒दं प॑वस्व॒ वस्व॑ उत्स॑ वी॒रं च॑ न॒ आ प॑वस्वा॒ भर्ग॑ च ।
स्वद॑स्वेन्द्रा॒य प॑र्व॒मान इ॒न्दो र॒यिं च॑ न॒ आ प॑वस्वा॒ समु॑द्रात् ४४
सोमः॑ सु॒तो धा॒रया॑त्यो न हि॒त्वा सि॒न्धुर्न॑ नि॒म्रम॑भि वा॒ज्य॑क्षाः ।
आ योनिं॑ व॒न्यम॑सदत् पु॒नानः॑ समिन्दु॒र्गोभि॑रसरत्॒ सम॑द्भिः ४५
ए॒ष स्य॑ तै पव॑त इन्द्र॒ सोम॑श्च॒मूषु॑ धी॒र उ॑श॒ते तव॑स्वान् ।
स्व॑र्च॒क्षा रथि॑रः स॒त्यशु॑ष्मः॒ कामो॑ न यो दे॒वय॑तामस॒र्जि ४६
ए॒ष प्र॒त्नेन॑ व॒र्यसा॑ पु॒नान॑ स्ति॒रो व॑र्षा॒सि दु॑हितु॒र्दधानः॑ ।
व॑सा॒नः शर्म॑ त्रि॒वरु॑थम॒प्सु हो॑तैव याति॒ सम॑नेषु रे॒भन् ४७
नू न॒स्त्वं र॑थि॒रो दे॒व सोम॑ परि॒ स्रव॑ च॒म्बोः पू॑य॒मानः॑ ।
अ॒प्सु स्वादि॑ष्टो मधु॒माँ ऋ॑तावा॒ देवो॑ न यः स॑वि॒ता स॒त्यम॑न्मा ४८
अ॒भि वा॒युं वी॑त्य॒र्षा गृ॑णा॒नोऽभि॑ मि॒त्रावरु॑णा पू॒यमा॑नः ।
अ॒भी नरं॑ धी॒जर्व॑नं रथे॒ष्टा म॒भीन्द्रं॑ वृष॒णं व॑ज्र॒बाहु॑म् ४९
अ॒भि व॑स्त्रा॒ सुव॑स॒नान्य॑र्षा॒ऽभि धे॒नूः सु॑दु॒घाः पू॑य॒मानः॑ ।
अ॒भि च॒न्द्रा भ॑र्त॒वे नो॑ हि॒र॑ग॒या ऽभ्य॑श्वा॒न् रथि॑र्नो दे॒व सोम ५०
अ॒भी नो॑ अ॒र्ष दि॒व्या व॑सू॒न्यभि॑ विश्वा॒ पार्थि॑वा पू॒यमा॑नः ।
अ॒भि येन॑ द्र॒विण॑म॒श्नवा॑मा॒ऽभ्या॑र्षे॒यं ज॑मद॒ग्नि॑व॒न्नः ५१
अ॒या प॒वा प॑वस्वै॒ना व॑सू॒नि माँश्च॑त्व इ॒न्दो सर॑सि॒ प्र ध॑न्व ।
ब्र॒ध्नश्चि॑दत्र॒ वातो॑ न जू॒तः पुरु॑मे॒धश्चित्॑ त॒र्क॑वे॒ नरं॑ दात् ५२
उ॒त न॑ ए॒ना प॑व॒या प॑व॒स्वा ऽधि॑ श्रु॒ते श्र॑वाय्य॒स्य ती॑र्थे ।
ष॒ष्टिं स॒हस्रा॑ नै॒गुतो॑ व॒सूनि॑ वृ॒क्षं न॑ प॒क्वं धू॑नवृ॒द्रणाय॑ ५३
म॒हीमे॑ अ॒स्य वृ॑ष॒नाम॑ शू॒षे माँश्च॑त्वे वा॒ पृ॑श॒ने वा॑ व॒धत्रे॑ ।
अ॒स्वाप॑यन्नि॒गुतः॑ स्नेह॒य॒च्चा ऽपा॑मि॒त्राँ अ॒पा॒चितो॑ अ॒चेतः॑ ५४
सं त्री॑ प॒वित्रा॑ वि॒त॑तान्ये॒ष्य न्वेकं॑ धाव॒सि पू॑य॒मानः॑ ।
अ॒सि भ॑गो॒ अ॒सि दा॑त्रस्य॒ दा॒ता ऽसि॑ म॒घवा॑ म॒घव॑द्भ्य इ॒न्दो ५५

एष विश्ववित् पवते मनीषी सोमो विश्वस्य भुवनस्य राजा ।
 द्रप्साँ ईरयन् विदथेष्विन्दुर्वि वारमव्यं समयाति याति ५६
 इन्दुं रिहन्ति महिषा अदब्धाः पदे रैभन्ति कवयो न गृध्राः ।
 हिन्वन्ति धीरा दशभिः क्षिपाभिः समञ्जते रूपमुपां रसेन ५७
 त्वया वयं पवमानेन सोम भरे कृतं वि चिनुयाम् शश्वत् ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ५८

(५५) पञ्चपञ्चाशं सूक्तम्

(१-१२) द्वादशर्चस्यास्य सूक्तस्य वार्षागिरोऽम्बरीषो भारद्वाज ऋजिश्वा च ऋषी ।
 पवमानः सोमो देवता । (१-१०, १२) प्रथमादिदशर्चा द्वादश्याश्चानुष्टुप्, (११)
 एकादश्याश्च बृहती छन्दसी

अभि नो वाजसातमं रयिमर्ष पुरुस्पृहम् ।
 इन्दो सहस्रभर्णसं तुविद्युम्रं विभ्वासहम् १
 परि ष्य सुवानो अव्ययं रथे न वर्माव्यत ।
 इन्दुरभि दुशां हितो हियानो धाराभिरक्षाः २
 परि ष्य सुवानो अक्षा इन्दुरव्ये मदच्युतः ।
 धारा य ऊर्ध्वो अध्वरे भ्राजा नैति गव्ययुः ३
 स हि त्वं देव शश्वते वसु मर्ताय दाशुषे ।
 इन्दो सहस्रिणं रयिं शतात्मानं विवाससि ४
 वयं ते अस्य वृत्रहन् वसो वस्वः पुरुस्पृहः ।
 नि नेदिष्ठतमा इषः स्याम सुम्रस्याधिगो ५
 द्विर्यं पञ्च स्वयंशसं स्वसारो अद्रिसंहतम् ।
 प्रियमिन्द्रस्य काम्यं प्रस्त्रापयन्त्यूर्मिणम् ६
 परि त्यं हर्यतं हरिं बभ्रुं पुनन्ति वारैण ।
 यो देवान् विश्वाँ इत् परि मदेन सह गच्छति ७
 अस्य वो ह्यवसा पान्तो दक्षसार्धनम् ।
 यः सूरिषु श्रवो बृहद् दधे स्वर्णं हर्यतः ८
 स वा युज्ञेषु मानवी इन्दुर्जनिष्ट रोदसी ।
 देवो देवी गिरिष्ठा अस्त्रैधन् तं तुविष्वणि ९
 इन्द्राय सोम पातवे वृत्रघ्ने परि षिच्यसे ।

नरै च दक्षिणावते देवाय सदनासदे १०
ते प्रत्नासो व्युष्टिषु सोमाः पवित्रै अक्षरन् ।
अप्रप्रोर्थन्तः सनुतर्हुरश्चितः प्रातस्ताँ अप्रचेतसः ११
तं संखायः पुरोरुचं यूयं वयं च सूरयः ।
अश्याम् वाजगन्ध्र्यं सनेम् वाजपस्त्यम् १२

(५६) षट्पञ्चाशं सूक्तम्

(१-८) अष्टर्चस्यास्य सूक्तस्य काश्यपौ रेभसून् ऋषी । पवमानः सोमो देवता ।

(१) प्रथमर्चो बृहती, (२-८) द्वितीयादिसप्तानाञ्चानुष्टुप् छन्दसी

आ हर्यताय धृष्णावे धनुस्तन्वन्ति पौंस्यम् ।
शुक्रां वयन्त्यसुराय निर्णिजं विपामग्रे महीयुवः १
अर्धं क्षपा परिष्कृतो वाजाँ अभि प्र गाहते ।
यदी विवस्वतो धियो हरिं हिन्वन्ति यातवे २
तमस्य मर्जयामसि मदो य इन्द्रपातमः ।
यं गावँ आसभिर्दधुः पुरा नूनं च सूरयः ३
तं गार्थया पुरागया पुनानमभ्यनूषत ।
उतो कृपन्त धीतयौ देवानां नाम बिभ्रतीः ४
तमुक्षमाणमव्यये वारै पुनन्ति धर्णासिम् ।
दूतं न पूर्वचित्तय आ शासते मनीषिणः ५
स पुनानो मदिन्तमः सोमश्चमूषु सीदति ।
पशौ न रेत आदधत् पतिर्वचस्यते धियः ६
स मृज्यते सुकर्मभिर्देवो देवेभ्यः सुतः ।
विदे यदासु संददिर्महीरपो वि गाहते ७
सुत इन्दो पवित्र आ नृभिर्यतो वि नीयसे ।
इन्द्राय मत्सरिन्तमश्चमूष्वा नि षीदसि ८

(५७) सप्तपञ्चाशं सूक्तम्

(१-६) नवर्चस्यास्य सूक्तस्य काश्यपौ रेभसून् ऋषी । पवमानः सोमो देवता ।

अनुष्टुप् छन्दः

अभी नवन्ते अद्रुहः प्रियमिन्द्रस्य काम्यम् ।

वृत्सं न पूर्वं आयुनि जातं रिहन्ति मातरः १
 पुनान इन्द्रवा भर सोम द्विबर्हसं रयिम् ।
 त्वं वसूनि पुष्यसि विश्वानि दाशुषो गृहे २
 त्वं धियं मनोयुजं सृजा वृष्टिं न तन्यतुः ।
 त्वं वसूनि पार्थिवा दिव्या च सोम पुष्यसि ३
 परि ते जिग्युषो यथा धारा सुतस्य धावति ।
 रंहमाणा व्यश्व्यं वारं वाजीवं सानसिः ४
 क्रत्वे दक्षाय नः कवे पर्वस्व सोम धारया ।
 इन्द्राय पातवे सुतो मित्राय वरुणाय च ५
 पर्वस्व वाजसातमः पवित्रे धारया सुतः ।
 इन्द्राय सोम विष्णावे देवेभ्यो मधुमत्तमः ६
 त्वां रिहन्ति मातरो हरिं पवित्रे अद्रुहः ।
 वृत्सं जातं न धेनवः पर्वमान विधर्मणि ७
 पर्वमान महि श्रवं श्वित्रेभिर्यासि रश्मिभिः ।
 शर्धन् तमांसि जिघ्रसे विश्वानि दाशुषो गृहे ८
 त्वं द्यां च महिव्रत पृथिवीं चाति जभिषे ।
 प्रति द्रापिममुञ्चथाः पर्वमान महित्वना ९

पञ्चमोऽध्यायः

व० १-३३ ।

(५८) अष्टपञ्चाशं सूक्तम्

(१-१६) षोडशर्चस्यास्य सूक्तस्य (१-३) प्रथमादितृचस्य श्यावाश्विरन्धीगुः,
 (४-६) चतुर्थ्यादितृचस्य नाहुषो ययाति, (७-९) सप्तम्यादितृचस्य राजर्षिर्मानवो
 नहूषः, (१०-१२) दशम्यादितृचस्य सांवरणो मनुः, (१३-१६)
 त्रयोदश्यादिचतुर्त्रयस्य च वैश्वामित्रो वाच्यो वा प्रजापतिर्ऋषयः । पर्वमानः सोमो
 देवता । (१, ४-१६) प्रथमर्चश्चतुर्थ्यादित्रयोदशानाञ्चानुष्टुप्, (२-३)
 द्वितीयातृतीययोश्च गायत्री छन्दसी

पुरोजिती वो अन्धसः सुताय मादयिबवे ।

अप श्वानं शनथिष्टन् सखायो दीर्घजिह्वयम् १

यो धारया पावकया परिप्रस्यन्दते सुतः । इन्दुरश्वो न कृत्वयः २

तं दुरोषमभी नरः सोमं विश्वाच्या धिया । यज्ञं हिन्वन्त्यद्रिभिः ३
 सुतासो मधुमत्तमाः सोमा इन्द्राय मन्दिनः ।
 पवित्रवन्तो अक्षरन् देवान् गच्छन्तु वो मदाः ४
 इन्दुरिन्द्राय पवत इति देवासौ अब्रुवन् ।
 वाचस्पतिर्मखस्यते विश्वस्येशान् ओजसा ५
 सहस्रधारः पवते समुद्रो वाचमीङ्खयः ।
 सोमः पती रयीणां सखेन्द्रस्य दिवेदिवे ६
 अयं पूषा रयिर्भगुः सोमः पुनानो अर्षति ।
 पतिर्विश्वस्य भूमनो व्यख्यद्रोदसी उभे ७
 समु प्रिया अनूषत गावो मदाय घृष्वयः ।
 सोमासः कृणवते पथः पवमानास इन्दवः ८
 य ओजिष्ठस्तमा भर पवमान श्रवाय्यम् ।
 यः पञ्च चर्षणीरभि रयिं येन वनामहै ९
 सोमाः पवन्त इन्दवो ऽस्मभ्यं गातुवित्तमाः ।
 मित्राः सुवाना अरेपसः स्वाध्यः स्वर्विदः १०
 सुष्वाणासो व्यद्रिभिश्चिताना गोरधि त्वचि ।
 इषमस्मभ्यमभितः समस्वरन् वसुविदः ११
 एते पूता विपश्चितः सोमासो दध्याशिरः ।
 सूर्यासो न दर्शतासौ जिगृत्वो ध्रुवा घृते १२
 प्र सुन्वानस्यान्धसो मर्तो न वृत तद्वर्चः ।
 अप श्वानमराधसं हुता मुखं न भृगवः १३
 आ जामिरत्कै अव्यत भुजे न पुत्र ओण्यौः ।
 सरञ्जारो न योषणां वरो न योनिमासदम् १४
 स वीरो दक्षसाधनो वि यस्तस्तम्भ रोदसी ।
 हरिः पवित्रे अव्यत वेधा न योनिमासदम् १५
 अव्यो वारैभिः पवते सोमो गव्ये अर्धि त्वचि ।
 कर्निक्रददृषा हरि रिन्द्रस्याभ्येति निष्कृतम् १६

(५६) एकोनषष्टितमं सूक्तम्

(१-८) अष्टर्चस्यास्य सूक्तस्याप्तयस्त्रित ऋषिः । पवमानः सोमो देवता ।

उष्णिक छन्दः

क्राणा शिशुर्महीनां हिन्वन्नृतस्य दीधितिम् । विश्वा परि प्रिया भुवदध द्विता १
 उप त्रितस्य पाष्योर्भक्त यद्गुहा पदम् । यज्ञस्य सप्त धामभिरध प्रियम् २
 त्रीणि त्रितस्य धारया पृष्ठेष्वेरया रयिम् । मिमीते अस्य योजना वि सुक्रतुः ३
 जज्ञानं सप्त मातरौ वेधामशासत श्रिये । अयं ध्रुवो रयीणां चिकेत यत् ४
 अस्य वृते सजोषसो विश्वे देवासो अद्गुहः । स्पार्हा भवन्ति रन्तयो जुषन्त ५
 यत् ५
 यमी गर्भमृतावृधौ दृशे चारुमजीजनन् । कविं मंहिष्ठमध्वरे पुरुस्पृहम् ६
 समीचीने अभि त्मना यद्गी ऋतस्य मातरा । तन्वाना यज्ञमानुषगयदञ्जते ७
 क्रत्वा शुक्रेभिरक्षभि ऋणोरप वृजं दिवः । हिन्वन्नृतस्य दीधितिं प्राध्वरे ८

(६०) षष्टितमं सूक्तम्

(१-६) षडृचस्यास्य सूक्तस्याप्तचस्त्रित ऋषिः । पवमानः सोमो देवता ।

उष्णिक छन्दः

प्र पुनानाय वेधसे सोमाय वच उद्यतम् । भृतिं न भरा मतिभिर्जुषते १
 परि वाराण्यव्यया गोभिरञ्जानो अर्षति । त्री षधस्थां पुनानः कृणुते हरिः २
 परि कोशं मधुश्चुतं मव्यये वारं अर्षति । अभि वाणीर्ऋषीणां सप्त नूषत ३
 परि शेता मतीनां विश्वदेवो अदाभ्यः । सोमः पुनानश्चम्वोर्विशद्धरिः ४
 परि दैवीरनु स्वधा इन्द्रेण याहि सरथम् । पुनानो वाघद्वाघद्भिरमर्त्यः ५
 परि सप्तिर्न वाजयु देवो देवेभ्यः सुतः । व्यानशिः पवमानो वि धावति ६

(६१) एकषष्टितमं सूक्तम्

(१-६) षडृचस्यास्य सूक्तस्य काण्वौ पर्वतनारदौ काश्यप्यौ शिखण्डिन्यावप्सरसौ
 वा ऋषिके । पवमानः सोमो देवता । उष्णिक छन्दः

सखाय आ नि षीदत पुनानाय प्र गांयत । शिशं न यज्ञैः परि भूषत श्रिये १
 समी वृत्सं न मातृभिः सृजता गयसाधनम् । देवाव्यं मदमभि द्विशवसम् २
 पुनाता दक्षसाधनं यथा शर्धाय वीतयै । यथा मित्राय वरुणाय शंतमः ३

अस्मभ्यं त्वा वसुविदं म॒भि वा॒णीर॒नूष॑त । गोभि॑ष्टे॒ वर्ण॑म॒भि वा॑सयामसि
४

स नो॑ म॒दानां॑ प॒तु इ॒न्दो दे॒वप्स॑रा असि । सखै॑व॒ सख्ये॑ गा॒तुवि॑त्तमो भव ५
सने॑मि कृ॒ध्यश्म॒दा र॒क्षसं॑ कं चि॒द॒त्रिण॑म् । अ॒पादे॑वं द्रु॒युम॑हो॒ युयो॑धि नः ६

(६२) द्विषष्टितमं सूक्तम्

(१-६) षडृचस्यास्य सूक्तस्य काण्वौ पर्वतनारदावृषी । पवमानः सोमो देवता ।

उष्णिक छन्दः

तं वः॑ सखा॒यो म॒दाय॑ पु॒नान॑म॒भि गा॑यत । शि॒शुं न॒ यु॒ज्ञैः स्व॑दयन्त॒ गूर्ति॑भिः
१

सं वृ॒त्स इ॑व मा॒तृभि॑ रि॒न्दुर्हि॒न्वानो॑ अ॒ज्यते॑ । दे॒वा॒वी॒र्मदो॑ म॒तिभिः॑ परि॒ष्कृतः॑
२

अ॒यं द॒क्षा॒य सा॒धनो॑ ऽयं श॒र्धाय॑ वी॒तये॑ । अ॒यं दे॒वेभ्यो॑ म॒धुम॑त्तमः सु॒तः ३
गो॒मन्न॑ इ॒न्दो अ॒श्वव॑त् सु॒तः सु॑द॒क्ष ध॒न्व । शु॒चिं ते॒ वर्ण॑म॒धि गो॑षु॒ दी॒धर॑म् ४
स नो॑ हरी॒णां प॒तु इ॒न्दो दे॒वप्स॑रस्तमः । सखै॑व॒ सख्ये॑ न॒यो रू॒चे भ॑व ५
सने॑मि॒ त्वम॒स्मदाँ॑ अ॒देवं॑ कं चि॒द॒त्रिण॑म् । सा॒ह्याँ इ॒न्दो परि॑ बा॒धो अ॒पं द्रु॒युम्
६

(६३) त्रिषष्टितमं सूक्तम्

(१-१४) चतुर्दशर्चस्यास्य सूक्तस्य (१-३, १०-१४) प्रथमादितृचस्य
दशम्यादिपञ्चानाञ्च चाक्षुषोऽग्निः, (४-६) चतुर्थ्यादितृचस्य मानवश्चक्षुः, (७-९)
सप्तम्यादितृचस्य चाप्सवो मनुर्ऋषयः । पवमानः सोमो देवता । उष्णिक छन्दः
इ॒न्द्रम॑च्छं सु॒ता इ॒मे वृ॑ष॒णं य॑न्तु॒ हर॑यः । श्रु॒ष्टी जा॒तास॑ इ॒न्दवः॑ स्व॒र्विदः॑ १
अ॒यं भ॑रा॒य सा॒न॒सि रि॒न्द्राय॑ प॒वते॑ सु॒तः । सो॒मो जै॑त्रस्य॒ चेत॑ति॒ यथा॑ वि॒दे
२

अ॒स्येदि॑न्द्रो म॒देष्वा॑ ग्रा॒भं गृ॑णीत॒ सान॑सिम् । व॒ज्रं च॑ वृष॒णं भ॑र॒त्
स॒म॒प्सु॒जित् ३

प्र ध॑न्वा सो॒म जा॑गृ॒वि रि॒न्द्राये॑न्द्रो परि॒ स्रव॑ । द्यु॒मन्तं॑ शु॒ष्ममा॑ भ॒रा
स्व॒र्विद॑म् ४

इ॒न्द्राय॑ वृष॒णं म॑दं प॒वस्व॑ वि॒श्वदर्श॑तः । स॒हस्र॑यामा पथि॒कृद्वि॑च॒क्षणः॑ ५

अस्मभ्यं गातुवित्तमो देवेभ्यो मधुमत्तमः । सहस्रं याहि पृथिभिः कनिक्रदत्
 ६
 पवस्व देववीतय इन्द्रो धाराभिरोजसा । आ कलशं मधुमान् त्सोम नः सदः
 ७
 तव द्रप्सा उदप्रुत् इन्द्रं मदाय वावृधुः । त्वां देवासो अमृताय कं पपुः ८
 आ नः सुतास इन्द्रवः पुनाना धावता रयिम् । वृष्टिद्यावो रीत्यापः स्वर्विदः
 ९
 सोमः पुनान ऊर्मिणा ऽव्यो वारं वि धावति । अग्रे वाचः पवमानः
 कनिक्रदत् १०
 धीभिर्हिन्वन्ति वाजिनं वने क्रीळन्तमत्यविम् । अभि त्रिपृष्ठं मृतयुः
 समस्वरन् ११
 असर्जि कलशाँ अभि मीळहे सप्तिर्न वाजयुः । पुनानो वाचं जनयन्नसिष्य-
 दत् १२
 पवते हर्यतो हरिरति ह्वरांसि रंह्या । अभ्यर्षन् तस्तोतृभ्यो वीरवृद्यशः १३
 अया पवस्व देवयुर्मधोधाराँ असृक्षत । रेभन् पवित्रं पर्येषि विश्वतः १४

(६४) चतुःषष्टितमं सूक्तम्

(१-२६) षड्विंशत्यृचस्यास्य सूक्तस्य बार्हस्पत्यो भरद्वाजः, मारीचः कश्यपः,
 राहूगणो गोतमः, भौमोऽत्रिः, गाथिनो विश्वामित्रः, भार्गवो जमदग्निः,
 मैत्रावरुणिर्वसिष्ठश्च सप्तर्षयः । पवमानः सोमो देवता । (१-२, ४-७, १०-१५,
 १७-२६) प्रथमाद्वितीययोर्ऋचोश्चतुर्थ्यादिचतसृणां दशम्यादिषण्णां
 सप्तदश्यादिदशानाञ्च प्रगाथः ((१, ४, ६, १०, १२, १४, १७, १९, २१, २३, २५)
 प्रथमाचतुर्थीषष्ठीदशमीद्वादशीचतुर्दशीसप्तदश्येकोनविंश्येकविंशीत्रयोविंशीपञ्चविंशी
 नां बृहती, (२, ५, ७, ११, १३, १५, १८, २०, २२, २४, २६)
 द्वितीयापञ्चमीसप्तम्येकादशीत्रयोदशीपञ्चदश्यष्टादशीविंशीद्वाविंशीचतुर्विंशीषड्विंशी
 नां सतोबृहती), (३) तृतीयाया भुरिग्विराड् द्विपदा (८-९) अष्टमीनवम्योर्बृहती,
 (१६) षोडश्याश्च द्विपदा विराट् छन्दांसि

परीतो षिञ्चता सुतं सोमो य उत्तमं हविः ।

दधन्वाँ यो नर्यो अप्स्वश्न्तरा सुषावु सोममद्रिभिः १

नूनं पुनानोऽविभिः परि स्रवाऽदब्धः सुरभितरः ।

सुते चित् त्वाप्सु मदामो अन्धसा श्रीणन्तो गोभिरुत्तरम् २

परि सुवानश्चक्षसे देवमादनः क्रतुरिन्दुर्विचक्षणः ३
पुनानः सौम धारया ऽपो वसानो अर्षसि ।
आ रत्नधा योनिमृतस्य सीद स्युत्सौ देव हिरण्ययः ४
दुहान ऊर्धर्दिव्यं मधु प्रियं प्रत्नं सधस्थमासदत् ।
आपृच्छयं धरुणं वाज्यर्षति नृभिर्धृतो विचक्षणः ५
पुनानः सौम जागृविरव्यो वारे परि प्रियः ।
त्वं विप्रो अभवोऽङ्गिरस्तमो मध्वा यज्ञं मिमिक्ष नः ६
सोमो मीढ्वान् पवते गातुवित्तम् ऋषिर्विप्रो विचक्षणः ।
त्वं कविरभवो देववीतम् आ सूर्यं रोहयो दिवि ७
सोम उ षुवाणः सोतृभिरधि ष्णुभिरवीनाम् ।
अश्वयेव हरिता याति धारया मन्द्रया याति धारया ८
अनूपे गोमान् गोभिरक्षाः सोमो दुग्धाभिरक्षाः ।
समुद्रं न संवरणान्यगमन् मन्दी मदाय तोशते ९
आ सोम सुवानो अद्रिभिस्तिरो वाराण्यव्यया ।
जनो न पुरि चम्वोर्विशद्भरिः सदो वनेषु दधिषे १०
स मांमृजे तिरो अगवानि मेष्यो मीळ्हे सप्तिर्न वाज्युः ।
अनुमाद्यः पर्वमानो मनीषिभिः सोमो विप्रैभिर्ऋक्वभिः ११
प्र सौम देववीतये सिन्धुर्न पिप्ये अर्णसा ।
अंशोः पर्यसा मदिरो न जागृविरच्छा कोशं मधुश्चुतम् १२
आ हर्यतो अर्जुने अत्के अव्यत प्रियः सूनुर्न मर्ज्यः ।
तमीं हिन्वन्त्यपसो यथा रथं नदीष्वा गर्भस्त्योः १३
अभि सोमास आयवः पर्वन्ते मद्यं मदम् ।
समुद्रस्याधि विष्टपि मनीषिणो मत्सरासः स्वर्विदः १४
तरत् समुद्रं पर्वमान ऊर्मिणा राजा देव ऋतं बृहत् ।
अर्षन्मित्रस्य वरुणस्य धर्मणा प्र हिन्वान ऋतं बृहत् १५
नृभिर्येमानो हर्यतो विचक्षणो राजा देवः समुद्रियः १६
इन्द्राय पवते मदः सोमो मरुत्वन्ते सुतः ।
सहस्रधारो अत्यव्यमर्षति तमीं मृजन्त्यायवः १७
पुनानश्चमू जनयन् मतिं कविः सोमो देवेषु रणयति ।
अपो वसानः परि गोभिरुत्तरः सीदन् वनेष्वव्यत १८

तवाहं सोम रारण सख्य इन्दो दिवेदिवे ।
 पुरूणि बभ्रु नि चरन्ति मामव परिधीरति ताँ इहि १६
 उताहं नक्तमुत सोम ते दिवा सख्याय बभ्र ऊर्धनि ।
 घृणा तपन्तमति सूर्य परः शकुना इव पप्तिम २०
 मृज्यमानः सुहस्त्य समुद्रे वाचमिन्वसि ।
 रयिं पिशङ्गं बहुलं पुरुस्पृहं पवमानाभ्यर्षसि २१
 मृजानो वारे पवमानो अव्यये वृषाव चक्रदो वने ।
 देवानां सोम पवमान निष्कृतं गोभिरञ्जानो अर्षसि २२
 पवस्व वाजसातये ऽभि विश्वानि काव्या ।
 त्वं समुद्रं प्रथमो वि धारयो देवेभ्यः सोम मत्सरः २३
 स तू पवस्व परि पार्थिवं रजौ दिव्या च सोम धर्मभिः ।
 त्वां विप्रांसो मतिभिर्विचक्षण शभ्रं हिन्वन्ति धीतिभिः २४
 पवमाना असृक्षत पवित्रमति धारया ।
 मरुत्वन्तो मत्सरा इन्द्रिया हया मेधामभि प्रयांसि च २५
 अपो वसानः परि कोशमर्षतीन्दुर्हियानः सोतृभिः ।
 जनयञ्जयोर्तिर्मन्दना अवीवशद् गाः कृणवानो न निर्णिजम् २६

(६५) पञ्चषष्टितमं सूक्तम्

(१-१६) षोडशर्चस्यास्य सूक्तस्य (१-२) प्रथमाद्वितीययोर्ऋचोः शाक्त्यो
 गौरिवीतिः, (३, १४-१६) तृतीयायाश्चतुर्दश्यादितृचस्य च वासिष्ठः शक्तिः, (४-
 ५) चतुर्थीपञ्चम्योराङ्गिरस ऊरुः, (६-७) षष्ठीसप्तम्योर्भारद्वाज ऋजिश्वा, (८-९)
 अष्टमीनवम्योराङ्गिरस ऊर्ध्वसद्या, (१०-११) दशम्येकादशयोराङ्गिरसः कृतयशाः,
 (१२-१३) द्वादशीत्रयोदशयोश्च राजर्षिऋणञ्चय ऋषयः । पवमानः सोमो देवता ।
 काकुभः प्रगाथः (विषमर्चा ककुप्, समर्चा सतोबृहती), (१३) त्रयोदश्या
 यवमध्या गायत्री छन्दः

पवस्व मधुमत्तम् इन्द्राय सोम क्रतुवित्तमो मदः ।
 महिं द्युक्षतमो मदः १
 यस्य ते पीत्वा वृषभो वृषायते ऽस्य पीता स्वर्विदः ।
 स सुप्रकैतो अभ्यक्रमीदिषो ऽच्छा वाजं नैतशः २
 त्वं ह्यशङ्गं दैव्या पवमानं जनिमानि द्युमत्तमः । अमृतत्वाय घोषयः ३

येना नवंग्वो दध्यङ्ङपोर्णुते येन विप्रांस आपिरे ।
 देवानां सुप्ते अमृतस्य चारुणो येन श्रवास्यानुशः ४
 एष स्य धारया सुतो ऽव्यो वारैभिः पवते मदिन्तमः । क्रीळन्नूर्मिरपामिव ५
 य उस्त्रिया अप्या अन्तरश्मनो निर्गा अकृन्तदोर्जसा ।
 अभि ब्रजं तन्निषे गव्यमश्वयं वर्माव धृष्णावा रुज ६
 आ सोता परि षिञ्चताऽश्वं न स्तोमममुरं रजस्तुरम् । वनक्रक्षमुदप्रुतम् ७
 सहस्रधारं वृषभं पयोवृधं प्रियं देवाय जन्मने ।
 ऋतेन य ऋतजातो विवावृधे राजा देव ऋतं बृहत् ८
 अभि द्युम्नं बृहद्यश इषस्पते दिदीहि देव देवयुः । वि कोशं मध्यमं युव ९
 आ वच्यस्व सुदक्ष चम्बोः सुतो विशां वह्निर्न विश्पतिः ।
 वृष्टिं दिवः पवस्व रीतिमपां जिन्वा गविष्टये धियः १०
 एतमु त्यं मदच्युतं सहस्रधारं वृषभं दिवो दुहुः । विश्वा वसूनि बिभ्रतम् ११
 वृषा वि जज्ञे जनयन्नमर्त्यः प्रतपञ्जयोतिषा तमः ।
 स सुष्टुतः क्विभिर्निर्णिजं दधे त्रिधात्वस्य दंससा १२
 स सुन्वे यो वसूनां यो रायामानेता य इळानाम् । सोमो यः सुक्षितीनाम्
 १३
 यस्य न इन्द्रः पिबाद्यस्य मरुतो यस्य वार्यमणा भगः ।
 आ येन मित्रावरुणा करामह एन्द्रमवसे महे १४
 इन्द्राय सोम पातवे नृभिर्यतः स्वायुधो मदिन्तमः । पवस्व मधुमत्तमः १५
 इन्द्रस्य हार्दिं सोमधानमा विश समुद्रमिव सिन्धवः ।
 जुष्टो मित्राय वरुणाय वायवे दिवो विष्टम्भ उत्तमः १६

(६६) षट्षष्टितमं सूक्तम्

(१-२२) द्वाविंशत्यृचस्यास्य सूक्तस्यैश्वरयो धिष्ण्याग्रय ऋषयः । पवमानः सोमो
देवता । द्विपदा विराट् छन्दः

परि प्र धन्वेन्द्राय सोम स्वादुर्मित्राय पूष्णे भर्गाय १
 इन्द्रस्ते सोम सुतस्य पेयाः क्रत्वे दक्षाय विश्वे च देवाः १ २
 एवामृताय महे क्षयाय स शक्रो अर्ष दिव्यः पीयूषः ३
 पवस्व सोम महान् त्समुद्रः पिता देवानां विश्वाभि धाम २ ४
 शक्रः पवस्व देवेभ्यः सोम दिवे पृथिव्यै शं च प्रजायै ५

दिवो धर्तासिं शक्रः पीयूषः सत्ये विधर्मन् वाजी पवस्व ३ ६
 पवस्व सोम द्युम्नी सुधारो महामवीनामनु पूर्व्यः ७
 नृभिर्येमानो जज्ञानः पूतः क्षरद्विश्वानि मन्द्रः स्वर्वित् ४ ८
 इन्दुः पुनानः प्रजामुराणः करद्विश्वानि द्रविणानि नः ६
 पवस्व सोम क्रत्वे दक्षायाऽश्चो न नित्तो वाजी धनाय ५ १०
 तं तै सोतारो रसं मदाय पुनन्ति सोमं महे द्युम्नाय ११
 शिशुं जज्ञानं हरिं मृजन्ति पवित्रे सोमं देवेभ्य इन्दुम् ६ १२
 इन्दुः पविष्ट चारुर्मदायाऽपामुपस्थे कविर्भगाय १३
 बिभर्ति चार्विन्द्रस्य नाम येन विश्वानि वृत्रा जघान ७ १४
 पिबन्त्यस्य विश्वे देवासो गोभिः श्रीतस्य नृभिः सुतस्य १५
 प्र सुवानो अक्षाः सहस्रधारस्तिरः पवित्रं वि वारमव्यम् ८ १६
 स वाज्यक्षाः सहस्रैरिता अद्भिर्मृजानो गोभिः श्रीणानः १७
 प्र सोम याहीन्द्रस्य कुक्षा नृभिर्येमानो अद्भिः सुतः ६ १८
 असर्जि वाजी तिरः पवित्रमिन्द्राय सोमः सहस्रधारः १६
 अञ्जन्त्येनं मध्वो रसेनेन्द्राय वृष्ण इन्दुं मदाय १० २०
 देवेभ्यस्त्वा वृथा पार्जसे ऽपो वसानं हरिं मृजन्ति २१
 इन्दुरिन्द्राय तोशते नि तोशते श्रीणन्नुग्रो रिणन्नपः ११ २२

(६७) सप्तषष्टितमं सूक्तम्

(१२) द्वादशर्चस्यास्य सूक्तस्य त्रैवृष्णस्त्ररुणः पौरुकुत्स्यस्त्रसदस्युर्ऋषी ।
 पवमानः सोमो देवता । (१-३) प्रथमादितृचस्य पिपीलिकमध्यानुष्टुप्, (४-६)
 चतुर्थ्यादितृचद्वयस्योर्ध्वबृहती, (१०-१२) दशम्यादितृचस्य च विराट् छन्दांसि
 पर्यु षु प्र धन्व वाजसातये परि वृत्राणि सक्षणिः ।
 द्विषस्तरध्या ऋणया न ईयसे १
 अनु हि त्वा सुतं सोमं मदांसि महे समर्यराज्ये ।
 वाजाँ अभि पवमानं प्र गाहसे २
 अजीजनो हि पवमानं सूर्यं विधारे शक्मना पर्यः ।
 गोजीरया रंहमाणः पुरंध्या ३
 अजीजनो अमृतं मर्त्येष्वाँ ऋतस्य धर्मन्नमृतस्य चारुणः ।
 सदासरो वाजमच्छा सनिष्यदत् ४

अ॒भ्य॒भि॒ हि श्र॒व॒सा त॒तर्दि॒थोत्सं॑ न कं चि॒ञ्ज॒न॒पा॒न॒म॒क्षि॒तम् ।
 श॒र्या॒भिर्न॑ भ॒र॒मा॒णो ग॒र्भ॒स्त्योः ५
 आ॒दी॒ के चि॒त् प॒श्य॒मा॒नास॒ आ॒प्यं व॒सु॒रु॒चो दि॒व्या अ॒भ्य॒नू॒षत॑ ।
 वा॒रं न दे॒वः स॒वि॒ता व्यू॒र्णते॑ ६
 त्वे सौ॒म प्र॒थ॒मा वृ॒क्त॒र्ब॒र्हिषो॑ म॒हे वा॒जाय॑ श्र॒व॒से धि॒र्यं दधुः॑ ।
 स त्वं नो॑ वी॒र वी॒र्या॑य चोदय ७
 दि॒वः पी॒यूषं॑ पू॒र्व्यं यदु॒क्थ्यं॑ म॒हो गा॒हा॒द्वि॒व आ॒ निर॑धु॒क्षत॑ ।
 इन्द्र॑म॒भि जा॒र्य॒मा॒नं स॒म॒स्वर॑न् ८
 अ॒ध्र॒ यद्वि॒मे प॑व॒मान॒ रोद॑सी इ॒मा च॒ विश्वा॑ भु॒व॒ना॒भि म॒ज्म॒ना ।
 यू॒थे न निः॑ष्ठा वृ॒ष॒भो वि ति॑ष्ठ॒से ९
 सोमः॑ पु॒ना॒नो अ॒व्य॒ये वा॒रे शि॒श॒र्न क्री॒ळन् प॑व॒मानो॑ अ॒क्षाः ।
 स॒हस्र॑धा॒रः श॒तवा॑ज॒ इन्द्रुः॑ १०
 ए॒ष पु॒ना॒नो म॒धु॒माँ ऋ॒तावेन्द्रा॑येन्द्रुः॑ प॒वते॑ स्वा॒दु॒रु॒र्मिः ।
 वा॒ज॒स॒निर्व॑रि॒वो॒विद्व॑यो॒धाः ११
 स प॑व॒स्व स॒ह॒मानः॑ पृ॒त॒न्यून॑ त्से॒धन् र॒क्षांस्य॑प॒ दु॒र्गहा॑णि ।
 स्वा॒यु॒धः सा॑स॒हान् त्सौ॑म॒ शत्रू॑न् १२

(६८) अष्टषष्टितमं सूक्तम्

(१-३) तृचस्यास्य सूक्तस्य पारुच्छेपिरनानत ऋषिः । पवमानः सोमो देवता ।

अत्यष्टिश्छन्दः

अ॒या रु॒चा हरि॑ण्या पु॒ना॒नो विश्वा॑ द्वेषा॑सि तरति स्व॒यु॒ग्व॒भिः सू॒रो न
 स्व॒यु॒ग्व॒भिः ।
 धा॒रा सु॒तस्य॑ रोचते पु॒ना॒नो अ॒रु॒षो हरिः॑ विश्वा॑ यद्रू॒पा प॑रि॒या॒त्यृ॒क्व॒भिः
 स॒प्तास्यै॑भिर्त्रृ॒क्व॒भिः १
 त्वं त्यत् प॑णी॒नां वि॒दो व॒सु सं मा॒तृभि॑र्म॒र्जय॑सि स्व आ दमं ऋ॒तस्य॑
 धी॒तिभि॑र्दमै ।
 प॒राव॑तो न साम् तद् यत्रा॑ रण॑न्ति धी॒तयः॑ । त्रि॒धातु॑भि॒ररु॑षीभि॒र्वयो॑ दधे
 रोच॑मानो वयो॑ दधे २
 पूर्वा॑मनु॒ प्र॒दिशं॑ याति चे॒कित॑त् सं र॒श्मिभि॑र्य॒तते द॑र्श॒तो रथो॑ । दै॒व्यो द॑र्श॒तो
 रथः॑ ।

अग्मन्नुक्थानि पौंस्येन्द्रं जैत्राय हर्षयन् । वज्रश्च यद्भवथो अनपच्युता
समत्स्वनपच्युता ३

(६६) एकोनसप्ततितमं सूक्तम्

(१-४) चतुर्ऋचस्यास्य सूक्तस्याङ्गिरसः शिशुर्ऋषिः । पवमानः सोमो देवता ।
पङ्क्तिश्छन्दः

नानानं वा उं नो धियो वि वृतानि जनानाम् ।
तक्षा रिष्टं रुतं भिषग् ब्रह्मा सुन्वन्तमिच्छतीन्द्रायेन्द्रो परि स्रव १
जरतीभिरोषधीभिः पर्णेभिः शकुनानाम् ।
कार्मारो अश्मभिर्द्युभिर्हिरण्यवन्तमिच्छतीन्द्रायेन्द्रो परि स्रव २
कारुरहं ततो भिषगुपलप्रक्षिणी नना ।
नानाधियो वसूयवो ऽनु गा इव तस्थिमेन्द्रायेन्द्रो परि स्रव ३
अश्वो वोळ्हा सुखं रथं हसनामुपमन्त्रिणः ।
शेषो रोमणवन्तौ भेदौ वारिन्मण्डूक इच्छतीन्द्रायेन्द्रो परि स्रव ४

(७०) सप्ततितमं सूक्तम्

(१-११) एकादशर्चस्यास्य सूक्तस्य मारीचः कश्यप ऋषिः । पवमानः सोमो
देवता । पङ्क्तिश्छन्दः

शर्यणावति सोममिन्द्रः पिबतु वृत्रहा ।
बलं दधान आत्मनि करिष्यन् वीर्यं महदिन्द्रायेन्द्रो परि स्रव १
आ पवस्व दिशां पत आर्जीकात् सोम मीढ्वः ।
ऋतवाकेन सत्येन श्रद्धया तपसा सुत इन्द्रायेन्द्रो परि स्रव २
पर्जन्यवृद्धं महिषं तं सूर्यस्य दुहिताभरत् ।
तं गन्धर्वाः प्रत्यगृभ्णन् तं सोमे रसमादधुरिन्द्रायेन्द्रो परि स्रव ३
ऋतं वदन्नृतद्युम्न सत्यं वदन् त्सत्यकर्मन् ।
श्रद्धां वदन् त्सोम राजन् धात्रा सोम परिष्कृत इन्द्रायेन्द्रो परि स्रव ४
सत्यमुग्रस्य बृहतः सं स्रवन्ति संस्रवाः ।
सं यन्ति रसिनो रसाः पुनानो ब्रह्मणा हर इन्द्रायेन्द्रो परि स्रव ५
यत्र ब्रह्मा पवमान छन्दस्यांइ वाचं वदन् ।
ग्राव्णा सोमै महीयते सोमै नानन्दं जनयन्निन्द्रायेन्द्रो परि स्रव ६

यत्र ज्योतिरजस्रं यस्मिन् लोके स्वर्हितम् ।
तस्मिन् मां धैहि पवमानाऽमृतै लोके अक्षित इन्द्रायेन्दो परि स्रव ७
यत्र राजा वैवस्वतो यत्रावरोधनं दिवः ।
यत्रामूर्यहतीरापस्तत्र माममृतं कृधीन्द्रायेन्दो परि स्रव ८
यत्रानुकामं चरणं त्रिनाके त्रिदिवे दिवः ।
लोका यत्र ज्योतिष्मन्तस्तत्र माममृतं कृधीन्द्रायेन्दो परि स्रव ९
यत्र कामा निकामाश्च यत्र ब्रधस्यं विष्टपम् ।
स्वधा च यत्र तृप्तिश्च तत्र माममृतं कृधीन्द्रायेन्दो परि स्रव १०
यत्रानन्दाश्च मोदाश्च मुदः प्रमुद आसते ।
कामस्य यत्राप्ताः कामास्तत्र माममृतं कृधीन्द्रायेन्दो परि स्रव ११

(७१) एकसप्ततितमं सूक्तम्

(१-४) चतुर्ऋचस्यास्य सूक्तस्य मारीचः कश्यप ऋषिः । पवमानः सोमो देवता ।

पङ्क्तिशृण्दः

य इन्दोः पवमानस्याऽनु धामान्यक्रमीत् ।
तमाहुः सुप्रजा इति यस्तै सोमाविधन्मन् इन्द्रायेन्दो परि स्रव १
ऋषे मनत्रकृतां स्तोमैः कश्यपोद्वर्धयन् गिरः ।
सोमं नमस्य राजानं यो जज्ञे वीरुधां पतिरिन्द्रायेन्दो परि स्रव २
सप्त दिशो नानासूर्याः सप्त होतार ऋत्विजः ।
देवा आदित्या ये सप्त तेभिः सोमाभि रक्ष न इन्द्रायेन्दो परि स्रव ३
यत् तै राजञ्छृतं हविस्तेन सोमाभि रक्ष नः ।
अरातीवा मा नस्तारीन्मो च नः किं चनाममदिन्द्रायेन्दो परि स्रव ४

(७२) द्विसप्ततितमं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः
अग्रे बृहन्नुषसामूर्ध्वो अस्थान्निर्जगन्वान् तमसो ज्योतिषागात् ।
अग्निर्भानुना रुशता स्वङ्ग आ जातो विश्वा सदान्यप्राः १
स जातो गर्भो असि रोदस्योरग्रे चारुर्विभृत ओषधीषु ।
चित्रः शिशुः परि तमास्यक्तून् प्र मातृभ्यो अधि कर्निक्रदद्गाः २
विष्णुरिथा परममस्य विद्वाञ्जातो बृहन्नभि पाति तृतीयम् ।

आसा यदस्य पयो अक्रतु स्वं सचेतसो अभ्यर्चन्त्यत्र ३
 अत उ त्वा पितुभृतो जनित्रीरन्नावृधं प्रति चरन्त्यत्रैः ।
 ता ईं प्रत्येषि पुनरन्यरूपा असि त्वं विक्षु मानुषीषु होता ४
 होतारं चित्ररथमध्वरस्य यज्ञस्ययज्ञस्य केतुं रुशन्तम् ।
 प्रत्यर्धि देवस्यदेवस्य मृहा श्रिया त्वशग्निमतिथिं जनानाम् ५
 स तु वस्त्रारयध पेशानानि वसानो अग्निर्नाभा पृथिव्याः ।
 अरुषो जातः पद इळायाः पुरोहितो राजन् यक्षीह देवान् ६
 आ हि द्यावापृथिवी अग्न उभे सदा पुत्रो न मातरा ततन्थ ।
 प्र याह्यच्छौशतो यविष्ठाऽथा वह सहस्येह देवान् ७

(७३) त्रिसप्ततितमं सूक्तम्

(१-७) सप्तर्चस्यास्य सूक्तस्याप्तचस्त्रित ऋषिः । अग्निर्देवता । त्रिष्टुप् छन्दः
 पिप्रीहि देवाँ उशतो यविष्ठ विद्वाँ ऋतूँऋतुपते यजेह ।
 ये दैव्या ऋत्विजस्तेभिरग्ने त्वं होतृचफट्टणामस्यायजिष्ठः १
 वेषि होत्रमुत पोत्रं जनानां मन्धातासि द्रविणोदा ऋतावा ।
 स्वाहा वयं कृणवामा हवीषि देवो देवान् यजत्वग्निर्हन् २
 आ देवानामपि पन्थामगन्म यच्छक्नवाम तदनु प्रवौळहुम् ।
 अग्निर्विद्वान् त्स यजात् सेदु होता सो अध्वरान् त्स ऋतून् कल्पयाति ३
 यद्वौ वयं प्रमिनाम ब्रतानि विदुषा देवा अविदुष्टरासः ।
 अग्निष्टद्विष्वमा पृणाति विद्वान् येभिर्देवाँ ऋतुभिः कल्पयाति ४
 यत् पाकत्रा मनसा दीनदक्षा न यज्ञस्य मन्वते मर्त्यासः ।
 अग्निष्टद्धोता क्रतुविद्विजानन् यजिष्ठो देवाँ ऋतुशो यजाति ५
 विश्वेषां ह्यध्वराणामनीकं चित्रं केतुं जनिता त्वा जजान ।
 स आ यजस्व नृवतीरनु क्षाः स्पार्हा इषः क्षुमतीर्विश्वजन्याः ६
 यं त्वा द्यावापृथिवी यं त्वापस्त्वष्टा यं त्वा सुजनिमा जजान ।
 पन्थामनु प्रविद्वान् पितृयाणं द्युमदग्ने समिधानो वि भाहि ७

(७४) चतुःसप्ततितमं सूक्तम्

(१-७) सप्तर्चस्यास्य सूक्तस्याप्तचस्त्रित ऋषिः । अग्निर्देवता । त्रिष्टुप् छन्दः
 इनो राजन्नरतिः समिद्धो रौद्रो दक्षाय सुषुमाँ अदर्शि ।

चिकिद्वि भाति भासा बृहता ऽसिक्नीमेति रुशतीमपाजन् १
 कृष्णां यदेनीमभि वर्षसा भूजनयन् योषां बृहतः पितुर्जाम् ।
 ऊर्ध्वं भानुं सूर्यस्य स्तभायन् दिवो वसुभिररतिर्वि भाति २
 भद्रो भद्रया सचमान् आगात् स्वसारं जारो अभ्येति पश्चात् ।
 सुप्रकेतैर्घुभिरग्निर्वितिष्ठन् रुशद्विर्वर्णैरभि राममस्थात् ३
 अस्य यामासो बृहतो न वृगूनिन्धाना अग्नेः सख्युः शिवस्य ।
 ईड्यस्य वृष्णो बृहतः स्वासो भामासो यामन्नक्तवश्चिकित्रे ४
 स्वना न यस्य भामासः पवन्ते रोचमानस्य बृहतः सुदिवः ।
 ज्येष्ठैभिर्यस्तेजिष्ठैः क्रीळमद्विर्वर्षिष्ठेभिर्भानुभिर्नक्षति घाम् ५
 अस्य शुष्मासो ददृशानपवेर्जेहमानस्य स्वनयन् नियुद्धिः ।
 प्रत्नेभिर्यो रुशद्विर्देवतमो वि रेभद्विररतिर्भाति विभ्वा ६
 स आ वक्षि महि न आ च सत्सि दिवस्पृथिव्योररतिर्युवत्योः ।
 अग्निः सुतुकः सुतुकैभिरश्चै रभस्वद्वी रभस्वाँ एह गम्याः ७

(७५) पञ्चसप्ततितमं सूक्तम्

(१-७) सप्तर्चस्यास्य सूक्तस्याप्तचस्त्रित ऋषिः । अग्निर्देवता । त्रिष्टुप् छन्दः
 प्र ते यक्षि प्र ते इयमि मन्म भुवो यथा वन्द्यो नो हवेषु ।
 धन्वन्निव प्रपा असि त्वमग्न इयक्षवे पूरवे प्रत्न राजन् १
 यं त्वा जनासो अभि संचरन्ति गाव उष्णमिव वृजं यविष्ठ ।
 दूतो देवानामसि मर्त्यानामन्तर्महाँश्चरसि रोचनेन २
 शिशं न त्वा जेन्यं वर्धयन्ती माता बिभर्ति सचनस्यमाना ।
 धनोरधि प्रवता यासि हर्यञ्जिगीषसे पशुरिवावसृष्टः ३
 मूरा अमूर न वयं चिकित्वो महित्वमग्ने त्वमङ्ग वित्से ।
 शयै वृत्रिश्चरति जिहयादन् रैरिह्यते युवतिं विश्पतिः सन् ४
 कूचिञ्जायते सनयासु नव्यो वने तस्थौ पलितो धूमकेतुः ।
 अस्नातापो वृषभो न प्र वैति सचेतसो यं प्रणयन्त मर्ताः ५
 तनूत्यजेव तस्करा वनर्गू रशनाभिर्दशभिरभ्यधीताम् ।
 इयं ते अग्ने नव्यसी मनीषा युद्धवा रथं न शचयद्विरङ्गैः ६
 ब्रह्म च ते जातवेदो नमश्चैयं च गीः सदमिद्वर्धनी भूत् ।
 रक्षा गो अग्ने तनयानि तोका रक्षोत नस्तन्वोऽप्रयुच्छन् ७

(७६) षट्सप्ततितमं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः
 एकः समुद्रो धरुणौ रयीणाम्स्मद्धदो भूरिजन्मा वि चष्टे ।
 सिषक्त्यूधनिर्णयोरुपस्थ उत्सस्य मध्ये निहितं पदं वेः १
 समानं नीळं वृषणो वसानाः सं जग्मिरे महिषा अर्वतीभिः ।
 ऋतस्य पदं क्वयो नि पान्ति गुहा नामानि दधिरे पराणि २
 ऋतायिनी मायिनी सं दधाते मित्वा शिशुं जज्ञतुर्वर्धयन्ती ।
 विश्वस्य नाभिं चरतो ध्रुवस्य क्वेश्चित् तन्तुं मनसा वियन्तः ३
 ऋतस्य हि वर्तनयः सुजातमिषो वाजाय प्रदिवः सचन्ते ।
 अधीवासं रोदसी वावसाने घृतैरन्नैर्वावृधाते मधूनाम् ४
 सप्त स्वसूरुषीर्वावशानो विद्वान् मध्व उज्जभारा दृशे कम् ।
 अन्तर्येमे अन्तरिक्षे पुराजा इच्छन् वृत्रिमविदत् पूषणस्य ५
 सप्त मर्यादाः क्वयस्ततनुस्तासामेकामिदभ्यहुरो गात् ।
 आयोर्हं स्कम्भ उपमस्य नीळे पथां विसर्गे धरुणेषु तस्थौ ६
 असञ्च सञ्च परमे व्योमन् दक्षस्य जन्मन्नदितेरुपस्थे ।
 अग्निर्हं नः प्रथमजा ऋतस्य पूर्व आयुनि वृषभश्च धेनुः ७

षष्ठोऽध्यायः

व० १-२८ ।

(७७) सप्तसप्ततितमं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः
 अयं स यस्य शर्मन्नवौभिरग्नेरेधते जरिताभिष्टौ ।
 ज्येष्ठैभिर्यो भानुभिर्ऋषूणां पर्येति परिवीतो विभावा १
 यो भानुभिर्विभावा विभात्यग्निर्देवेभिर्ऋतावाजस्रः ।
 आ यो विवार्य सख्या सखिभ्यो ऽपरिहृतो अत्यो न सप्तिः २
 ईशे यो विश्वस्या देववीतेरीशे विश्वायुरुषसो व्युष्टौ ।
 आ यस्मिन् मना हवीष्यग्नावरिष्टरथः स्कम्भार्ति शूषैः ३
 शूषेभिर्वृधो जुषाणो अकैर्देवाँ अच्छा रघुपत्वा जिगाति ।
 मुन्द्रो होता स जुहाइ यजिष्ठः संमिश्लो अग्निरा जिघर्ति देवान् ४
 तमुस्त्रामिन्द्रं न रेजमानमग्निं गीर्भिर्नमोभिरा कृणुध्वम् ।

आ यं विप्र्रासो मृतिभिर्गृणन्ति जातवेदसं जुह्वं सहानाम् ५
सं यस्मिन् विश्वा वसूनि जग्मुर्वाजे नाश्वाः सप्तीवन्त एवैः ।
अस्मे ऊतीरिन्द्रवाततमा अर्वाचीना अग्र आ कृणुष्व ६
अघ्रा ह्यग्ने मृहा निषद्या सद्यो जज्ञानो हव्यो बभूथ ।
तं तै देवासो अनु केतमायन्नधावर्धन्त प्रथमास ऊमाः ७

(७८) अष्टसप्ततितमं सूक्तम्

(१-७) सप्तर्चस्यास्य सूक्तस्याप्तचस्त्रित ऋषिः । अग्निर्देवता । त्रिष्टुप् छन्दः
स्वस्ति नो दिवो अग्ने पृथिव्या विश्वायुर्धेहि यजथाय देव ।
सचैमहि तव दस्म प्रकेतैरुरुष्या ण उरुभिर्देव शंसैः १
इमा अग्ने मतयस्तुभ्यं जाता गोभिरश्वैरभि गृणन्ति राधः ।
यदा ते मर्तो अनु भोगमानुड्वसो दधानो मृतिभिः सुजात २
अग्निं मन्ये पितरमग्निमापिमग्निं भ्रातरं सदमित् सखायम् ।
अग्नेरनीकं बृहतः संपर्य दिवि शक्रं यजतं सूर्यस्य ३
सिद्धा अग्ने धियो अस्मे सनुत्रीर्यं त्रायसे दम् आ नित्यहोता ।
ऋतावा स रोहिदश्वः पुरुक्षुर्द्युभिरस्मा अहंभिर्वाममस्तु ४
द्युभिर्हितं मित्रमिव प्रयोगं प्रत्नमृत्विजमध्वरस्यं जारम् ।
बाहुभ्यामग्निमायवोऽजनन्त विक्षु होतारं न्यसादयन्त ५
स्वयं यजस्व दिवि देव देवान् किं ते पाकः कृणवदप्रचेताः ।
यथायज ऋतुभिर्देव देवानेवा यजस्व तन्वं सुजात ६
भवा नो अग्नेऽवितोत गोपा भवा वयस्कृदुत नो वयोधाः ।
रास्वा च नः सुमहो हव्यदातिं त्रास्वोत नस्तन्वोऽप्रयुच्छन् ७

(७९) एकोनाशीतितमं सूक्तम्

(१-९) नवर्चस्यास्य सूक्तस्य त्वाष्ट्रस्त्रिशिरा ऋषिः । (१-९)

प्रथमादितृचद्वयस्याग्निः, (७-९) सप्तम्यादितृचस्य चेन्द्रो देवते । त्रिष्टुप् छन्दः
प्र केतुना बृहता यात्यग्निरा रोदसी वृषभो रौरवीति ।
दिवश्चिदन्ताँ उपमाँ उदानळपामुपस्थै महिषो ववर्ध १
मुमोद् गर्भो वृषभः ककुद्धानस्त्रेमा वत्सः शिमीवाँ अरावीत् ।
स देवतात्युद्यतानि कृणवन् त्वेषु क्षयेषु प्रथमो जिगाति २

आ यो मूर्धानं पित्रोरब्ध न्यध्वरे दधिरे सूरौ अर्णः ।
 अस्य पत्नन्नरुषीरश्वबुधा ऋतस्य योनौ तन्वो जुषन्त ३
 उषउषो हि वसो अग्रमेषि त्वं यमयोरभवो विभावा ।
 ऋताय सप्त दधिषे पदानि जनयन् मित्रं तन्वेइ स्वायै ४
 भुवश्चक्षुर्मह ऋतस्य गोपा भुवो वरुणो यदृताय वेषि ।
 भुवो अपां नपाजातवेदो भुवो दूतो यस्य हव्यं जुजौषः ५
 भुवो यज्ञस्य रजसश्च नेता यत्रा नियुद्धिः सचसे शिवाभिः ।
 दिवि मूर्धानं दधिषे स्वर्षा जिह्वामग्ने चकृषे हव्यवाहम् ६
 अस्य त्रितः क्रतुना ववे अन्तरिच्छन् धीतिं पितुरेवैः परस्य ।
 सचस्यमानः पित्रोरुपस्थे जामि बुवाण आयुधानि वेति ७
 स पित्र्यागयायुधनि विद्वानिन्द्रैषित आप्तयो अभ्ययुध्यत् ।
 त्रिशीर्षाणं सप्तर्शिमं जघन्वान् त्वाष्ट्रस्य चिन्निः संसृजे त्रितो गाः ८
 भूरीदिन्द्र उदिनक्षन्तमोजो ऽवाभिनत् सत्पतिर्मन्यमानम् ।
 त्वाष्ट्रस्य चिद्विश्वरूपस्य गोनामाचक्राणस्त्रीणि शीर्षा परा वर्क ९

(८०) अशीतितमं सूक्तम्

(१-६) नवर्चस्यास्य सूक्तस्याम्बरीषः सिन्धुद्वीपस्त्वाष्ट्रस्त्रिशिरा वा ऋषिः । आपो
 देवताः । (१-४, ६) प्रथमादिचतुर्भृचां षष्ठ्याश्च गायत्री, (५) पञ्चम्या वर्धमाना
 गायत्री, (७) सप्तम्याः प्रतिष्ठा गायत्री, (८-९) अष्टमीनवम्योश्चानुष्टुप् छन्दांसि
 आपो हि ष्ठा मयोभुवस्ता न ऊर्जे दधातन । महे रणाय चक्षसे १
 यो वः शिवतमो रसस्तस्य भाजयतेह नः । उशतीरिव मातरः २
 तस्मा अरं गमाम वो यस्य क्षयाय जिन्वथ । आपो जनयथा च नः ३
 शं नो देवीरभिष्टयु आपो भवन्तु पीतयै । शं योरभि स्रवन्तु नः ४
 ईशाना वार्याणां क्षयन्तीश्चर्षणीनाम् । अपो याचामि भेषजम् ५
 अप्सु मे सोमो अब्रवीदन्तर्विश्वानि भेषजा । अग्निं च विश्वशंभुवम् ६
 आपः पृणीत भेषजं वरूथं तन्वेइ मम । ज्योक् च सूर्यं दृशे ७
 इदमापः प्र वहत् यत् किं च दुरितं मयि ।
 यद्वाहमभिदुद्रोह यद्वा शेष उतानृतम् ८
 आपो अद्यान्वचारिषं रसेन समगस्महि ।
 पर्यस्वानग्ना आ गहि तं मा सं सृज वर्चसा ९

(८१) एकाशीतितमं सूक्तम्

(१-१४) चतुर्दशर्चस्यास्य सूक्तस्य (१, ३, ५-७, ११, १३) प्रथमातृतीययोर्ऋचोः पञ्चम्यादितृचस्यैकादशीत्रयोदशयोश्च वैवस्वती यमी ऋषिका, (२, ४, ८-१०, १२, १४) द्वितीयाचतुर्थ्योरष्टम्यादितृचस्य द्वादशीचतुर्दशयोश्च वैवस्वतो यम ऋषिः ।

(१, ३, ५-७, ११, १३) प्रथमातृतीययोः पञ्चम्यादितृचस्यैकादशीत्रयोदशयोश्च यमः, (२, ४, ८-१०, १२, १४) द्वितीयाचतुर्थ्योरष्टम्यादितृचस्य द्वादशीचतुर्दशयोश्च यमी देवते । (१-१२, १४) प्रथमादिद्वादशर्चां चतुर्दश्याश्च त्रिष्टुप्, (१३) त्रयोदश्याश्च

विराट्स्थाना छन्दसी

ओ चित् सखायं सख्या ववृत्त्यां तिरः पुरु चिदर्णवं जगन्वान् ।

पितुर्नपातुमा दधीत वेधा अधि क्षमि प्रतरं दीध्यानः १

न ते सखा सख्यं वष्टयेतत् सलक्ष्मा यद्विषुरूपा भवाति ।

महस्पुत्रासो असुरस्य वीरा दिवो धर्तारं उर्विया परि ख्यन् २

उशन्ति घा ते अमृतास एतदेकस्य चित् त्यजसं मर्त्यस्य ।

नि ते मनो मनसि धाय्यस्मे जन्युः पतिस्तन्वश्मा विविश्याः ३

न यत् पुरा चकृमा कद्ध नूनमा वदन्तो अनृतं रपेम ।

गन्धर्वो अप्स्वप्यां च योषा सा नो नाभिः परमं जामि तन्नौ ४

गर्भे नु नौ जनिता दंपती कर्देवस्त्वष्टा सविता विश्वरूपः ।

नकिरस्य प्र मिनन्ति वृतानि वेदं नावस्य पृथिवी उत द्यौः ५

को अस्य वेद प्रथमस्याहः क ई ददर्श क इह प्र वौचत् ।

बृहन्मित्रस्य वरुणस्य धाम् कर्दु ब्रव आहनो वीच्या नृन् ६

यमस्य मा यम्यंश् काम आगन् त्समाने योनौ सहशेय्याय ।

जायेव पत्यै तन्वे रिरिच्यां वि चिद्वहेव रथ्यैव चक्रा ७

न तिष्ठन्ति न नि मिषन्त्येते देवानां स्पश इह ये चरन्ति ।

अन्येन मदाहनो याहि तूयं तेन वि वृह रथ्यैव चक्रा ८

रात्रीभिरस्मा अहभिर्दशस्येत् सूर्यस्य चक्षुर्मुहुरुन्मिमीयात् ।

दिवा पृथिव्या मिथुना सबन्धू यमीर्यमस्य बिभृयादजामि ९

आ घा ता गच्छानुत्तरा युगानि यत्र जामयः कृण्वन्नजामि ।

उप बर्बहि वृषभार्य ब्राह्मन्यमिच्छस्व सुभगे पतिं मत् १०

किं भ्रातासद्यदनाथं भवाति किमु स्वसा यन्निर्ऋतिर्निगच्छात् ।

काममूता ब्रहेऽतद्रपामि तन्वा मे तन्वंश् सं पिपृग्धि ११

न वा उं ते तन्वां तन्वंश् सं पंपृच्यां पापमाहुर्यः स्वसारं निगच्छात् ।
 अन्येन मत् प्रमुदः कल्पयस्व न ते भ्राता सुभगे वष्टयेतत् १२
 ब्रतो ब्रतासि यम् नैव ते मनो हृदयं चाविदाम ।
 अन्या किल त्वां कृद्यैव युक्तं परि ष्वजाते लिबुजेव वृक्षम् १३
 अन्यमू षु त्वं यम्यन्य उ त्वां परि ष्वजाते लिबुजेव वृक्षम् ।
 तस्य वा त्वं मन इच्छा स वा तवाऽधा कृणुष्व संविदं सुभद्राम् १४

(८२) द्वयशीतितमं सूक्तम्

(१-६) नवर्चस्यास्य सूक्तस्याङ्गिर्हविर्धान ऋषिः । अग्निर्देवता । (१-६)

प्रथमादितृचद्वयस्य जगती, (७-६) सप्तम्यादितृचस्य च त्रिष्टुप् छन्दसी
 वृषा वृष्णो दुदुहे दोहसा दिवः पर्यासि युहो अदितेरदाभ्यः ।
 विश्वं स वैद वरुणो यथा धिया स यज्ञियो यजतु यज्ञियाँ ऋतून् १
 रपद्गन्धर्वीरप्या च योषणा नदस्य नादे परि पातु मे मनः ।
 इष्टस्य मध्ये अदितिर्नि धातु नो भ्राता नो ज्येष्ठः प्रथमो वि वौचति २
 सो चिन्नु भद्रा क्षुमती यशस्वत्युषा उवास मनवे स्वर्वती ।
 यदीमुशन्तामुशतामनु क्रतुमग्निं होतारं विदथाय जीर्जनन् ३
 अध त्यं द्रुप्सं विभ्वं विचक्षणं विराभरदिषितः श्येनो अध्वरे ।
 यदी विशो वृणते दुस्ममार्या अग्निं होतारमध धीरजायत ४
 सदासि रणवो यवसेव पुष्यते होत्राभिरग्ने मनुषः स्वध्वरः ।
 विप्रस्य वा यच्छशमान उक्थ्यंश् वाजं सस्वाँ उपयासि भूरिभिः ५
 उदीरय पितरां जार आ भगमिर्यक्षति हर्यतो हत्त इष्यति ।
 विवक्ति वह्निः स्वपुस्यते मुखस्तविष्यते असुरो वेपते मृती ६
 यस्तै अग्ने सुमतिं मर्तो अक्षत् सहसः सूनो अति स प्र शृणवे ।
 इषं दधानो वहमानो अश्वैरा स द्युमाँ अमवान् भूषति द्यून् ७
 यदग्र एषा समितिर्भवाति देवी देवेषु यजता यजत्र ।
 रत्ना च यद्विभजासि स्वधावो भागं नो अत्र वसुमन्तं वीतात् ८
 श्रुधी नो अग्ने सदाने सधस्थै युद्धवा रथममृतस्य द्रवितुम् ।
 आ नो वह रोदसी देवपुत्रे माकिर्देवानामप भूरिह स्याः ९

(८३) त्र्यशीतितमं सूक्तम्

(१-६) नवर्चस्यास्य सूक्तस्याङ्गिर्हविर्धानं ऋषिः । अग्निर्देवता । त्रिष्टुप् छन्दः
 द्यावा हृ क्षामा प्रथमे ऋतेनाऽभिश्चावे भवतः सत्यवाचा ।
 देवो यन्मर्तान् यजथाय कृणवन् त्सीदद्धोता प्रत्यङ् स्वमसुं यन् १
 देवो देवान् परिभूर्ऋतेन वहां नो हव्यं प्रथमश्चिकित्वान् ।
 धूमकैतुः समिधा भाऋजीको मन्द्रो होता नित्यो वाचा यजीयान् २
 स्वावृग्देवस्यामृतं यदी गोरतो जातासौ धारयन्त उर्वी ।
 विश्वे देवा अनु तत् ते यजुर्गुर्दुहे यदेनी दिव्यं घृतं वाः ३
 अर्चामि वां वर्धायापो घृतसू द्यावाभूमी शृणुतं रौदसी मे ।
 अहा यद् द्यावोऽसुनीतिमयन् मध्वा नो अत्र पितरा शिशीताम् ४
 किं स्वन्नो राजा जगृहे कदस्याऽति वृतं चकृमा को वि वैद ।
 मित्रश्चिद्धि ष्मा जुहुराणो देवाञ्छलोको न यातामपि वाजो अस्ति ५
 दुर्मन्त्वत्रामृतस्य नाम सलक्ष्मा यद्विषुरुपा भवति ।
 यमस्य यो मनवते सुमन्त्वग्ने तमृष्व पाह्यप्रयुच्छन् ६
 यस्मिन् देवा विदर्थे मादयन्ते विवस्वतः सदेने धारयन्ते ।
 सूर्ये ज्योतिरदधुर्मास्यश्क्तून् परि द्योतनिं चरतो अजस्रा ७
 यस्मिन् देवा मन्मनि संचरन्त्यपीच्येः न वयमस्य विद्य ।
 मित्रो नो अत्रादितिरनागान् त्सविता देवो वरुणाय वोचत् ८
 श्रुधी नो अग्ने सदेने सधस्थे युद्धवा रथममृतस्य द्रवितुम् ।
 आ नो वह रोदसी देवपुत्रे मार्किर्देवानामप भूरिह स्याः ९

(८४) चतुरशीतितमं सूक्तम्

(१-५) पञ्चर्चस्यास्य सूक्तस्यादित्यो विवस्वानाङ्गिर्हविर्धानो वा ऋषिः । हविर्धाने
 शकटे देवते । (१-४) प्रथमादिचतुर्ऋचां त्रिष्टुप्, (५) पञ्चम्याश्च जगती छन्दसी
 युजे वां ब्रह्मं पूर्व्यं नमोभिर्वि श्लोकं एतु पृथ्यैव सूरैः ।
 शृणवन्तु विश्वे अमृतस्य पुत्रा आ ये धामानि दिव्यानि तस्थुः १
 यमे इव यतमाने यदैतं प्र वां भरन् मानुषा देवयन्तः ।
 आ सीदतं स्वमु लोकं विदाने स्वासस्थे भवतमिन्दवे नः २
 पञ्च पदानि रूपो अन्वरोहं चतुष्पदीमन्वैमि वृतेन ।
 अक्षरैण प्रति मिम एतामृतस्य नाभावधि सं पुनामि ३

देवेभ्यः कर्मवृणीत मृत्युं प्रजायै कर्मृतं नावृणीत ।
 बृहस्पतिं यज्ञमकृणवत् ऋषिं इंद्रयां यमस्तन्वंशं प्रारिरेचीत् ४
 सप्त क्षरन्ति शिशवे मरुत्वते पित्रे पुत्रासो अप्येवीवतन्नृतम् ।
 उभे इदस्योभयस्य राजत उभे यतेते उभयस्य पुष्यतः ५

(८५) पञ्चाशीतितमं सूक्तम्

(१-१६) षोडशर्चस्यास्य सूक्तस्य वैवस्वतो यम ऋषिः । (१-५, १३-१६)
 प्रथमादिपञ्चर्चा त्रयोदश्यादिचतसृणाञ्च यमः, (६) षष्ठ्या अङ्गिरःपित्रथर्वभृगवः,
 (७-९) सप्तम्यादितृचस्य लिङ्गोक्ताः पितरो वा, (१०-१२) दशम्यादितृचस्य च
 सारमेयौ श्वानौ देवताः । (१-१२) प्रथमादिद्वादशर्चा त्रिष्टुप्, (१३-१४, १६)
 त्रयोदशीचतुर्दशीषोडशीनामनुष्टुप्, (१५) पञ्चदश्याश्च बृहती छन्दांसि
 परेयिवांसं प्रवतौ महीरनु बृहभ्यः पन्थामनुपस्पशानम् ।
 वैवस्वतं संगमनं जनानां यमं राजानं हविषां दुवस्य १
 यमो नो गातुं प्रथमो विवेद नैषा गव्यूतिरपभर्तवा उ ।
 यत्रा नः पूर्वे पितरः परेयुरेना जज्ञानाः पथ्याः अनु स्वाः २
 मातली क्वैर्यमो अङ्गिरोभिर्बृहस्पतिर्भृक्वभिर्वावृधानः ।
 याँश्च देवा वावृधुर्ये च देवान् त्स्वाहान्ये स्वधयान्ये मदन्ति ३
 इमं यम प्रस्तरमा हि सीदाऽङ्गिरोभिः पितृभिः संविदानः ।
 आ त्वा मन्त्राः कविशस्ता वहन्त्वेना राजन् हविषां मादयस्व ४
 अङ्गिरोभिरा गहि यज्ञियैभिर्यमं वैरूपैरिह मादयस्व ।
 विवस्वन्तं हुवे यः पिता ते ऽस्मिन् यज्ञे बर्हिष्या निषद्य ५
 अङ्गिरसो नः पितरो नवगवा अर्थवाणो भृगवः सोम्यासः ।
 तेषां वयं सुमतौ यज्ञियानामपि भद्रे सौमनसे स्याम ६
 प्रेहि प्रेहि पृथिभिः पूर्वेभिर्यत्रा नः पूर्वे पितरः परेयुः ।
 उभा राजाना स्वधया मदन्ता यमं पश्यासि वरुणं च देवम् ७
 सं गच्छस्व पितृभिः सं यमेनेष्टापूर्येन परमे व्योमन् ।
 हित्वायावद्यं पुनरस्तमेहि सं गच्छस्व तन्वा सुवर्चाः ८
 अपैत वीत् वि च सर्पतातो ऽस्मा एतं पितरो लोकमक्रन् ।
 अहोभिरद्भिरक्तुभिव्यक्तं यमो ददात्यवसानमस्मै ९
 अति द्रव सारमेयौ श्वानौ चतुरक्षौ शबलौ साधुनां पृथा ।

अथा॑ पि॒तृन् त्सु॑वि॒दत्राँ॑ उपै॒हि य॒मेन॒ ये सं॒ध॒मादं॑ म॒दन्ति १०
यौ ते॒ श्वानौ॑ यम॒ रक्षितारौ॑ चतुर॒क्षौ प॑थि॒रक्षी॑ नृ॒चक्ष॑सौ ।
ताभ्या॑मे॒नं परि॑ दे॒हि राज॑न् त्स्व॒स्ति चा॑स्मा अ॒नमी॑वं च॒ धेहि ११
उ॒रू॒णसा॑व॒सुतृ॑पा उ॒दुम्ब॑लौ य॒मस्य॑ दू॒तौ च॑र॒तो ज॒नाँ अनु॑ ।
ताव॑स्मभ्यं॒ दृश॑ये सू॒र्याय॑ पु॒नर्दा॑ता॒मसु॑म॒द्येह भ॒द्रम् १२
य॒माय॑ सो॒र्म सु॑नुत॒ य॒माय॑ जु॒हुता॑ ह॒विः ।
य॒मं ह॑ य॒ज्ञो ग॑च्छत्य॒ग्निदू॑तो अ॒रंकृ॑तः १३
य॒माय॑ घृ॒तव॑द्ध॒विर्जु॑होत॒ प्र च॑ तिष्ठत ।
स नो॑ दे॒वेष्वा॑ य॒मद् दी॑र्घ॒मायुः॑ प्र जी॒वसे॑ १४
य॒माय॑ मधु॒मत्त॑मं रा॒ज्ञै ह॒व्यं जु॑होतन ।
इ॒दं न॑म॒ ऋषि॑भ्यः पू॒र्वजे॑भ्यः पू॒र्वेभ्यः॑ पथि॒कृद्भ्यः॑ १५
त्रि॒क॒द्रु॒केभिः॑ प॒तति॑ ष॒ळवी॑रि॒कमि॒द्वह॑त् ।
त्रि॒ष्टु॒र्गा॒यत्री॑ छ॒न्दा॑सि॒ सर्वा॑ ता॒ य॒म आ॑हि॒ता १६

(८६) षडशीतितमं सूक्तम्

(१-१४) चतुर्दशर्चस्यास्य सूक्तस्य यामायनः शङ्ख ऋषिः । पितरो देवताः । (१-१०, १२-१४) प्रथमादिदशर्चा द्वादश्यादितृचस्य च त्रिष्टुप्, (११) एकादश्याश्च जगती छन्दसी

उ॒दी॒र॒ता॒मव॑र॒ उ॒त् परा॑स॒ उ॒न्म॑ध्य॒माः पि॒तरः॑ सो॒म्यासः॑ ।
अ॒सुं य॑ ई॒युर॑वृ॒का ऋ॑त॒ज्ञास्ते॑ नोऽव॒न्तु पि॒तरो॑ ह॒वेषु॑ १
इ॒दं पि॒तृभ्यो॑ नमो॒ अ॒स्त्व॒द्य ये॑ पू॒र्वासो॑ य॒ उप॑रास ई॒युः ।
ये॒ पा॒थि॒वे र॒ज॒स्या॑ नि॒षत्ता॑ ये वा॒ नूनं॑ सु॒वृ॒जना॑सु॒ वि॒क्षु २
आ॒हं पि॒तृन् त्सु॑वि॒दत्राँ॑ अ॒वित्सि॑ न॒पातं॑ च॒ वि॒क्रम॑णं च॒ वि॒ष्णोः॑ ।
ब॒र्हि॒षदो॑ ये स्व॒धया॑ सु॒तस्य॑ भ॒र्जन्त॑ पि॒त्वस्त॑ इ॒हाग॑मि॒ष्ठाः ३
ब॒र्हि॒षदः॑ पि॒तर॑ ऊ॒त्यर्वा॑गि॒मा वो॑ ह॒व्या च॑कृ॒मा जु॑षध्व॒म् ।
त आ॑ ग॒ताव॑सा॒ श॒न्तमे॑नाऽथा॒ नः॑ शं॒ योर॑र॒पो द॑धात ४
उ॒प॒हृ॒ताः पि॒तरः॑ सो॒म्यासौ॑ ब॒र्हि॒ष्येषु॑ नि॒धिषु॑ प्रि॒येषु॑ ।
त आ॑ ग॒मन्तु॑ त इ॒ह श्रु॑व॒न्त्वधि॑ ब्रु॒वन्तु॑ तेऽव॒न्त्व॒स्मान् ५
आ॒च्या॒ जानु॑ दक्षि॒णतो॑ नि॒षद्ये॑मं य॒ज्ञम॑भि गृ॒णीत॑ विश्वे॒ ।
मा हि॑सिष्ट॒ पि॒तरः॑ के॒न चि॒न्नो॑ यद्ब्रु॒ आगः॑ पु॒रुष॑ता॒ करा॑म ६

आसीनासो अरुणीनामुपस्थै रयिं धत्त दाशुषे मत्याय ।
 पुत्रेभ्यः पितरस्तस्य वस्वः प्र यच्छत् त इहोर्जं दधात् ७
 ये नः पूर्वे पितरः सोम्यासो ऽनूहिरे सौमपीथं वसिष्ठाः ।
 तेभिर्यमः संरराणो हवींष्युशन्नुशब्दिः प्रतिकाममत्तु ८
 ये तातृषुर्देवत्रा जेहमाना होत्राविदः स्तोमं तष्टासो अकैः ।
 आग्ने याहि सुविदत्रैभिरर्वाङ् सत्यैः कव्यैः पितृभिर्घर्मसब्दिः ९
 ये सत्यासौ हविरदौ हविष्पा इन्द्रैण देवैः सरथं दधानाः ।
 आग्ने याहि सहस्रं देववन्दैः परैः पूर्वैः पितृभिर्घर्मसब्दिः १०
 अग्निष्वात्ताः पितर एह गच्छत् सदःसदः सदत सुप्रणीतयः ।
 अत्ता हवींषि प्रयतानि बर्हिष्यथा रयिं सर्ववीरं दधातन ११
 त्वमग्न ईळितो जातवेदो ऽवाङ्हुव्यानि सुरभीणि कृत्वी ।
 प्रादाः पितृभ्यः स्वधया ते अन्नन्नद्धि त्वं देव प्रयता हवींषि १२
 ये चेह पितरो ये च नेह याँश्च विद्य याँ उँ च न प्रविद्य ।
 त्वं वैथ्य यति ते जातवेदः स्वधाभिर्यज्ञं सुकृतं जुषस्व १३
 ये अग्निदग्धा ये अनग्निदग्धा मध्ये दिवः स्वधया मादयन्ते ।
 तेभिः स्वराळसुनीतिमेतां यथावृशं तन्वं कल्पयस्व १४

(८७) समाशीतितमं सूक्तम्

(१-१४) चतुर्दशर्चस्यास्य सूक्तस्य यामायनो दमन ऋषिः । अग्निर्देवता । (१-
 १०) प्रथमादिदशर्चा त्रिष्टुप्, (११-१४) एकादश्यादिचतसृणाञ्चानुष्टुप् छन्दसी
 मैत्रमग्ने वि देहो माभि शौचो मास्य त्वर्चं चिच्छिपो मा शरीरम् ।
 यदा शृतं कृण्वो जातवेदो ऽथैमेनं प्र हिणुतात् पितृभ्यः १
 शृतं यदा करसि जातवेदो ऽथैमेनं परि दत्तात् पितृभ्यः ।
 यदा गच्छात्यसुनीतिमेतामथा देवानां वशनीर्भवाति २
 सूर्यं चक्षुर्गच्छतु वार्तमात्मा द्यां च गच्छ पृथिवीं च धर्मणा ।
 अपो वा गच्छ यदि तत्र ते हितमोषधीषु प्रति तिष्ठा शरीरैः ३
 अजो भागस्तपसा तं तपस्व तं तै शोचिस्तपतु तं तै अर्चिः ।
 यास्तै शिवास्तन्वो जातवेदस्ताभिर्वहेनं सुकृतामु लोकम् ४
 अवं सृज पुनरग्ने पितृभ्यो यस्त आहुतश्चरति स्वधाभिः ।
 आयुर्वसान् उप वेतु शेषः सं गच्छतां तन्वां जातवेदः ५

यत् ते कृष्णः शकुन आतुतोदं पिपीलः सर्प उत वा श्वापदः ।
 अग्निष्टद्विश्वादगदं कृणोतु सोमश्च यो ब्राह्मणाँ आविवेशं ६
 अग्नेर्वमं परि गोभिर्व्ययस्व सं प्रोर्णुष्व पीवसा मेदसा च ।
 नेत् त्वा धृष्णुर्हरसा जर्हषाणो दधृग्विधद्यन् पर्यङ्ख्याते ७
 इममग्ने चमसं मा वि जिह्वरः प्रियो देवानामुत सोम्यानाम् ।
 एष यश्चमसो देवपानस्तस्मिन् देवा अमृता मादयन्ते ८
 क्रव्यादमग्निं प्र हिणोमि दूरं यमराज्ञो गच्छतु रिप्रवाहः ।
 इहैवायमितरो जातवेदा देवेभ्यो हव्यं वहतु प्रजानन् ९
 यो अग्निः क्रव्यात् प्रविवेशं वो गृहमिमं पश्यन्नितरं जातवेदसम् ।
 तं हरामि पितृयज्ञाय देवं स घर्ममिन्वात् परमे सधस्थे १०
 यो अग्निः क्रव्यवाहनः पितृन् यक्षदृतावृधः ।
 प्रेदु हव्यानि वोचति देवेभ्यश्च पितृभ्य आ ११
 उशन्तस्त्वा नि धीमह्युशन्तः समिधीमहि ।
 उशन्नुशत आ वह पितृन् हविषे अत्तवे १२
 यं त्वमग्ने समदहस्तमु निर्वापया पुनः ।
 क्रियाम्बवत्र रोहतु पाकदूर्वा व्यल्कशा १३
 शीतिके शीतिकावति ह्लादिके ह्लादिकावति ।
 मण्डूक्याइ सु सं गम इमं स्वश्निं हर्षय १४

(८८) अष्टाशीतितमं सूक्तम्

(१-१४) चतुर्दशर्चस्यास्य सूक्तस्य यामायनो देवश्रवा ऋषिः । (१-२)
 प्रथमाद्वितीययोर्ऋचोः सरण्यूः, (३-६) तृतीयादिचतसृणां पूषा, (७-९)
 सप्तम्यादितृचस्य सरस्वती, (१०, १४) दशमीचतुर्दशयोरापः, (११-१३)
 एकादश्यादितृचस्य च आपः सोमो वा देवताः । (१-१२) प्रथमादिद्वादशर्चा
 त्रिष्टुप्, (१३) त्रयोदश्या अनुष्टुप्पुरस्ताद्बृहती वा, (१४) चतुर्दश्याश्चानुष्टुप् छन्दांसि
 त्वष्टां दुहित्रे वहतुं कृणोतीतीदं विश्वं भुवनं समैति ।
 यमस्य माता पर्युह्यमाना महो जाया विवस्वतो ननाश १
 अपागूहन्नमृतां मर्त्येभ्यः कृत्वी सर्वर्णामददुर्विवस्वते ।
 उताश्विनावभरद्यत् तदासीदजहादु द्वा मिथुना सरण्यूः २
 पूषा त्वेतश्चर्चावयतु प्र विद्वाननष्टपशुर्भुवनस्य गोपाः ।

स त्वैतेभ्यः परि ददत् पितृभ्यो ऽग्निर्देवेभ्यः सुविदत्रियेभ्यः ३
 आयुर्विश्वायुः परि पासति त्वा पूषा त्वा पातु प्रपथे पुरस्तात् ।
 यत्रासते सुकृतो यत्र ते ययुस्तत्र त्वा देवः सविता र्दधातु ४
 पूषेमा आशा अनु वेद सर्वाः सो अस्माँ अभयतमेन नेषत् ।
 स्वस्तिदा आर्घुणिः सर्ववीरो ऽप्रयुच्छन् पुर एतु प्रजानन् ५
 प्रपथे पथामजनिष्ट पूषा प्रपथे दिवः प्रपथे पृथिव्याः ।
 उभे अभि प्रियतमे सधस्थे आ च परा च चरति प्रजानन् ६
 सरस्वतीं देवयन्तो हवन्ते सरस्वतीमध्वरे तायमाने ।
 सरस्वतीं सुकृतो अह्वयन्त सरस्वती दाशुषे वार्यं दात् ७
 सरस्वति या सरथं ययार्थं स्वधाभिर्देवि पितृभिर्मदन्ती ।
 आसद्यास्मिन् बर्हिषि मादयस्वाऽनमीवा इष आ धेह्यस्मे ८
 सरस्वतीं यां पितरो हवन्ते दक्षिणा यज्ञमभिनक्षमाणाः ।
 सहस्रार्घमिळो अत्र भागं रायस्पोषं यजमानेषु धेहि ९
 आपौ अस्मान् मातरः शुन्धयन्तु घृतेन नो घृतर्ष्वः पुनन्तु ।
 विश्वं हि रिप्रं प्रवहन्ति देवीरुदिदाभ्यः शुचिरा पूत एमि १०
 द्रप्सश्चस्कन्द प्रथमाँ अनु द्यूनिमं च योनिमनु यश्च पूर्वः ।
 समानं योनिमनु संचरन्तं द्रप्सं जुहोम्यनु सप्त होत्राः ११
 यस्तै द्रप्सः स्कन्दति यस्तै अंशुर्बाहुच्युतो धिषणाया उपस्थात् ।
 अध्वर्योर्वा परि वा यः पवित्रात् तं तै जुहोमि मनसा वर्षटकृतम् १२
 यस्तै द्रप्सः स्कन्नो यस्तै अंशुरवश्च यः परः स्तुचा ।
 अयं देवो बृहस्पतिः सं तं सिञ्चतु राधसे १३
 पर्यस्वतीरोषधयः पर्यस्वन्मामकं वचः ।
 अपां पर्यस्वदित् पयस्तेन मा सह शुन्धत १४

(८६) एकोननवतितमं सूक्तम्

(१-१४) चतुर्दशर्चास्यास्य सूक्तस्य यामायनः संकुसुक ऋषिः । (१-४)
 प्रथमादिचतुर्त्रिंशत् मृत्युः, (५) पञ्चम्या धाता, (६) षष्ठ्यास्त्वष्टा, (७-१३)
 सप्तम्यादिसप्तानां पितृमेधः, (१४) चतुर्दश्याश्च पितृमेधः प्रजापतिर्वा देवताः ।

(१-१०, १२) प्रथमादिदशर्चा द्वादश्याश्च त्रिष्टुप्, । (११) एकादश्याः
 प्रस्तारपङ्क्तिः, (१३) त्रयोदश्या जगती, (१४) चतुर्दश्याश्चानुष्टुप् छन्दांसि

परं मृत्यो अनु परेहि पन्थां यस्ते स्व इतरो देवयानात् ।
 चक्षुष्मते शृगवते ते ब्रवीमि मा नः प्रजां रीरिषो मोत वीरान् १
 मृत्योः पदं योपयन्तो यदैतु द्राघीय आयुः प्रतरं दधानाः ।
 आप्यायमानाः प्रजया धनेन शद्धाः पूता भवत यज्ञियासः २
 इमे जीवा वि मृतैराववृत्रन्नभूद्द्रा देवहृतिर्नो अद्य ।
 प्राञ्चो अगाम नृतये हसाय द्राघीय आयुः प्रतरं दधानाः ३
 इमं जीवेभ्यः परिधिं दधामि मैषां नु गादपरो अर्थमेतम् ।
 शतं जीवन्तु शरदः पुरूचीरन्तमृत्युं दधतां पर्वतेन ४
 यथाहान्यनुपूर्वं भवन्ति यथं ऋतव ऋतुभिर्यन्ति साधु ।
 यथा न पूर्वमपरो जहात्येवा धातरायूषि कल्पयैषाम् ५
 आ रोहतायुर्जरसं वृणाना अनुपूर्वं यतमाना यति ष्ठ ।
 इह त्वष्टा सुजनिमा सजोषा दीर्घमायुः करति जीवसे वः ६
 इमा नारीरविधवाः सुपत्नीराञ्जनेन सर्पिषा सं विशन्तु ।
 अनुश्रवोऽनमीवाः सुरत्वा आ रोहन्तु जनयो योनिमग्रे ७
 उदीर्ष्व नार्यभि जीवलोकं गतासुमेतमुप शेष एहि ।
 हस्तग्राभस्य दिधिषोस्तवेदं पत्युर्जनित्वमभि सं बभूथ ८
 धनुर्हस्तादाददानो मृतस्याऽस्मे क्षत्राय वचसे बलाय ।
 अत्रैव त्वमिह वयं सुवीरा विश्वाः स्पृधो अभिमातीर्जयेम ९
 उप सर्प मातरं भूमिमेतामुरुव्यचसं पृथिवीं सुशेवाम् ।
 ऊर्णमदा युवतिर्दक्षिणावत एषा त्वा पातु निऋतेरुपस्थात् १०
 उच्छ्वञ्चस्व पृथिवि मा नि बाधथाः सूपायनास्मै भव सूपवञ्चना ।
 माता पुत्रं यथा सिचा ऽभ्येनं भूम ऊर्णुहि ११
 उच्छ्वञ्चमाना पृथिवी सु तिष्ठतु सहस्रं मितु उप हि श्रयन्ताम् ।
 ते गृहासौ घृतश्चुतौ भवन्तु विश्वाहास्मै शरणाः सन्त्वत्र १२
 उत् ते स्तभामि पृथिवीं त्वत् परीमं लोगं निदधन्मो अहं रिषम् ।
 एतां स्थूणां इंपतरौ धारयन्तु तेऽत्रा यमः सादना ते मिनोतु १३
 प्रतीचीने मामहनीष्वाः पर्णमिवा दधुः ।
 प्रतीचीं जग्रभा वाचमर्श्व रशनया यथा १४

सप्तमोऽध्यायः

। व० १-३० ।

(६०) नवतितमं सूक्तम्

(१-८) अष्टर्चस्यास्य सूक्तस्य यामायनो मथितो वारुणिर्भृगुर्वा भार्गवश्चयवनो वा ऋषिः । (१, २-८) प्रथमर्चः पूर्वार्धस्य द्वितीयादिसप्तानाञ्चापो गावो वा, (१) प्रथमाया उत्तरार्धस्य चाग्नीषोमौ देवताः । (१-५, ७-८) प्रथमादिपञ्चर्चा

सप्तम्यष्टम्योश्चानुष्टुप्, (६) षष्ठ्याश्च गायत्री छन्दसी

नि वर्तध्वं मानुं गाताऽस्मान् त्सिषक्त रेवतीः ।

अग्नीषोमा पुनर्वसू अस्मे धारयतं रयिम् १

पुनरेना नि वर्तय पुनरेना न्या कुरु ।

इन्द्र एणा नि यच्छत्वग्निरेना उपार्जतु २

पुनरेता नि वर्तन्तामस्मिन् पुष्यन्तु गोपतौ ।

इहैवाग्ने नि धारयेह तिष्ठतु या रयिः ३

यन्नियानं न्ययनं संज्ञानं यत् परायणम् ।

आवर्तनं निवर्तनं यो गोपा अपि तं हवे ४

य उदानङ् व्ययनं य उदानट् परायणम् ।

आवर्तनं निवर्तनमपि गोपा नि वर्तताम् ५

आ निवर्त नि वर्तय पुनर्न इन्द्र गा देहि । जीवाभिर्भुनजामहै ६

परि वो विश्वतौ दध ऊर्जा घृतेन पर्यसा ।

ये देवाः के च यज्ञियास्ते रय्या सं सृजन्तु नः ७

आ निवर्तन वर्तय नि निवर्तन वर्तय ।

भूम्याश्चर्तस्रः प्रदिशस्ताभ्य एना नि वर्तय ८

(६१) एकनवतितमं सूक्तम्

(१-२०) दशर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः

। अग्निर्देवता । (१) प्रथमर्च एकपदा विराट्, (२) द्वितीयाया अनुष्टुप्, (३-

८) तृतीयादितृचद्वयस्य गायत्री, (६) नवम्या विराट्,

(१०) दशम्याश्च त्रिष्टुप् छन्दः

भद्रं नो अपि वातय मनः १

अग्निमीळे भुजां यविष्ठं शासा मित्रं दुर्धरीतुम् २

यस्य धर्मन् त्वश्रेनीः सपर्यन्ति मातुरूधः २
 यमासा कृपनीळं भासाकेतुं वर्धयन्ति । भ्राजते श्रेणिदन् ३
 अर्यो विशां गातुरैति प्र यदानं दिवो अन्तान् । क्विरभ्रं दीद्यानः ४
 जुषद्धव्या मानुषस्योर्ध्वस्तस्थावृभ्वा युजे । मिन्वन् त्सद्यं पुर एति ५
 स हि क्षेमो हविर्यज्ञः श्रुष्टीदस्य गातुरैति । अग्निं देवा वाशीमन्तम् ६
 यज्ञासाहं दुर्व इषे ऽग्निं पूर्वस्य शेवस्य । अद्रैः सूनुमायुमाहुः ७
 नरो ये के चास्मदा विश्वेत् ते वाम आ स्युः ।
 अग्निं हविषा वर्धन्तः कृष्णः श्वेतोऽरुषो यामौ अस्य ब्रध्न ऋज उत शोणो
 यशस्वान् ।
 हिरण्यरूपं जनिता जजान ९
 एवा तै अग्ने विमदो मनीषामूर्जो नपादमृतेभिः सजोषाः ।
 गिर आ वक्षत् सुमतीरियान इषमूर्जं सुन्निति विश्वमाभाः १०

(९२) द्विनवतितमं सूक्तम्

(१-८) अष्टर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः
। अग्निर्देवता । आस्तारपङ्क्तिश्छन्दः

अग्निं न स्ववृक्तिभिर्होतारं त्वा वृणीमहे ।
 यज्ञाय स्तीर्णबर्हिषे वि वो मदे शीरं पावकशौचिषं विवक्षसे १
 त्वामु ते स्वाभुवः शम्भन्त्यश्वराधसः ।
 वेति त्वामुपसेचनी वि वो मद् ऋजीतिरग्ना आहुतिर्विवक्षसे २
 त्वे धर्माण आसते जुहूभिः सिञ्चतीरिव ।
 कृष्णा रूपाण्यजुना वि वो मदे विश्वा अधि श्रियो धिषे विवक्षसे ३
 यमग्ने मन्यसे रयिं सहसावन्नमर्त्य ।
 तमा नो वाजसातये वि वो मदे युजेषु चित्रमा भरा विवक्षसे ४
 अग्निर्जातो अथर्वणा विदद्विश्वानि काव्या ।
 भुवद्भूतो विवस्वतो वि वो मदे प्रियो यमस्य काम्यो विवक्षसे ५
 त्वां युजेष्वीळते ऽग्ने प्रयत्यध्वरे ।
 त्वं वसूनि काम्या वि वो मदे विश्वा दधासि दाशुषे विवक्षसे ६
 त्वां युजेष्वृत्वजं चारुमग्ने नि षैदिरे ।
 घृतप्रतीकं मनुषो वि वो मदे शुक्रं चेतिष्ठमक्षभिर्विवक्षसे ७

अग्नें शक्रेण शोचिषोरु प्रथयसे बृहत् ।
अभिक्रन्दन् वृषायसे वि वो मदे गर्भं दधासि जामिषु विवक्षसे ८

(६३) त्रिनवतितमं सूक्तम्

(१-१५) पञ्चदशर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा
ऋषिः । इन्द्रो देवता । (१-४, ६, ८, १०-१४) प्रथमादिचतुर्भृचां

षष्ठ्यष्टम्योर्दशम्यादिपञ्चानाञ्च पुरस्ताद्बृहती, (५, ७, ९)

पञ्चमीसप्तमीनवमीनामनुष्टुप्, (१५) पञ्चदश्याश्च त्रिष्टुप् छन्दांसि

कुहं श्रुत इन्द्रः कस्मिन्नद्य जनै मित्रो न श्रूयते ।
ऋषीणां वा यः क्षये गुहा वा चर्कषे गिरा १
इह श्रुत इन्द्रो अस्मे अद्य स्तवै वृज्यृचीषमः ।
मित्रो न यो जनेष्वा यशश्चक्रे असाम्या २
महो यस्पतिः शर्वसो असाम्या महो नृम्णस्य तूतुजिः ।
भर्ता वज्रस्य धृष्णोः पिता पुत्रमिव प्रियम् ३
युजानो अश्वा वातस्य धुर्नी देवो देवस्य वज्रिवः ।
स्यन्ता पथा विरुक्मता सृजानः स्तोष्यध्वनः ४
त्वं त्या चिद्वातस्याश्वागां ऋजा त्मना वहध्वै ।
ययोर्देवो न मर्त्यो यन्ता नकिर्विदार्यः ५
अध ग्मन्तोशना पृच्छते वां कदरथा न आ गृहम् ।
आ जग्मथुः पराकाद् दिवश्च ग्मश्च मर्त्यम् ६
आ न इन्द्र पृक्षसे ऽस्माकं ब्रह्मोद्यतम् ।
तत् त्वा याचामहेऽवः शुष्णं यद्धन्नमानुषम् ७
अकर्मा दस्युरभि नो अमन्तुरन्यव्रतो अमानुषः ।
त्वं तस्यामित्रहन् वधर्दासस्य दम्भय ८
त्वं न इन्द्र शूर शूरैरुत त्वोतासो बर्हणा ।
पुरुत्रा ते वि पूर्तयो नवन्त क्षोणयो यथा ९
त्वं तान् वृत्रहत्यै चोदयो नृन् कार्पाणे शूर वज्रिवः ।
गुहा यदी कवीनां विशां नक्षत्रशवसाम् १०
मद्भू ता त इन्द्र दानाप्रस आक्षणे शूर वज्रिवः ।
यद्ध शुष्णस्य दम्भयो जातं विश्वं सयावभिः ११

माकुध्र्येगिन्द्र शूर वस्वीरस्मे भूवन्नभिष्टयः ।
वयं वयं त आसां सुमे स्याम वज्रिवः १२
अस्मे ता त इन्द्र सन्तु सत्या ऽहिंसन्तीरुपस्पृशः ।
विद्याम् यासां भुजौ धेनूनां न वज्रिवः १३
अहस्ता यदपदी वर्धत द्वाः शचीभिर्वेद्यानाम् ।
शुष्णां परि प्रदक्षिणिद् विश्वार्यवे नि शिंशनथः १४
पिबापिबेदिन्द्र शूर सोमं मा रिषणयो वसवान् वसुः सन् ।
उत त्रायस्व गृणतो मघोनौ महश्च रायो रेवतस्कृधी नः १५

(६४) चतुर्नवतितमं सूक्तम्

(१-७) सप्तर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः

। इन्द्रो देवता । (१, ७) प्रथमासप्तम्योऋचोस्त्रिष्टुप्, (२-४, ६)

द्वितीयादितृचस्य षष्ठ्याश्च जगती, (५) पञ्चम्याश्चाभिसारिणी छन्दांसि

यजामह इन्द्रं वज्रदक्षिणं हरीणां रथ्यं विव्रतानाम् ।
प्र श्मश्रु दोधुवदूर्ध्वथा भूद् वि सेनाभिर्दयमानो वि राधसा १
हरी न्वस्य या वने विदे वस्विन्द्रो मघैर्मघवा वृत्रहा भुवत् ।
ऋभुर्वाजं ऋभुन्नाः पत्यते शवो ऽव द्दणौमि दासस्य नाम चित् २
यदा वज्रं हिरण्यमिदथा रथं हरी यमस्य वहतो वि सूरिभिः ।
आ तिष्ठति मघवा सनश्रुत् इन्द्रो वाजस्य दीर्घश्रवसस्पतिः ३
सो चिन्नु वृष्टिर्युथ्याइ स्वा सचाँ इन्द्रः श्मश्रूणि हरिताभि प्रुष्णते ।
अव वेति सुन्नयं सुते मधूदिद्धनोति वातो यथा वनम् ४
यो वाचा विवाचो मध्रवाचः पुरू सहस्राशिवा जघान ।
तत्तदिदस्य पौंस्यं गृणीमसि पितेव यस्तविषीं वावृधे शवः ५
स्तोमं त इन्द्र विमदा अजीजनन्नपूर्व्यं पुरुतमं सुदानवे ।
विद्या ह्यस्य भोजनमिनस्य यदा पशं न गोपाः करामहे ६
मार्किर्न एना सख्या वि यौषुस्तव चेन्द्र विमदस्य च ऋषेः ।
विद्या हि ते प्रमतिं देव जामिवदस्मे तै सन्तु सख्या शिवानि ७

(६५) पञ्चनवतितमं सूक्तम्

(१-६) षडृचस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः ।

(१-३) प्रथमतृचस्येन्द्रः, (४-६) द्वितीयतृचस्य चाश्विनौ देवताः । (१-३)
 प्रथमतृचस्यास्तारपङ्क्तिः, (४-६) द्वितीयतृचस्य चानुष्टुप् छन्दसी
 इन्द्र सोममिमं पिब मधुमन्तं चमू सुतम् ।
 अस्मे रयिं नि धारय वि वो मदे सहस्त्रिणं पुरुवसो विवक्षसे १
 त्वां युज्ञेभिरुक्थैरुप हव्येभिरीमहे ।
 शचीपते शचीनां वि वो मदे श्रेष्ठं नो धेहि वार्यं विवक्षसे २
 यस्पतिर्वार्याणामसि रध्रस्य चोदिता ।
 इन्द्रं स्तोतृणामविता वि वो मदे द्विषो नः पाह्यंहसो विवक्षसे ३
 युवं शक्रा मायाविना समीची निरमन्थतम् ।
 विमदेन यदीळिता नासत्या निरमन्थतम् ४
 विश्वे देवा अकृपन्त समीच्योर्निष्पतन्त्योः ।
 नासत्यावब्रुवन् देवाः पुनरा वहतादिति ५
 मधुमन्मे परार्यणं मधुमत् पुनरायनम् ।
 ता नो देवा देवतया युवं मधुमतस्कृतम् ६

(६६) षरणवतितमं सूक्तम्

(१-११) एकादशर्चस्यास्य सूक्तस्येन्द्रः प्राजापत्यो वा विमदः, वासुक्रो वसुकृद्वा

ऋषिः । सोमो देवता । आस्तारपङ्क्तिश्छन्दः

भद्रं नो अपि वातय मनो दक्षमुत क्रतुम् ।
 अधा ते सख्ये अन्धसो वि वो मदे रणन् गावो न यवसे विवक्षसे १
 हृदिस्पृशस्त आसते विश्वेषु सोम धामसु ।
 अधा कामा इमे मम वि वो मदे वि तिष्ठन्ते वसूयवो विवक्षसे २
 उत वृतानि सोम ते प्राहं मिनामि पाक्या ।
 अधा पितेव सूनवे वि वो मदे मृळा नो अभि चिद्बुधाद्विवक्षसे ३
 समु प्र यन्ति धीतयः सर्गासोऽवृताँ इव ।
 क्रतुं नः सोम जीवसे वि वो मदे धारया चमसाँ इव विवक्षसे ४
 तव त्मे सोम शक्तिभिर्निकामासो व्यृशिवरे ।
 गृत्सस्य धीरास्तवसो वि वो मदे वृजं गोमन्तमश्विनं विवक्षसे ५
 पशुं नः सोम रक्षसि पुरुत्रा विष्टितं जगत् ।
 समाकृणोषि जीवसे वि वो मदे विश्वा संपश्यन् भुवना विवक्षसे ६

त्वं नः सोम विश्वतो गोपा अदाभ्यो भव ।
 सेधं राजन्नप स्त्रिधो वि वो मदे मा नो दुःशंस ईशता विवक्षसे ७
 त्वं नः सोम सुक्रतुर्वयोधेयाय जागृहि ।
 क्षेत्रवित्तरो मनुषो वि वो मदे द्रुहो नः पाह्यंहसो विवक्षसे ८
 त्वं नो वृत्रहन्तमेन्द्रस्येन्दो शिवः सखा ।
 यत् सीं हवन्ते समिथे वि वो मदे युध्यमानास्तोकसातौ विवक्षसे ९
 अयं घ स तुरो मद् इन्द्रस्य वर्धत प्रियः ।
 अयं कक्षीर्वतो महो वि वो मदे मतिं विप्रस्य वर्धयद्विवक्षसे १०
 अयं विप्राय दाशुषे वाजाँ इयर्ति गोमतः ।
 अयं सप्तभ्य आ वरं वि वो मदे प्रान्धं श्रोणं च तारिषद्विवक्षसे ११

(६७) सप्तनवतितमं सूक्तम्

(१-६) नवर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः ।

पूषा देवता । (१, ४) प्रथमाचतुर्थ्योर्ऋचोरुष्णिक्, (२-३, ५-६)

द्वितीयातृतीययोः पञ्चम्यादिपञ्चानाञ्चानुष्टुप् छन्दसी

प्र ह्यच्छा मनीषाः स्पार्हा यन्ति नियुतः ।
 प्र दस्त्रा नियुद्रथः पूषा अविष्ट माहिनः १
 यस्य त्यन्महित्वं वाताप्यमयं जनः ।
 विप्र आ वसद्धीतिभिश्चिकेत सुष्टुतीनाम् २
 स वैद सुष्टुतीनामिन्दुर्न पूषा वृषा ।
 अभि प्सुरः प्रुषायति वृजं नु आ प्रुषायति ३
 मंसीमहिं त्वा वयमस्माकं देव पूषन् ।
 मतीनां च सार्धनं विप्राणां चाध्वम् ४
 प्रत्यर्धिर्यज्ञानामश्वहयो रथानाम् ।
 ऋषिः स यो मनुर्हितो विप्रस्य यावयत्सखः ५
 आधीषमाणायाः पतिः शचायाश्च शचस्य च ।
 वासोवायोऽवीनामा वासांसि मर्मजत् ६
 इनो वाजानां पतिरिनः पुष्टीनां सखा ।
 प्र श्मश्रु हर्यतो दूधोद् वि वृथा यो अदाभ्यः ७
 आ ते रथस्य पूषन्नजा धुरं ववृत्युः ।

विश्वस्यार्थिनः सखा सनोजा अनपच्युतः ८
 अस्माकमूर्जा रथं पूषा अविष्ट माहिनः ।
 भुवद्वाजानां वृध इमं नः शृण्वद्धवम् ९

(९८) अष्टनवतितमं सूक्तम्

(१-२४) चतुर्विंशत्यृचस्यास्य सूक्तस्यैन्द्रो वसुक्र ऋषिः । इन्द्रो देवता ।

त्रिष्टुप् छन्दः

असत् सु मै जरितुः साभिवेगो यत् सुन्वते यजमानायु शिक्तम् ।
 अनाशीर्दाम्हर्मस्मि प्रहन्ता सत्यध्वृतं वृजिनायन्तमाभुम् १
 यदीदहं युधये संनयान्यदैवयून् तन्वाइ शूशुजानान् ।
 अमा ते तुभ्रं वृषभं पंचानि तीव्रं सुतं पञ्चदशं नि षिञ्चम् २
 नाहं तं वैद य इति ब्रवीत्यदैवयून् त्समरणे जघन्वान् ।
 यदावारुष्यत् समरणमृधावृदादिद्ध मे वृषभा प्र बुवन्ति ३
 यदज्ञातेषु वृजनेष्वासं विश्वे सतो मघवानो म आसन् ।
 जिनामि वेत् क्षेम आ सन्तमाभुं प्र तं क्षिणां पर्वते पाद्गृह्य ४
 न वा उ मां वृजने वारयन्ते न पर्वतासो यदहं मनस्ये ।
 मम स्वनात् कृधुकर्णो भयात् एवेदनु द्यून् किरणः समैजात् ५
 दर्शन्वत्र शृतपां अनिन्द्रान् बाहुक्षदः शरवे पत्यमानान् ।
 घृषु वा ये निनिदुः सखायमध्यु न्वेषु पवयो ववृत्युः ६
 अभूर्वोक्षीर्व्युश् आयुरानुड् दर्षन्तु पूर्वो अपरो नु दर्षत् ।
 द्वे पवस्तेपरि तं न भूतो यो अस्य पारे रजसो विवेष ७
 गावो यवं प्रयुता अर्यो अज्ञान् ता अपश्यं सहगौपाश्चरन्तीः ।
 हवा इदर्यो अभितः समायन् किर्यदासु स्वपतिश्छन्दयाते ८
 सं यद्वयं यवसादो जनानामहं यवाद उर्वजै अन्तः ।
 अत्रा युक्तौ ऽवसातारमिच्छादथो अयुक्तं युनजद्ववन्वान् ९
 अत्रेदु मे मंससे सत्यमुक्तं द्विपाञ्च यच्चतुष्पात् संसृजानि ।
 स्त्रीभिर्यो अत्र वृषणं पृतन्यादयुद्धो अस्य वि भजानि वेदः १०
 यस्यानुक्षा दुहिता जात्वास कस्तां विद्वाँ अभि मन्याते अन्धाम् ।
 कतरो मेनिं प्रति तं मुचाते य ईं वहाते य ईं वा वरेयात् ११
 किर्यती योषा मर्यतो वधूयोः परिप्रीता पन्यसा वार्येण ।

भद्रा वृधूर्भवति यत् सुपेशाः स्वयं सा मित्रं वनुते जनै चित् १२
 पत्तो जंगार प्रत्यञ्चमत्ति शीष्णा शिरः प्रति दधौ वरूथम् ।
 आसीन ऊर्ध्वामुपसिं क्षिणाति न्यङ्ङुत्तानामन्वेति भूमिम् १३
 बृहन्नच्छायो अपलाशो अर्वा तस्थौ माता विषितो अत्ति गर्भः ।
 अन्यस्या वत्सं रिहती मिमाय कया भुवा नि दधे धेनुरूधः १४
 सप्त वीरासौ अधरादुदायन्नष्टोत्तरात्तात् समजग्मिरन्ते ।
 नव पश्चातात् स्थविमन्त आयन् दश प्राक् सानु वि तिरन्त्यश्नः १५
 दशानामेकं कपिलं समानं तं हिन्वन्ति क्रतवे पार्याय ।
 गर्भं माता सुधितं वृक्षणास्ववेनन्तं तुषयन्ती बिभर्ति १६
 पीवानं मेषमपचन्त वीरा न्युप्ता अक्षा अनु दीव आसन् ।
 द्वा धनु बृहतीमप्स्वश्नतः पवित्रवन्ता चरतः पुनन्ता १७
 वि क्रौशनासो विष्वेञ्च आयन् पचाति नेमो नहि पक्षदुर्धः ।
 अयं मे देवः सविता तदाह द्रवन्न इद्वनवत् सर्पिरन्नः १८
 अपश्यं ग्रामं वहमानमारादचक्रया स्वधया वर्तमानम् ।
 सिषक्त्यर्यः प्र युगा जनानां सद्यः शिश्ना प्रमिनानो नवीयान् १९
 एतौ मे गावौ प्रमरस्य युक्तौ मो षु प्र सैधीर्मुहुरिन्ममन्धि ।
 आपश्चिदस्य वि नशन्त्यर्थं सूरश्च मर्क उपरो बभूवान् २०
 अयं यो वज्रः पुरुधा विवृत्तो ऽवः सूर्यस्य बृहतः पुरीषात् ।
 श्रव इदेना परो अन्यदस्ति तदव्यथी जरिमाणस्तरन्ति २१
 वृक्षेवृक्षे नियता मीमयद्गौस्ततौ वयः प्र पतान् पूरुषादः ।
 अथेदं विश्वं भुवनं भयात् इन्द्राय सुन्वदृषये च शिक्तत् २२
 देवानां माने प्रथमा अतिष्ठन् कृन्तत्रादिषामुपरा उदायन् ।
 त्रयस्तपन्ति पृथिवीमनूपा द्वा बृबूकं वहतः पुरीषम् २३
 सा तै जीवातुरुत तस्य विद्धि मा स्मैतादृगप गूहः समर्ये ।
 आविः स्वः कृणुते गूहते बुसं स पादुरस्य निर्णिजो न मुच्यते २४

(६६) नवनवतितमं सूक्तम्

(१-१२) द्वादशर्चस्यास्य सूक्तस्य (१) प्रथमर्च इन्द्रस्नुषा वसुक्रपती ऋषिका,
 (२, ६, ८, १०, १२) द्वितीयाषष्ठ्यष्टमीदशमीद्वादशीनामिन्द्रः, (३-५, ७, ९, ११)

तृतीयादितृचस्य सप्तमीनवम्येकादशीनाञ्चैन्द्रो वसुक्र ऋषिः । (१, ३-५, ७, ९, ११) प्रथमर्चस्तृतीयादितृचस्य सप्तमीनवम्येकादशीनाञ्चैन्द्रः, (२, ६, ८, १०, १२)

द्वितीयाषष्ठ्यष्टमीदशमीद्वादशीनाञ्चैन्द्रो वसुक्रो देवते । त्रिष्टुप् छन्दः

विश्वो ह्यर्शन्वो अरिराजगाम् ममेदहृ श्वशुरो ना जगाम ।
जज्ञीयाद्धाना उत सोमं पपीयात् स्वाशितः पुनरस्तं जगायात् १
स रोर्वद्वृषभस्तिग्मशृङ्गो वर्ष्मन् तस्थौ वरिमुन्ना पृथिव्याः ।
विश्वेष्वेनं वृजनैषु पामि यो मे कुक्षी सुतसौमः पृणति २
अद्रिणा ते मन्दिनं इन्द्र तूयान् त्सुन्वन्ति सोमान् पिबसि त्वमेषाम् ।
पचन्ति ते वृषभाँ अत्सि तेषाँ पृक्षेण यन्मघवन् हूयमानः ३
इदं सु मे जरितुरा चिकिद्धि प्रतीपं शापं नृद्यौ वहन्ति ।
लोपाशः सिंहं प्रत्यञ्चमत्साः क्रोष्टा वराहं निरतक्त कक्षात् ४
कथा त एतदहमा चिकेतं गृत्सस्य पाकस्तवसौ मनीषाम् ।
त्वं नो विद्वाँ ऋतुथा वि वौचो यमर्धं ते मघवन् क्षेम्या धूः ५
एवा हि मां तवसं वर्धयन्ति दिवश्चिन्मे बृहत उत्तरा धूः ।
पुरू सहस्रा नि शिशामि साकर्मशत्रुं हि मा जनिता जजानं ६
एवा हि मां तवसं जज्ञुरुग्रं कर्मन्कर्मन् वृषणमिन्द्र देवाः ।
वर्धी वृत्रं वज्रेण मन्दसानो ऽपं वृजं महिना दाशुषे वम् ७
देवास आयन् परशूरैर्बिभ्रन् वना वृश्चन्तौ अभि विडिभरायन् ।
नि सुद्रवंशं दधतो वक्षणासु यत्रा कृपीटमनु तदहन्ति ८
शशः क्षुरं प्रत्यञ्चं जगाराऽद्रिं लोगेन व्यभेदमारात् ।
बृहन्तं चिदहृते रन्धयानि वयद्वत्सो वृषभं शूशुवानः ९
सुपर्ण इत्था नखमा सिषायावरुद्धः परिपदं न सिंहः ।
निरुद्धश्चिन्महिषस्तर्ष्यावान् गोधा तस्मा अयथं कर्षदेतत् १०
तेभ्यो गोधा अयथं कर्षदेतद्ये ब्रह्मणः प्रतिपीयन्त्यन्नैः ।
सिम उद्धणोऽवसृष्टाँ अदन्ति स्वयं बलानि तन्वः शृणानाः ११
एते शमीभिः सुशमी अभूवन् ये हिन्विरे तन्वः सोमं उक्थैः ।
नृवद्वदनुपं नो माहि वाजान् दिवि श्रवौ दधिषे नाम वीरः १२

(१००) शततमं सूक्तम्

(१-८) अष्टर्चस्यास्य सूक्तस्यैन्द्रो वसुक्र ऋषिः । इन्द्रो देवता । त्रिष्टुप् छन्दः

वने न वा यो न्यधायि चाकञ्छुचिर्वा स्तोमौ भुरणावजीगः ।
यस्येदिन्द्रः पुरुदिनेषु होता नृणां नर्यो नृतमः क्षपावान् १
प्र ते अस्या उषसः प्रापरस्या नृतौ स्याम् नृतमस्य नृणाम् ।
अनु त्रिशोकः शतमावहृन् कुत्सेन रथो यो असत् ससवान् २
कस्ते मद इन्द्र रन्त्यो भूदुरो गिरो अभ्युग्रो वि धाव ।
कद्वाहो अर्वागुप मा मनीषा आ त्वा शक्यामुपमं राधो अन्नैः ३
कदु द्युमिन्द्र त्वावतो नृन् कया धिया करसे कन्न आगन् ।
मित्रो न सत्य उरुगाय भृत्या अन्नै समस्य यदसन् मनीषाः ४
प्रेरय सूरु अर्थं न पारं ये अस्य कामं जनिधा इव गमन् ।
गिरश्च ये ते तुविजात पूर्वीर्नर इन्द्र प्रतिशिक्षन्त्यन्नैः ५
मात्रे नु ते सुमिते इन्द्र पूर्वी द्यौर्मज्मना पृथिवी काव्येन ।
वराय ते घृतवन्तः सुतासः स्वाधन् भवन्तु पीतये मधूनि ६
आ मध्वो अस्मा असिचन्नमत्रमिन्द्राय पूर्णं स हि सत्यराधाः ।
स वावृधे वरिमन्ना पृथिव्या अभि क्रत्वा नर्यः पौस्यैश्च ७
व्यानळिन्द्रः पृतनाः स्वोजा आस्मै यतन्ते सख्याय पूर्वीः ।
आ स्मा रथं न पृतनासु तिष्ठ यं भद्रया सुमत्या चोदयासे ८

(१०१) एकोत्तरशततमं सूक्तम्

(१-१५) पञ्चदशर्चस्यास्य सूक्तस्यैलूषः कवष ऋषिः । आपोऽपां नपाद्वा देवता ।

त्रिष्टुप् छन्दः

प्र देवत्रा ब्रह्मणे गातुरेत्वपो अच्छा मनसो न प्रयुक्ति ।
महीं मित्रस्य वरुणस्य धासिं पृथुज्यसे रीरधा सुवृक्तिम् १
अध्वर्यवो हविष्मन्तो हि भूताऽच्छाप इतोशतीरुशन्तः ।
अव याश्चष्टे अरुणः सुपर्णस्तमास्यध्वमूर्मिद्या सुहस्ताः २
अध्वर्यवोऽप इता समुद्रमपां नपातं हविषा यजध्वम् ।
स वो दददूर्मिद्या सुपूतं तस्मै सोमं मधुमन्तं सुनोत ३
यो अनिध्मो दीदयदप्स्वशन्तर्यं विप्रास ईळते अध्वरेषु ।
अपां नपान्मधुमतीरपो दा याभिरिन्द्रो वावृधे वीर्याय ४
याभिः सोमो मोदते हर्षते च कल्याणीभिर्युवतिभिर्न मर्यः ।
ता अध्वर्यो अपो अच्छा परेहि यदासिञ्चा ओषधीभिः पुनीतात् ५

एवेद्यूनै युवतयौ नमन्त यदीमुशन्नुशतीरेत्यच्छ ।
 सं जानते मनसा सं चिकित्ते ऽध्वर्यवो धिषणापश्च देवीः ६
 यो वो वृताभ्यो अकृणोदु लोकं यो वो मह्या अभिशस्तेरमुञ्चत् ।
 तस्मा इन्द्राय मधुमन्तमूर्मि देवमादनं प्र हिणोतनापः ७
 प्रास्मै हिनोत मधुमन्तमूर्मि गर्भो यो वः सिन्धवो मध्व उत्सः ।
 घृतपृष्ठमीड्यमध्वरेष्वाऽऽपो रेवतीः शृणुता हव मे ८
 तं सिन्धवो मत्सरमिन्द्रपानमूर्मि प्र हैतु य उभे इयर्ति ।
 मद्दच्युतमौशानं नभोजां परि त्रितन्तु विचरन्तमुत्सम् ९
 आवर्ततीरधु नु द्विधारा गोषुयुधो न नियवं चरन्तीः ।
 ऋषे जनित्रीर्भुवनस्य पत्नीरपो वन्दस्व सवधः सयौनीः १०
 हिनोता नो अध्वरं देवयज्या हिनोत ब्रह्म सनये धनानाम् ।
 ऋतस्य योगे वि ष्यध्वमूधः श्रुष्टीवरीर्भूतनास्मभ्यमापः ११
 आपो रेवतीः क्षयथा हि वस्वः क्रतुं च भद्र इंबभृथामृतं च ।
 रायश्च स्थ स्वपत्यस्य पत्नीः सरस्वती तद्गूणते वयो धात् १२
 प्रति यदापो अदृश्रमायतीर्घृतं पर्यासि बिभ्रतीर्मधूनि ।
 अध्वर्युभिर्मनसा संविदाना इन्द्राय सोमं सुषुतं भरन्तीः १३
 एमा अगमन् रेवतीर्जीवधन्या अध्वर्यवः सादयता सखायः ।
 नि बर्हिषि धत्तन सोम्यासो ऽपां नप्रा संविदानास एनाः १४
 आगमन्नाप उशतीर्बर्हिरदं न्यध्वरे असदन् देवयन्तीः ।
 अध्वर्यवः सुनुतेन्द्राय सोममभूदु वः सुशका देवयज्या १५

(१०२) द्व्युत्तरशततमं सूक्तम्

(१-११) एकादशर्चस्यास्य सूक्तस्यैलूषः कवष ऋषिः । विश्वे देवा देवताः ।

त्रिष्टुप् छन्दः

आ नो देवानामुप वेतु शंसो विश्वेभिस्तुरैरवसे यजत्रः ।
 तेभिर्वयं सुषखायो भवेम तरन्तो विश्वा दुरिता स्याम १
 परि चिन्मर्तो द्रविणं ममन्यादृतस्य पथा नमसा विवासेत् ।
 उत स्वेन क्रतुना सं वदेत श्रेयांसं दक्षं मनसा जगृभ्यात् २
 अधायि धीतिरसंसृग्रमंशास्तीर्थे न दस्ममुप यन्त्यूमाः ।
 अभ्यानश्म सुवितस्य शूषं नवैदसो अमृतानामभूम ३

नित्यंश्चाकन्यात् स्वपतिर्दमूना यस्मा उ देवः सविता जजान ।
 भगौ वा गोभिर्यमेमनज्यात् सो अस्मै चारुश्छदयदुत स्यात् ४
 इयं सा भूया उषसामिव द्वा यद्ध क्षुमन्तः शर्वसा समार्यन् ।
 अस्य स्तुतिं जरितुर्भिक्ष्माणा आ नः शग्मास उप यन्तु वाजाः ५
 अस्येदेषा सुमतिः पप्रथाना ऽभवत् पूर्व्या भूमना गौः ।
 अस्य सनीळा असुरस्य योनौ समान आ भरणे बिभ्रमाणाः ६
 किं स्वद्वनं क उ स वृक्ष आस यतो द्यावापृथिवी निष्टतक्षुः ।
 संतस्थाने अजरै इतर्कती अहानि पूर्वीरुषसौ जरन्त ७
 नैतावदेना पुरो अन्यदस्त्युक्षा स द्यावापृथिवी बिभर्ति ।
 त्वचं पवित्रं कृणुत स्वधावान् यदीं सूर्यं न हरितो वहन्ति ८
 स्तेगो न क्षामत्यैति पृथ्वीं मिहं न वातो वि ह वाति भूम ।
 मित्रो यत्र वरुणो अज्यमानो ऽग्निर्वने न व्यसृष्ट शोकम् ९
 स्तरीर्यत् सूत सद्यो अज्यमाना व्यथिरव्यथीः कृणुत स्वगौपा ।
 पुत्रो यत् पूर्वः पित्रोर्जनिष्ट शम्यां गौर्जगार यद्ध पृच्छान् १०
 उत कर्गव नृषदः पुत्रमाहुरुत श्यावो धनुमादत्त वाजी ।
 प्र कृष्णाय रुशदपिन्वतोर्धर्तमत्र नकिरस्मा अपीपेत् ११

(१०३) त्र्युत्तरशततमं सूक्तम्

(१-६) नवर्चस्यास्य सूक्तस्यैलूषः कवष ऋषिः । इन्द्रो देवता । (१-५)

प्रथमादिपञ्चर्चा जगती, (६-६) षष्ठ्यादिचतसृणाञ्च त्रिष्टुप् छन्दसी
 प्र सु गमन्तां धियसानस्य सक्षणिं वरेभिर्वराँ अभि षु प्रसीदतः ।
 अस्माकमिन्द्र उभयं जुजोषति यत् सोम्यस्यान्धसो बुबोधति १
 वीन्द्र यासि दिव्यानि रोचना वि पार्थिवानि रजसा पुरुष्टुत ।
 ये त्वा वहन्ति मुहुरध्वराँ उप ते सु वन्वन्तु वग्वनाँ अराधसः २
 तदिन्मे छन्सद्रपुषो वपुष्टरं पुत्रो यज्जानं पित्रोरधीर्यति ।
 जाया पतिं वहति वग्मुनां सुमत् पुंस इन्द्रो वहतुः परिष्कृतः ३
 तदित् सधस्थमभि चारु दीधय गावो यच्छासन् वहतुं न धेनवः ।
 माता यन्मन्तुर्युथस्य पूर्व्याऽभि वाणस्य सप्तधातुरिज्जनः ४
 प्र वोऽच्छां रिरिचे देवयुष्पदमेकौ रुद्रेभिर्याति तुर्वणिः ।
 जरा वा येष्वमृतेषु दावने परि व ऊमेभ्यः सिञ्चता मधु ५

निधीयमानमपगूळहमप्सु प्र मै देवानां व्रतपा उवाच ।
 इन्द्रो विद्वाँ अनु हि त्वां चचक्ष तेनाहमग्ने अनुशिष्ट आगाम् ६
 अक्षेत्रवित् क्षेत्रविदं ह्यप्राट् स प्रैति क्षेत्रविदानुशिष्टः ।
 एतद्वै भद्रमनुशासनस्योत स्तुतिं विन्दत्यञ्जसीनाम् ७
 अद्येदु प्राणीदममन्निमाहा ऽपीवृतो अधयन्मातुरूधः ।
 एमैनमाप जरिमा युवानमहेळन् वसुः सुमना बभूव ८
 एतानि भद्रा कलश क्रियाम् कुरुश्रवण ददतो मघानि ।
 दान इद्वो मघवानः सो अस्त्वयं च सोमो हृदि यं बिभर्मि ९

अष्टमोऽध्यायः

। व० १-२६ ।

(१०४) चतुरुत्तरशततमं सूक्तम्

(१-६) नवर्चस्यास्य सूक्तस्यैलूषः कवष ऋषिः । (१) प्रथमर्चो विश्वे देवाः,
 (२-३) द्वितीयातृतीययोरिन्द्रः, (४-५) चतुर्थीपञ्चम्योस्त्रासदस्यवस्य कुरुश्रवणस्य
 दानस्तुतिः, (६-६) षष्ठ्यादिचतसृणाञ्च मैत्रातिथिरुपमश्रवा देवताः । (१)
 प्रथमर्चस्त्रिष्टुप्, (२-३) द्वितीयातृतीययोः प्रगाथः (द्वितीयाया बृहती, तृतीयायाः
 सतोबृहती), (४-६) चतुर्थ्यादितृचद्वयस्य च गायत्री छन्दांसि
 प्र मा युयुजे प्रयुजो जनानां वहामि स्म पूषणमन्तरेण ।
 विश्वे देवासो अध मामरक्षन् दुःशासुरागादिति घोष आसीत् १
 सं मा तपन्त्यभितः सपत्नीरिव पशवः ।
 नि बाधते अमतिर्नगता जसुर्वेर्न वेवीयते मतिः २
 मूषो न शिश्ना व्यदन्ति माध्यः स्तोतारं ते शतक्रतो ।
 सकृत् सु नो मघवन्निन्द्र मृळ्याऽधा पितेर्व नो भव ३
 कुरुश्रवणमावृणि राजानं त्रासदस्यवम् । मंहिष्ठं वाघतामृषिः ४
 यस्य मा हरितो रथे तिस्रो वहन्ति साधुया । स्तवै सहस्रदक्षिणे ५
 यस्य प्रस्वादसो गिरं उपमश्रवसः पितुः । क्षेत्रं न रणवमूचुषे ६
 अधि पुत्रोपमश्रवो नपान्मित्रातिथेरिहि । पितुष्टै अस्मि वन्दिता ७
 यदीशीयामृतानामुत वा मर्त्यानाम् । जीवेदिन्मघवा मम ८
 न देवानामति व्रतं शतात्मा चन जीवति । तथा युजा वि वावृते ९

(१०५) पञ्चोत्तरशततमं सूक्तम्

१-१४) चतुर्दशर्चस्यास्य सूक्तस्यैलूषः कवषो मौजवानक्षो वा ऋषिः । (१, ७, ९,
१२) प्रथमासप्तमीनवमीद्वादशीनामृचामक्षाः, (२-६, ८, १०-११, १४)
द्वितीयादिपञ्चानामष्टमीदशम्येकादशीचतुर्दशीनाञ्चाक्षकितवनिन्दा, (१३)
त्रयोदश्याश्च कृषिर्देवताः । (१-६, ८-१४) प्रथमादिषडृचामष्टम्यादिसप्तानाञ्च
त्रिष्टुप्, (७) सप्तम्याश्च जगती छन्दसी

प्रावे॒पा मां बृ॒हतो मां॑ द॒यन्ति॑ प्र॒वाते॒जा इरि॑णे॒ वर्वृ॑तानाः ।
सोम॑स्येव॒ मौज॑व॒तस्य॑ भ॒क्षो वि॒भीद॑को जा॒गृवि॑र्म॒ह्यम॑च्छान् १
न मां॑ मि॒मेश्च॑ न जि॒हीळ॑ एषा शि॒वा सखि॑भ्य उ॒त म॒ह्यमा॑सीत् ।
अ॒क्षस्या॑ह॒मैक॑प॒रस्य॑ हे॒तोर्नु॑व॒तामप॑ जा॒याम॑रोधम् २
द्वेष्टि॑ श्व॒श्रूर॑प॒ जाया॑ रु॒णद्धि॑ न ना॒थितो॑ वि॒न्दते॑ म॒र्दितार॑म् ।
अश्व॑स्येव॒ जर॑तो॒ वस्त्र॑य॒स्य ना॑हं वि॒न्दामि॑ कि॒तव॑स्य॒ भोग॑म् ३
अ॒न्ये जा॒यां परि॑ मृ॒शन्त्य॑स्य॒ यस्या॑र्गृ॒धद्वे॑र्दने॒ वाज्य॑र्क्षः ।
पि॒ता मा॒ता भ्रा॑तर॒ एन॑माहु॒र्न जा॑नी॒मो न॑य॒ता बृ॒द्धमे॑तम् ४
यदा॑दी॒ध्ये न॑ द॒विषा॑णये॒भिः परा॑य॒द्धोऽव॑ ही॒ये सखि॑भ्यः ।
न्यु॒प्ताश्च॑ ब॒भ्रवो॑ वा॒चम॑क्र॒तुं ए॒मीदे॑षां निष्कृ॒तं जा॒रिणी॑व ५
स॒भामै॑ति॒ कि॒तवः॑ पृ॒च्छमा॑नो॒ जेष्या॑मीति॒ तन्वा॑र्शू॒शुजा॑नः ।
अ॒क्षासो॑ अ॒स्य वि॑ ति॒रन्ति॑ का॒मं प्र॑ति॒दीव्ने॑ द॒र्धत॑ आ॒ कृ॒तानि॑ ६
अ॒क्षास॑ इ॒दङ्कु॑शि॒नो नितो॑दि॒नो नि॒कृ॒त्वान॑स्त॒पना॑स्तापयि॒ष्णवः॑ ।
कु॒मा॒रदे॑ष्णा॒ जय॑तः पु॒नर्ह॑णो॒ मध्वा॑ संपृ॒क्ताः कि॒तव॑स्य॒ बर्ह॑णा ७
त्रि॒पञ्चा॑शः क्री॒ळति॑ व्रा॒त एषां॑ दे॒व इ॒व स॒वि॒ता स॒त्यध॑र्मा ।
उ॒ग्रस्य॑ चि॒न्म॒न्यवे॑ ना॒ नम॑न्ते॒ राजा॑ चि॒देभ्यो॑ नम॒ इत् कृ॑णोति ८
नी॒चा वर्त॑न्त॒ उपरि॑ स्फु॒रन्त्य॑ह॒स्तासो॑ ह॒स्तव॑न्तं स॒हन्ते॑ ।
दि॒व्या अ॒ङ्गारा॑ इरि॒णे न्यु॒प्ताः शी॒ताः सन्तो॑ हृ॒दयं॑ नि॒र्दह॑न्ति ९
जा॒या त॑प्यते॒ कि॒तव॑स्य॒ ही॒ना मा॒ता पु॒त्रस्य॑ च॒रतः॑ क्व॒ स्वित् ।
ऋ॒णावा॑ बि॒भ्यद्ध॑र्नमि॒च्छमा॑नो॒ ऽन्येषा॑म॒स्तमु॑प॒ नक्त॑मेति १०
स्त्रि॒यं दृ॒ष्ट्वाय॑ कि॒तव॑ त॒तापा॑न्येषां॒ जा॒यां सु॑कृ॒तं च॒ योनि॑म् ।
पूर्वा॑ह्ने अ॒श्वान् यु॒युजे॑ हि॒ बभ्रू॑न् त्सो॒ अग्रे॑रन्ते॒ वृष॑लः॒ पपा॑द ११
यो॒ वः से॒ना॒नी॒र्म॒हतो॑ ग॒णस्य॑ राजा॒ व्रा॒तस्य॑ प्रथ॒मो ब॒भूव॑ ।
तस्मै॑ कृ॒णोमि॑ न॒ धना॑ रु॒णध्मि॑ दशा॒हं प्रा॒ची॒स्तदृ॑तं॒ वेदामि॑ १२

अक्षैर्मा दीव्यः कृषिमित् कृषस्व वित्ते रमस्व ब्रह्म मन्यमानः ।
 तत्र गावः कितव तत्र जाया तन्मे वि चष्टे सवितायमर्यः १३
 मित्रं कृणुध्वं खलु मृळता नो मा नो घोरेण चरताभि धृष्णु ।
 नि वो नु मन्युर्विशतामरातिरन्यो बभ्रूणां प्रसितौ न्वस्तु १४

(१०६) षडुत्तरशततमं सूक्तम्

(१-१४) चतुर्दशर्चस्यास्य सूक्तस्य धानाको लुश ऋषिः । विश्वे देवा देवताः ।
 (१-१२) प्रथमादिद्वादशर्चा जगती, (१३-१४) त्रयोदशीचतुर्दशयोश्च त्रिष्टुप् छन्दसी
 अबुध्रमु त्य इन्द्रवन्तो अग्रयो ज्योतिर्भरन्त उषसो व्युष्टिषु ।
 मही द्यावापृथिवी चैततामपो ऽद्या देवानामव आ वृणीमहे १
 दिवस्पृथिव्योरव आ वृणीमहे मातृन् त्सिन्धून् पर्वताञ्छर्यणावतः ।
 अनागास्त्वं सूर्यमुषासमीमहे भद्रं सोमः सुवानो अद्या कृणोतु नः २
 द्यावा नो अद्य पृथिवी अनागसो मही त्रायेतां सुविताय मातरा ।
 उषा उच्छन्त्यप बाधतामघं स्वस्त्यश्ग्रिं समिधानमीमहे ३
 इयं न उस्ना प्रथमा सुदेव्य रेवत् सनिभ्यो रेवती व्युच्छतु ।
 आरे मन्युं दुर्विदत्रस्य धीमहि स्वस्त्यश्ग्रिं समिधानमीमहे ४
 प्र याः सिस्रते सूर्यस्य रश्मिभिर्ज्योतिर्भरन्तीरुषसो व्युष्टिषु ।
 भद्रा नो अद्य श्रवसे व्युच्छत स्वस्त्यश्ग्रिं समिधानमीमहे ५
 अनमीवा उषस आ चरन्तु न उदग्रयो जिहतां ज्योतिषा बृहत् ।
 आयुक्षातामश्विना तूतुजिं रथं स्वस्त्यश्ग्रिं समिधानमीमहे ६
 श्रेष्ठं नो अद्य सवितुर्वरेण्यं भागमा सुव स हि रवधा असि ।
 रायो जनित्रीं धिषणामुप ब्रुवे स्वस्त्यश्ग्रिं समिधानमीमहे ७
 पिपर्तु मा तदृतस्य प्रवाचनं देवानां यन्मनुष्याः अमन्महि ।
 विश्वा इदुस्त्राः स्पळुदैति सूर्यः स्वस्त्यश्ग्रिं समिधानमीमहे ८
 अद्वेषो अद्य बर्हिषः स्तरीमणि ग्राव्णां योगे मन्मनः सार्ध ईमहे ।
 आदित्यानां शर्मणि स्था भुरणयसि स्वस्त्यश्ग्रिं समिधानमीमहे ९
 आ नो बर्हिः सधमादे बृहद्वि देवा ईळे सादया सप्त होतृन् ।
 इन्द्र मित्रं वरुणं सातये भर्गं स्वस्त्यश्ग्रिं समिधानमीमहे १०
 त आदित्या आ गता सर्वतातये वृधे नो यज्ञमवता सजोषसः ।
 बृहस्पतिं पूषणामश्विना भर्गं स्वस्त्यश्ग्रिं समिधानमीमहे ११

तन्नो देवा यच्छत सुप्रवाचनं छुर्दिरादित्याः सुभरं नृपाय्यम् ।
पश्वे तोकाय तनयाय जीवसे स्वस्त्यश्मिं समिधानमीमहे १२
विश्वे अद्य मरुतो विश्वं ऊती विश्वे भवन्त्वग्रयः समिद्धाः ।
विश्वे नो देवा अवसा गमन्तु विश्वमस्तु द्रविणं वाजो अस्मे १३
यं देवासोऽवथ वाजसातौ यं त्रायध्वे यं पिपृथात्यंहः ।
यो वौ गोपीथे न भयस्य वेद ते स्याम देववीतये तुरासः १४

(१०७) समोत्तरशततमं सूक्तम्

(१-१४) चतुर्दशर्चस्यास्य सूक्तस्य धानाको लुश ऋषिः । विश्वे देवा देवताः ।
(१-१२) प्रथमादिद्वादशर्चा जगती, (१३-१४) त्रयोदशीचतुर्दशयोश्च त्रिष्टुप् छन्दसी
उषासानक्ता बृहती सुपेशसा द्यावाक्षामा वरुणो मित्रो अर्यमा ।
इन्द्रं हवे मरुतः पर्वता अप आदित्यान् द्यावापृथिवी अपः स्वः १
द्यौश्च नः पृथिवी च प्रचेतस ऋतावरी रक्षतामंहसो रिषः ।
मा दुर्विदत्रा निर्ऋतिर्न ईशत तद्देवानामवो अद्या वृणीमहे २
विश्वस्मान्नो अदितिः पात्वंहसो माता मित्रस्य वरुणस्य रेवतः ।
स्वर्वज्रयोतिरवृकं नशीमहि तद्देवानामवो अद्या वृणीमहे ३
ग्रावा वदन्नप रक्षासि सेधतु दुष्वप्रयं निर्ऋतिं विश्वमत्रिणम् ।
आदित्यं शर्म मरुतामशीमहि तद्देवानामवो अद्या वृणीमहे ४
एन्द्रो बर्हिः सीदतु पिन्वतामिळा बृहस्पतिः सामभिर्ऋक्वो अर्चतु ।
सुप्रकेतं जीवसे मन्म धीमहि तद्देवानामवो अद्या वृणीमहे ५
दिविस्पृशं यज्ञमस्माकमश्विना जीराध्वरं कृणुतं सुममिष्टयै ।
प्राचीनरश्मिमाहुतं घृतेन तद्देवानामवो अद्या वृणीमहे ६
उप ह्वये सुहवं मारुतं गणं पावकमृष्वं सख्याय शंभुवम् ।
रायस्पोषं सौश्रवसाय धीमहि तद् देवानामवो अद्या वृणीमहे ७
अपां पेरुं जीवधन्यं भरामहे देवाव्यं सुहवमध्वरश्रियम् ।
सुरश्मिं सोममिन्द्रियं यमीमहि तद् देवानामवो अद्या वृणीमहे ८
सनेम तत् सुसनिता सनिर्त्वाभिर्वयं जीवा जीवपुत्रा अनागसः ।
ब्रह्मद्विषो विष्वगेनो भरेरत तद् देवानामवो अद्या वृणीमहे ९
ये स्था मनोर्यज्ञियास्ते शृणोतन् यद्वो देवा ईमहे तद्देदातन ।
जैत्रं क्रतुं रयिमद्वीरवद्यशस्तद् देवानामवो अद्या वृणीमहे १०

म॒हद्द॒द्य म॒ह॒ता॒मा वृ॒णीम॒हे ऽवो॑ दे॒वानां॑ बृ॒ह॒ता॒म॒न॒र्व॒णा॒म् ।
 यथा॑ व॒सु वी॒रजा॑तं नशा॒महै॑ तद् दे॒वाना॑मवो॑ अ॒द्या वृ॒णीम॒हे ११
 म॒हो अ॒ग्नेः स॒मिधा॑नस्य॒ शर्म॑ण्यना॒गा मि॒त्रे वरु॑णे स्व॒स्तये॑ ।
 श्रेष्ठे॑ स्याम स॒वितुः॑ स॒र्वीम॒नि तद् दे॒वाना॑मवो॑ अ॒द्या वृ॒णीम॒हे १२
 ये स॒वितुः॑ स॒त्यस॑वस्य॒ विश्वे॑ मि॒त्रस्य॑ वृ॒ते वरु॑णस्य दे॒वाः ।
 ते सौ॑भ॒गं वी॒रवृ॒द्धोम॒दप्रो॑ दधा॒तन् द्रवि॑णं चि॒त्रम॒स्मे १३
 स॒वि॒ता प॒श्चात्ता॑त् स॒वि॒ता पु॒रस्ता॑त् स॒वि॒तोत्त॑रात्तात् स॒वि॒ताध॑रात्तात् ।
 स॒वि॒ता नः॑ सुवतु॒ सर्व॑ता॒तिं स॒वि॒ता नो॑ रा॒सतां॑ दी॒र्घमा॑युः १४

(१०८) अष्टोत्तरशततमं सूक्तम्

(१-१२) द्वादशर्चस्यास्य सूक्तस्य सौर्योऽभितपा ऋषिः । सूर्यो देवता । (१-६,
११-१२) प्रथमादिनवर्चामिकादशीद्वादशयोश्च जगती,

(१०) दशम्याश्च त्रिष्टुप् छन्दसी

नमो॑ मि॒त्रस्य॒ वरु॑णस्य॒ चक्ष॑से म॒हो दे॒वाय॑ तदृ॒तं स॑प॒र्यत॑ ।
 दू॒रेदृ॑शे॑ दे॒वजा॑ताय॒ के॒तवे॑ दि॒वस्पु॒त्राय॑ सू॒र्याय॑ शंसत १
 सा मा॑ स॒त्योक्तिः॑ परि॑ पातु॒ विश्व॑तो॒ द्यावा॑ च॒ यत्र॑ त॒तन॒न्नहा॑नि च ।
 विश्व॑म॒न्यन्नि॑ विश॒ते यदे॑जति॒ विश्वा॑हापो॒ विश्वा॑होदे॒ति सूर्यः॑ २
 न ते॒ अदे॑वः प्र॒दिवो॑ नि वा॒सते॒ यदे॑त॒शेभिः॑ प॒तरे॑ र॒थर्य॑सि ।
 प्रा॒चीन॑म॒न्यदनु॑ वर्तते॒ रज्जु॑ उ॒द॒न्येन॑ ज्योति॒षा या॑सि सूर्य ३
 येन॑ सूर्य॒ ज्योति॑षा॒ बाध॑से॒ तमो॑ जग॒च्च विश्व॑मु॒दिय॑षि॒ भानु॑ना ।
 तेना॒स्मद्वि॒श्वाम॑नि॒राम॑ना॒हुति॑म॒पामी॑वा॒मप॑ दु॒ष्वप्र॑यं सुव ४
 विश्व॑स्य॒ हि प्रेषि॑तो॒ रक्ष॑सि॒ व्रत॑महे॒ळय॑न्नु॒च्चर॑सि स्व॒धा अनु॑ ।
 यद्द॒द्य त्वा॑ सू॒र्योप॑ब्र॒वाम॑है॒ तं नो॑ दे॒वा अनु॑ म॒सीर॑त् क्र॒तुम् ५
 तं नो॑ द्यावा॒पृथि॑वी॒ तन्न॑ आप॒ इन्द्रः॑ शृण॒वन्तु॑ म॒रुतो॑ ह॒वं वचः॑ ।
 मा शू॑ने॒ भूम॑ सू॒र्यस्य॑ स॒दृशि॑ भ॒द्रं जी॑व॒न्तो ज॒रणा॑म॒शीम॑हि ६
 विश्वा॑हा॒ त्वा सु॑म॒नसः॑ सु॒चक्ष॑सः प्र॒जाव॑न्तो॒ अन॑मी॒वा अना॑गसः ।
 उ॒द्यन्त॑ त्वा मि॒त्रम॑हो दि॒वेदि॑वे॒ ज्यो॒ग्जी॒वाः प्रति॑ पश्येम सूर्य ७
 म॒हि ज्यो॒तिर्बि॑भ्र॒तं त्वा॑ वि॒चक्ष॑ण॒ भास्व॑न्तं चक्षु॒षे चक्षु॑षे म॒यः ।
 आ॒रोह॑न्तं बृ॒हतः॑ पा॒जस॑स्प॒रि व॑यं जी॒वाः प्रति॑ पश्येम सूर्य ८
 यस्य॑ ते॒ विश्वा॑ भु॒व॒नानि॑ के॒तुना॑ प्र॒ चेर॑ते॒ नि च॑ वि॒शन्ते॑ अ॒क्तु॑भिः ।

अनागास्त्वेन हरिकेश सूर्याऽह्नाहा नो वस्यसावस्यसोर्दिहि ६
शं नो भव चक्षसा शं नो अहा शं भानुना शं हिमा शं घृणेन ।
यथा शमध्वञ्छमसद् दुरोणे तत् सूर्यं द्रविणं धेहि चित्रम् १०
अस्माकं देवा उभयायु जन्मने शर्म यच्छत द्विपदे चतुष्पदे ।
अदत् पिबदूर्जयमानमाशितं तदस्मे शं योररपो दधातन ११
यद्वौ देवाश्चकृम जिह्वया गुरु मनसो वा प्रयुती देवहेळनम् ।
अरावा यो नो अभि दुच्छुनायते तस्मिन् तदेनो वसवो नि धैतन १२

(१०६) नवोत्तरशततमं सूक्तम्

(१-५) पञ्चर्चस्यास्य सूक्तस्य मुष्कवानिन्द्र ऋषिः । इन्द्रो देवता । जगती छन्दः
अस्मिन् न इन्द्र पृत्सुतौ यशस्वति शिमीवति क्रन्दसि प्राव सातयै ।
यत्र गोषाता धृषितेषु खादिषु विष्वक् पतन्ति दिद्यवौ नृषाह्यै १
स नः क्षुमन्तं सदेने व्यूर्णहि गोअर्णसं रयिमिन्द्र श्रवाय्यम् ।
स्याम ते जयतः शक्र मेदिनो यथा वयमुश्मसि तद्वसो कृधि २
यो नो दास आर्यो वा पुरुष्टाऽदेव इन्द्र युधये चिकेतति ।
अस्माभिष्टे सुषहाः सन्तु शत्रवस्त्वया वयं तान् वनुयाम संगुमे ३
यो दभ्रेभिर्हव्यो यश्च भूरिभिर्यो अभीके वरिवोविनृषाह्यै ।
तं विखादे सस्त्रिमद्य श्रुतं नरमर्वाञ्चमिन्द्रमवसे करामहे ४
स्ववृजं हि त्वामहमिन्द्र शश्रवानानुदं वृषभ रध्रचोदनम् ।
प्र मुञ्चस्व परि कुत्सादिहा गहि किमु त्वावान् मुष्कयोर्बद्ध आसते ५

(११०) दशोत्तरशततमं सूक्तम्

(१-१४) चतुर्दशर्चस्यास्य सूक्तस्य काक्षीवती घोषा ऋषिका । अश्विनौ देवते ।
(१-१३) प्रथमादित्रयोदशर्चा जगती, (१४) चतुर्दश्याश्च त्रिष्टुप् छन्दसी
यो वां परिज्मा सुवृदश्विना रथो दोषामुषासो हव्यो हविष्मता ।
शश्वत्तमासस्तमु वामिदं वयं पितुर्न नाम सुहव हवामहे १
चोदयतं सूनृताः पिन्वतं धिय उत् पुरंधीरीरयतं तदुश्मसि ।
यशसं भागं कृणुतं नो अश्विना सोमं न चारुं मघवत्सु नस्कृतम् २
अमाजुरश्विद्धवथो युवं भगौ ऽनाशोश्चिदवितारापमस्यं चित् ।
अन्धस्यं चिन्नासत्या कृशस्यं चिद्युवामिदाहुर्भिषजा रुतस्यं चित् ३

युवं च्यवानं सनयं यथा रथं पुनर्युवानं चरथाय तक्षथुः ।
 निष्टौग्रचमूहथुरद्भ्यस्परि विश्वेत् ता वां सर्वनेषु प्रवाच्या ४
 पुराणा वां वीर्यां प्र ब्रवा जने ऽथो हासथुर्भिषजा मयोभुवा ।
 ता वां नु नव्यावर्से करामहे ऽयं नासत्या श्रदरिर्यथा दधत् ५
 इयं वामहे शृणुतं मे अश्विना पुत्रायैव पितरा मह्यं शिक्तम् ।
 अनापिरज्ञा असजात्यामतिः पुरा तस्या अभिशस्तेरव स्पृतम् ६
 युवं रथेन विमदाय शन्ध्युवं न्यूहथुः पुरुमित्रस्य योषणाम् ।
 युवं हव वधिमत्या अगच्छतं युवं सुषुतिं चक्रथुः पुरंधये ७
 युवं विप्रस्य जरणामुपेयुषः पुनः कलेरकृणुतं युवद्वयः ।
 युवं वन्दनमृश्यदादुदूपथुर्युवं सद्यो विश्पलामेतवे कथः ८
 युवं ह रेभं वृषणा गुहा हितमुदैरयतं ममवांसमश्विना ।
 युवमृबीसमुत तप्तमत्रय ओमन्वन्तं चक्रथुः सप्तवधये ९
 युवं श्वेतं पेदेवेऽश्विनाश्च नवभिर्वाजैर्नवती च वाजिनम् ।
 चर्कृत्य ददथुर्द्रावयत्सखं भगं न नृभ्यो हव्यं मयोभुवम् १०
 न तं राजानावदिते कुतश्चन नाहो अश्नोति दुरितं नकिर्भयम् ।
 यमश्विना सुहवा रुद्रवर्तनी पुरोरथं कृणुथः पत्न्या सह ११
 आ तेन यातुं मनसो जवीयसा रथं यं वामभवंश्चक्रुरश्विना ।
 यस्य योगे दुहिता जायते दिव उभे अहनी सुदिने विवस्वतः १२
 ता वर्तिर्यातं जयुषा वि पर्वतमपिन्वतं शयवे धेनुमश्विना ।
 वृकस्य चिद्वर्तिकामन्तरास्याद्युवं शर्चीभिर्ग्रसिताममुञ्चतम् १३
 एतं वां स्तोममश्विनावकर्मात्क्षाम भृगवो न रथम् ।
 न्यमृक्षाम योषणां न मर्ये नित्यं न सूनुं तनयं दधानाः १४

(१११) एकादशोत्तरशततमं सूक्तम्

(१-१४) चतुर्दशर्चस्यास्य सूक्तस्य काञ्चीवती घोषा ऋषिका । अश्विनौ देवते ।

जगती छन्दः

रथं यान्तं कुह को ह वां नरा प्रति द्युमन्तं सुविताय भूषति ।
 प्रातर्यावाणं विभ्वं विशेर्विशे वस्तोर्वस्तोर्वहमानं धिया शर्मि १
 कुह स्विद् दोषा कुह वस्तोरश्विना कुहाभिपित्वं करतः कुहौषतुः ।
 को वां शयुत्रा विधवेव देवरं मर्यं न योषा कृणुते सधस्थ आ २

प्रातर्जरेथे जरणेव कापया वस्तौर्वस्तोर्यजता गच्छथो गृहम् ।
 कस्य ध्वस्त्रा भवथः कस्य वा नरा राजपुत्रेव सवनाव गच्छथः ३
 युवां मृगेव वारणा मृगण्यवो दोषा वस्तौर्हविषा नि ह्यामहे ।
 युवं होत्रामृतुथा जुह्वते नरेषु जनाय वहथः शुभस्पती ४
 युवां ह घोषा पर्यश्विना यती राज ऊचे दुहिता पृच्छे वा नरा ।
 भूतं मे अह उत भूतमुक्तवे ऽश्वावते रथिने शक्तमवते ५
 युवं कवी छः पर्यश्विना रथं विशो न कुत्सो जरितुर्नशायथः ।
 युवोर्ह मक्षा पर्यश्विना मध्वासा भरत निष्कृतं न योषणा ६
 युवं ह भुज्युं युवमश्विना वशं युवं शिञ्जारमुशनामुपारथुः ।
 युवो ररावा परि सख्यमासते युवोरहमवसा सुम्रमा चके ७
 युवं ह कृशं युवमश्विना शयुं युवं विधन्तं विधवांमुरुष्यथः ।
 युवं सनिभ्यः स्तनयन्तमश्विना ऽप वृजमूर्णुथः सप्तास्यम् ८
 जनिष्ट योषा पतयत् कनीनको वि चारुहन् वीरुधौ दंसना अनु ।
 आस्मै रीयन्ते निवनेव सिन्धवो ऽस्मा अहै भवति तत् पतित्वनम् ९
 जीवं रुदन्ति वि मयन्ते अध्वरे दीर्घामनु प्रसितिं दीधियुर्नरः ।
 वामं पितृभ्यो य इदं संमेरिरे मयः पतिभ्यो जनयः परिष्वजे १०
 न तस्य विद्म तदु षु प्र वोचत युवां ह यद्युवत्याः क्षेति योनिषु ।
 प्रियोस्त्रियस्य वृषभस्य रेतिनौ गृहं गमेमाश्विना तदुश्मसि ११
 आ वामगन् त्सुमतिर्वाजिनीवसू न्यश्विना हत्सु कामा अयंसत ।
 अभूतं गोपा मिथुना शभस्पती प्रिया अर्यमणो दुर्या अशीमहि १२
 ता मन्दसाना मनुषो दुरोण आ धत्तं रयिं सहवीरं वचस्यवे ।
 कृतं तीर्थं सुप्रपाणं शभस्पती स्थाणुं पथेष्ठामप दुर्मतिं हतम् १३
 क्वं स्विदद्य क्तमास्वश्विना विद्म दस्त्रा मादयेते शभस्पती ।
 क ईं नि येमे क्तमस्य जग्मतुर्विप्रस्य वा यजमानस्य वा गृहम् १४

(११२) द्वादशोत्तरशततमं सूक्तम्

(१-३) तृचस्यास्य सूक्तस्य घौषेयः सुहस्त्य ऋषिः । अश्विनौ देवते ।

जगती छन्दः

समानमु त्यं पुरुहूतमुक्थयं रथं त्रिचक्रं सर्वना गनिगमतम् ।
 परिज्मानं विदथ्य सुवृक्तिभिर्वयं व्युष्टा उषसो हवामहे १

प्रातर्युजं नासत्याधि तिष्ठथः प्रातर्यावाणं मधुवाहनं रथम् ।
विशो येन गच्छथो यज्वरीररा कीरेश्चिद्यज्ञं होतृमन्तमश्विना २
अध्वर्यु वा मधुपाणिं सुहस्त्यमग्निधं वा धृतदंज्ञं दर्मूनसम् ।
विप्रस्य वा यत् सर्वनानि गच्छथो ऽत आ यातं मधुपेयमश्विना ३

(११३) त्रयोदशोत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कृष्ण ऋषिः । इन्द्रो देवता ।

त्रिष्टुप् छन्दः

अस्तैव सु प्रतरं लायमस्यन् भूषन्निव प्र भरा स्तोममस्मै ।
वाचा विप्रास्तरत वाचमर्यो नि रामय जरितः सोम इन्द्रम् १
दोहेन गामुप शिञ्जा सखायं प्र बोधय जरितर्जारमिन्द्रम् ।
कोशं न पूर्णं वसुना न्यृष्टमा च्यावय मघदेयाय शूरम् २
किमुङ्ग त्वा मघवन् भोजमाहुः शिशीहि मा शिशयं त्वा शृणोमि ।
अप्रस्वती मम धीरस्तु शक्र वसुविदं भर्गमिन्द्रा भरा नः ३
त्वां जना ममसत्येष्विन्द्र संतस्थाना वि ह्वयन्ते समीके ।
अत्रा युजं कृणुते यो हविष्मान् नासुन्वता सख्यं वष्टि शूरः ४
धनं न स्पन्द्रं बहुलं यो अस्मै तीवान् त्सोमा आसुनोति प्रयस्वान् ।
तस्मै शत्रून् त्सुतुकान् प्रातरहो नि स्वष्टान् युवति हन्ति वृत्रम् ५
यस्मिन् वयं दधिमा शंसमिन्द्रे यः शिश्राय मघवा काममस्मे ।
आराञ्चित् सन् भयतामस्य शत्रुर्न्यस्मै द्युम्ना जन्या नमन्ताम् ६
आराच्छत्रुमप बाधस्व दूरमुग्रो यः शम्बः पुरुहूत तेन ।
अस्मे धेहि यवमद्गोमदिन्द्र कृधी धियं जरित्रे वाजरताम् ७
प्र यमन्तर्वृषसवासो अग्मन् तीवाः सोमा बहुलान्तास इन्द्रम् ।
नाह दामानं मघवा नि यसन्नि सुन्वते वहति भूरि वामम् ८
उत प्रहामतिदीव्या जयाति कृतं यच्छवघ्नी विचिनोति काले ।
यो देवकामो न धना रुणद्धि समित् तं राया सृजति स्वधावान् ९
गोभिष्टरेमामतिं दुरेवां यवेन क्षुधं पुरुहूत विश्वाम् ।
वयं राजभिः प्रथमा धनान्यस्माकेन वृजनैना जयेम १०
बृहस्पतिर्नः परि पातु पश्चादुतोत्तरस्मादधरादघायोः ।
इन्द्रः पुरस्तादुत मध्यतो नः सखा सखिभ्यो वरिवः कृणोतु ११

(११४) चतुर्दशोत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कृष्ण ऋषिः । इन्द्रो देवता । (१-६)
 प्रथमादिनवर्चा जगती, (१०-११) दशम्येकादशयोश्च त्रिष्टुप् छन्दसी
 अच्छा म् इन्द्रं मृतयः स्वर्विदः सध्रीचीर्विश्वा उशतीरनूषत ।
 परिष्वजन्ते जनयो यथा पतिं मर्यं न शन्ध्युं मघवानमृतयै १
 न घा त्वद्रिगप वेति मे मनस्त्वे इत् कामं पुरुहूत शिश्रय ।
 राजैव दस्म नि षदोऽधि बर्हिष्यस्मिन् त्सु सोमैऽवृपानमस्तु ते २
 विषूवदिन्द्रो अमतेरुत क्षुधः स इद्रायो मघवा वस्व ईशते ।
 तस्येदिमे प्रवणे सप्त सिन्धवो वयो वर्धन्ति वृषभस्य शष्मिणः ३
 वयो न वृक्षं सुपलाशमासदन् त्सोमास इन्द्रं मन्दिनेश्चमूषदः ।
 प्रैषामनीकं शर्वसा दविद्युतद्विदत् स्वर्श्मनवे ज्योतिरार्यम् ४
 कृतं न श्वघ्नी वि चिनोति देवने संवर्गं यन्मघवा सूर्यं जयत् ।
 न तत् तै अन्यो अनु वीर्यं शकन्न पुराणो मघवन् नोत नूतनः ५
 विशाविशं मघवा पर्यशायत् जनानां धेना अवचाकशद्वेषा ।
 यस्याहं शक्रः सर्वेषु रणयति स तीव्रैः सोमैः सहते पृतन्यतः ६
 आपो न सिन्धुमभि यत् समक्षरन् त्सोमास इन्द्रं कुल्या इव हृदम् ।
 वर्धन्ति विप्रा महौ अस्य सादने यवं न वृष्टिर्दिव्येन दानुना ७
 वृषा न क्रुद्धः पतयद्रजःस्वा यो अर्यपतीरकृणोदिमा अपः ।
 स सुन्वते मघवा जीरदानवे ऽविन्दञ्जयोतिर्मनवे हविष्मते ८
 उजायतां परशुज्योतिषा सह भूया अतस्य सुदुघा पुराणवत् ।
 वि रोचतामरुषो भानुना शुचिः स्वर्णं शक्रं शशुचीत् सत्पतिः ९
 गोभिष्टरेमार्मतिं दुरेवां यवेन क्षुधं पुरुहूत् विश्वाम् ।
 वयं राजभिः प्रथमा धनान्यस्माकै न वृजनेना जयेम १०
 बृहस्पतिर्नः परि पातु पश्चादुतोत्तरस्मादधरादघायोः ।
 इन्द्रः पुरस्तादुत मध्यतो नः सखा सखिभ्यो वरिवः कृणोतु ११

(११५) पञ्चदशोत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कृष्ण ऋषिः । इन्द्रो देवता । (१-३,
 १०-११) प्रथमादितृचस्य दशम्येकादशयोर्ऋचोश्च त्रिष्टुप्, (४-६)
 चतुर्थ्यादितृचद्वयस्य च जगती छन्दसी

आ या॒त्विन्द्रः॑ स्व॒पति॑र्मदाय॒ यो धर्म॑णा तू॒तुजा॑नस्तुविष्मान् ।
 प्र॒त्वक्षा॑णो अति॒ विश्वा॑ सहा॒स्यपा॑रेण॒ महता॑ वृ॒ष्णयै॑न १
 सु॒ष्ठामा॑ रथः॒ सुय॑मा॒ हरी॑ ते मि॒म्यन्न॑ वज्रौ नृ॒पते॑ ग॒र्भस्तौ॑ ।
 शी॒र्भं राज॑न् त्सु॒पथा॑ या॒ह्यर्वा॑ङ् व॒र्धाम॑ ते प॒पुषो॑ वृ॒ष्णया॑नि २
 ए॒न्द्रवा॑हौ नृ॒पतिं॑ वज्र॒बाहु॑मु॒ग्रमु॑ग्रास॒स्तवि॑षास॒ एन॑म् ।
 प्र॒त्वक्ष॑सं वृ॒षभं॑ स॒त्यशु॑ष्म॒मैर्म॑स्म॒त्रा स॑ध॒मादौ॑ वहन्तु ३
 ए॒वा पति॑ं द्रो॒णसा॑चं स॒चैत॑स॒मूर्जः॑ स्क॒म्भं ध॑रुण॒ आ वृ॑षायसे ।
 ओ॒र्जः कृ॑ष्व॒ सं गृ॑भाय॒ त्वे अप्य॑सो॒ यथा॑ के॒निपा॑ना॒मिनो॑ वृ॒धे ४
 ग॒र्मन्न॑स्मे व॒सू॒न्या हि॑ शंसि॒षं स्वा॑शि॒षं भ॑र॒मा या॑हि सो॒मिनेः॑ ।
 त्व॒मीशि॑षे सा॒स्मिन्ना॑ स॒त्सि ब॑र्हि॒ष्यना॑धृ॒ष्या तव॑ पा॒त्राणि॑ धर्म॒णा ५
 पृ॒थक् प्रा॑र्यन् प्रथ॒मा दे॒वहू॑त॒यो ऽकृ॑णवत श्रव॒स्यानि॑ दुष्ट॒रा ।
 न ये शे॒कुर्य॑ज्ञि॒यां ना॑व॒मारु॑ह॒मीमै॑व ते न्य॒विश॑न्त॒ केर्प॑यः ६
 ए॒वैवा॑पा॒गपे॑ सन्तु दू॒ढयो॑ ऽश्वा॒ येषां॑ दु॒र्युजं॑ आ॒युयु॑जे ।
 इ॒त्था ये॑ प्रा॒गुपे॑ सन्ति॒ दा॒वने॑ पु॒रुणि॑ यत्र॒ व॒युना॑नि॒ भोज॑ना ७
 गि॒रीर॑ञ्जान् रे॒जमा॑नां॒ अधा॑र॒यद् द्यौः॑ क्र॒न्दद॑न्तरि॒क्षाणि॑ को॒पय॑त् ।
 स॒मीची॑ने धि॒षणे॑ वि ष्क॒भाय॑ति॒ वृष्णाः॑ पी॒त्वा मद॑ उ॒क्थानि॑ शंसति ८
 इ॒मं बि॑भर्मि॒ सुकृ॑तं ते अ॒ङ्कुशं॑ येना॒रुजा॑सि॒ मघ॑वञ्छ॒फारु॑जः ।
 अ॒स्मिन् त्सु॑ ते॒ सर्व॑ने अ॒स्त्वो॒क्यं सु॑त इ॒ष्टौ म॑घवन् बो॒ध्याभ॑गः ९
 गो॒भिष्ट॑रे॒माम॑तिं॒ दुरे॑वां॒ यवै॑न् च॒धुर्ध॑ पुरु॒हूत॑ विश्वा॒म् ।
 व॒यं राज॑भिः प्रथ॒मा ध॑ना॒न्यस्मा॑कै॒न वृ॑जने॒ना ज॑येम १०
 बृ॒हस्प॑ति॒र्नः परि॑ पातु॒ पश्चा॑दु॒तोत्तर॑स्मा॒दध॑राद॒घायोः॑ ।
 इन्द्रः॑ पु॒रस्ता॑दु॒त म॑ध्य॒तो नः॑ सखा॒ सखि॑भ्यो॒ वरि॑वः कृ॒णोतु॑ ११

(११६) षोडशोत्तरशततमं सूक्तम्

(१-१२) द्वादशर्चस्यास्य सूक्तस्य भालन्दनो वत्सप्रिर्ऋषिः । अग्निर्देवता ।

त्रिष्टुप् छन्दः

दि॒वस्प॑रिं प्रथ॒मं ज॑ज्ञे अ॒ग्निर॑स्मद् द्वि॒तीयं॑ परि॒ जा॒तवै॑दाः ।
 तृ॒तीयं॑मु॒प्सु नृ॑म॒णा अ॒र्जस्त्र॑मि॒न्धान॑ ए॒नं ज॑रते स्वा॒धीः १
 वि॒द्या ते॑ अ॒ग्ने त्रे॒धा त्र॑या॒णि वि॒द्या ते॑ धाम॒ विभृ॑ता पु॒त्रा ।
 वि॒द्या ते॑ नाम॒ पर॑मं गुहा॒ यद्वि॒द्या तमु॑त्सं॒ यत॑ आज॒गन्थं॑ २

समुद्रे त्वा नृमणा अप्स्वश्न्तर्नृचक्षा ईधे दिवो अग्र ऊर्धन् ।
तृतीयै त्वा रजसि तस्थिवांसमपामुपस्थे महिषा अवर्धन् ३
अक्रन्ददग्निः स्तनयन्निव द्यौः क्षामा रेरिहद्वीरुधः समञ्जन् ।
सद्यो जज्ञानो वि हीमिद्धो अख्यदा रोदसी भानुना भात्यन्तः ४
श्रीणामुदारो धरुणो रयीणां मनीषाणां प्रार्पणः सोमगोपाः ।
वसुः सूनुः सहसो अप्सु राजा वि भात्यग्र उषसामिधानः ५
विश्वस्य केतुर्भुवनस्य गर्भ आ रोदसी अपृणाज्जायमानः ।
वीळं चिदद्रिमभिनत् परायञ्जना यदग्निमयजन्त पञ्च ६
उशिक पावको अरतिः सुमेधा मर्तेष्वग्निर्मृतो नि धायि ।
इयति धूममरुषं भरिभ्रदुच्छुक्रेण शोचिषा घामिनक्षन् ७
दृशानो रुक्म उर्विया व्यद्यौद् दुर्मर्षमायुः श्रिये रुचानः ।
अग्निर्मृतौ अभवद्वयोभिर्यदेनं द्यौर्जनयत् सुरेताः ८
यस्ते अद्य कृणवद्द्रशोचे ऽपूपं देव घृतवन्तमग्रे ।
प्र तं नय प्रतरं वस्यो अच्छाऽभि सुम्रं देवभक्तं यविष्ठ ९
आ तं भज सौश्रवसेष्वग्र उक्थउक्थ आ भज शस्यमाने ।
प्रियः सूर्ये प्रियो अग्रा भवात्युजातेन भिनद्दुज्जनित्वैः १०
त्वामग्रे यजमाना अनु द्यून् विश्वा वसु दधिरे वार्याणि ।
त्वया सह द्रविणमिच्छमाना वृजं गोमन्तमुशिजो वि वब्रुः ११
अस्ताव्यग्निर्नरां सुशेवो वैश्वानर ऋषिभिः सोमगोपाः ।
अद्वेषे द्यावापृथिवी हुवेम् देवा धत्त रयिमस्मे सुवीरम् १२
इति सप्तमोऽष्टकः